







УСМОН НОСИР

**танланган
асарлар**

Икки томлик
иккинчи том

Поэмалар, драма, таржималар

Редколлегия:

**С ШЕРМУҲАМЕДОВ, АСҚАД МУХТОР, МИРМУҲСИН,
УТКИР РАШИД, РАМЗ БОВОЖОН**

**Тўпловчи
Абубакир Ражабий**

Насир Усмон.
Чилимчалик асарлар. 2 томчиги. Тўпловчи А. Ражабий. Т. 2.
Т. Гафур Гуломномидаги баданий адабиёт, нашрлётни, 1962.
Т. 2. Повесалер. Драма, таржималар, 1970.
192 бет. Тиражи 15000.

Насир У. Иабравинма произведения в 2-х томах. Т. 2.

Уз2

Индекс 7-4-3

ЎЭМАЛАР



Волга! Волга! Оч руснинг ёши,
Волга! Волга! Фигонли дарё.
Қуёш гўё РАЗИННИНГ боши
Кенг бағрингда ҳамон мағрур, о!..

Унутилмас йилларнинг ёди!
Некрасонни зор-зор йиглатган
Бурлакларнинг аччиқ фарёди,
Тубларнингга тош бўлиб ботган...

О, тили йўқ сариқ тошларим,
О, бақрайган совуқ мурдалар,
Қўзғолингиз! Оқар ёшларим,
Юрагимни алам бурдалар!

Чидойлмайман! — қон қусар бўри,
Қон қусади дворян — аблад!
Бисоти — тун, коронги — маблаҳ —
Русия гадо, Русиянинг шўри!..

· · · · · · · · · · · · · · · · · ·

¹ «Лекиннома» поэмасининг кириш қисми.

Аввал баҳор, шаббода қалин
Барглар билан ўйнашар әди.
У, билмади кимнинг туққанин,
Аммо оналардай шод әди.

Она — асти ботмайдиган ой;
Оқ булатдай соф ва юмшоқ дил.
Умри — асиł шоирникидай:
Орзуси — йил, меҳнати — минг йил!

О, меҳрибон ва иссиқ сийна,
Ким билмайди оч бардошини?
Дарё-дарё тўқар ёшини
Ким билмайдики боиси на?

Она — әркдир, бола — зўр қайгу,
Қайгусини афзал билади —
Ва азобга сўз бермайди у.
Бу сафар ҳам тоғдай чидади.

О... билмади кимни туққанин,
Фақат ҳар галгидай шод әди.
Тишда баҳор, шаббода қалин
Барглар билан ўйнашар әди...

• • • • • • • • • :

1935

ТОЖИХОН

Қуёш ҳади ер ярмининг нари ёғида,
Кечаги ел тинмай ўйнәр қир ёногида.
Қизгиш бўлиб ботар әди уфқдаги ой,
Узоқларда шилдир-шилдир оқар әди сой.
Ҳамма ёқ тинч, тўрт атрофни босмиши сукут,
Тиниқ сувда балиқ каби юварди булут.
У қўзгалди. Маст бир илон каби тўлғанди,
Қош остида икки юлдуз париллаб ёнди.
Билмадимки, саҳардаги Зуҳра юлдузин
Ҳадди борми тенглашгани кўрганда юзин?
Пахса девор қоронғиси тутилтирган ой,
Энди ҳозир ҳаёт каби армон билан бой.
«Улгур пахмоқ» дея сўккан мушфиқ онаси
Энди кўрсинг, ўша Тожи — гавҳар донаси.
Энди кўрсинг, баҳт қушининг ростдан қўнганин,
Энди кўрсинг, кулба гулга тўлганин.
Энди кўрсинг, машъал бўлиб ёнган кўзларин,
Жаҳон тинглар ҳаёт билан тўлган сўзларин:
«Кўп қийналдим қора туннинг зулми дастидан,
Қуёш кашфи нур әтарми булут остидан?Мен ўзимни билимас ёдим, энди танидим,
Мен ўзимида ҳеч на сеъмай тек ётганидим.
Пахса девор қоронғиси тутилтирган ой,

Энди ҳозир ҳаёт каби армон билан бой.
Бу уфқни билмас әди умрим нигоҳи.
Сен сабабсан, яшашимга эй, улуғ доҳий!
Билмас әдим, ҳаёт шунча лазиз эканин,
Билмас әдим, одам шунча азиз эканин.
Кучсиз әдим. Йишинасадим ўзим ўзимга,
Еш олмаган куним йўқди асти кўзимга.
Энди топдим: ҳалол меҳнат мени қўлларкан,
Жон куйдирсанг, сўнгра саодат ҳам йўлларкан.
Билмас әди бу уфқни умрим нигоҳи,
Сен сабабсан, яшашимга эй, улуғ доҳий!»

Қуёш ҳали ер ярмининг нари ёгида,
Кечаги ел тинмай ўйнар қир ёногида,
Қизғиш бўлиб ботар әди уфқдаги ой,
Шилдир-шилдир оқар әди узоқдаги сой.
Ҳамма ёқ тинч Тўрт атрофда соқчиди сукут,
Тиник сувда балиқ каби юзарди булут
У қўзгалди. Маст бир илон каби тўлғанди:
Орқасидан Муҳаббатхон опа уйғонди,
Шошилдилар. Апил-тапил кийиндилар тез,
Ҳатто ҳали уйғонмаган хўрор саҳархез,
Қайга бунча оч ва наҳор боришар вкан?
Тонг ёришиб қолди Ҳамсон тинмай, ғув-ғув —
Қилган шамол рўмол билан олишар әкан,
Томоғидан айлантириб ўраб олди у.
Шу аснода бирин-кетин ҳамма келишди,
Худди ўша шамол каби тинмай елишди.
Тожихоннинг «лашкарлари» шудгор әтарди,
Бригаданинг ашуласи кўкка әтарди:

Рўмолимнинг учини
Тугмагангага тугдирай.

Шудгоримни тамомлаб,
Кўзларини куйдирай.

Ҳай акажон, ҳай ака,
Меҳнатингга барака.
«Далангни парвариш қил!»—
Дедилар Акмал ака.

Ўртacha бўй, қорачадан келган жувонча,
Улдабуро, ишбilarмон, кўзли жувонча,
Ҳурмат сенга! Сен Ватанинг эрка қизисан,
Осмонида порлаб турган бир юлдузисан.
Илҳомимнинг париси сен, равонлиги сен,
Фикрларнинг ўткирлиги, аёнлиги сен.
Ҳаммамизга ҳаёт берди шонли комсомол,
Юрагимда комсомоллик илҳом билан мўл,
Мен мажбурман хизматига ўлгунга қадар,
Мен мажбурман. Агар, борди, тугаса мадор,
Сўнгги минутларим келса... барибир толмай,
Иложим йўқ, бу онамни әсимга олмай!
Иложим йўқ Чунки умрим — унинг меваси,
Бутун кучим, шоирлигим — унинг әвази!
О, далалар, қирғоғи йўқ соҳилсиз денгиз,
Қуш уйғонмай, Тожиконни шунда кўрингиз.
Чевар қўллар ўйнаб кетди... Навбат кутмасдан.
У қўймади, чинакчи қиз, кунни ютмасдан.
Зум ўтмасдан оқ гулларга тўлдириб әтак,
Қуёш каби очилди у — яшнаган чечак.
Оқ булатдай тўлғанарди каттакон хирмон.
Тожиконнинг юрагида умид ва армон
Тор булоги каби баланд, кучли қайнарди...
Боласига ичиккандай бўлиб яйради
Одам қанча әпчил, зийрак ва дов әканин
Кўрсатди у — лола каби яшнар деганим

О, далалар... О, булатдай тўлғанган хирмон,
Тожиҳоннинг юрагида қайнайди армон.
Мис бозбандга эришолмай йиглаган кўкрак
Нишон тақди. Яшнаб кетди мисли бир гулдак...
Шу-да, ахир, одамзоднинг баҳтли бўлгани!
Шу-да, ахир, умрларнинг нурга тўлгани!
Юлдузлардан айрмайсиз ёнган кўзларин
Жаҳон тинглар ҳаёт билан тўлган сўзларин.
«Умрим борки, хизматингда чарчамайман ҳеч,
Сутдай саҳар, нурли кунидуз, баҳмал каби кеч.
Тинмай сира шудгор әтдим ҳамма еримни,
Уғит билан бирга сочдим кумуш теримни.
Ваъдам—ваъда! Бажараман! Онт ичдим сенга,
Эй ҳаётга патта берган улугим, менга —
Аён бўлди бор ҳаётим баҳти чинакам,
Сен сабабсан ҳаммасига улур Партиям!»

НОРБУТА

(Шу номли достондан парчалар)

Омон бўлсак, қўришармиз!

Қиши. Иэгириқ елар беқарор.
Түннинг сочи тўзиган, бесар.
Тўйнуқдан қия қараган ой
Узун кокили шуъла тўкар.

Үйнинг ваккина қорасига,
Бир тола нур секин ёпишиди.
Сарваройнинг қош орасига...

Нега қошлари чимирилган?
Нега йиглар у хунибийрон?
Қаёқдандир кирган жичча ел
Уй ичидা туртиниб, ҳайрон...

Уй бурчидаги бошини солиб,
Лабларини тишлиб, тек турган,
Үйларига етолмагандай,
Уаун-узун хаёллар сурган
Норбўта-ку, не бўлди ўзи?
Нелар бўлди, сўйлагин, қўзи!
«Шундай энди. Сарвар, йиглама,
Зинҳор қайғурмагин чечагим,
Кўришармиз омон бўлсак әркам,
Койимагин, ачир ичларим...

Кетар бўлдим. Мен кетар бўлдим.
Не қиласин, Сарвар оппоғим.
Сен ҳам отам, ҳам онам, укам,
Қариндошим... ишонган боғим.

Унутар деб ўйлама сира,
Нега сени унутай, қўзим?
Сен жонимсан, сен армонимсан,
Сен юрагим, сен икки кўзим.

Биламан мен, азоби катта,
Хаёллари чуқур ва чигал.
Майли, ёлғизликни ҳамроҳ қила,
Сабр қил-чи, то келгунча гал.

Ёшлини тўқма, сел қилиб,
Сенга қандай-қандай англатай?»

Уй қоронгу. Кеча жим, сокит,
Узоқларда итнинг улуви.
Секин жилдири-жилдири оқади
Томорқада ариқнинг суви.

Ой девор ортига ўтмасдан,
Тонг ёришмасдан-оқармасдан,
Бўта узун ўйлга чиқмоқчи
Ҳеч ким билмай, сезмай, кўрмасдан.

«Қайга кетаман, дейсиз, Бўтам?»
Сарваройнинг ёши тўкилди.
Ёлғизликда не қиласан, дер —
Шўрим қурсин... Не қилай әнди?!

Норбўтанинг кўзларида ҳам
Ёш бор әкан, артди билдиримай.
Қандай қилиб у қам ташласин
Севганини — Сарварни шундай.

Қийин айрилиқнинг дардлари,
Юрагингни ебоқ ташлайди.
Тоғ кўринар зарра фардлари,
Аямасдан кўзни ёшлайди.

Қандай қилсин Норбўта ахир,
У ҳам ташлай демади уни.
Қандай қилсин Норбўта ахир,
Аҳвол мажбур әтса гар шуни?

У ҳам ташлай демади уни,
Норнинг ҳам куяди юраги.
У ҳам ташлай демади уни,
Бу әмасди унинг тилаги.

Ки севганидан ажралсин у,
Ешлик чечагини қолдирсин.
Езги сувлар каби саргайиб,
Кўзларини ҳижрон толдирсин.

Сарварини ортиқ севади.
Сарварни деб, нелар кечирди.
Сарварни деб, ухламаган ҳеч,
Сарварни деб, кўзи ич урди.

Бир кўрганда, шув этган юрак,
Бир куз куни далада юриб.
Яна тўйларда кўриб уни,
Юрган орқасидан ўй суреб...

Шундай қўзисини қолдириб,
Йўқолишга кўнгли бўлмас-ку,
Лекин мажбур, бечора Бўта,
Кетган билан, кетиб ўлмас-ку.

«Қўзим,— деди,— қўзим»,— деди унга
Юпатайин Сарваримни, деб.

Гап рост келмай: Сарвар йиглайди,
Юпатиши бўлмай сира эп.

Мана, севганиндан Сарварни
Юрагини очиб ташлади.
Нега кетар бўлганинн у,
Сарварнга айта бошлади:

«Сенинг учун гулим айтаман,
Лекин мени йўлдан тўхтатма.
Беш, олти кун азобингни деб,
Кўкрагингга оғир ўқ отма!

Кул қилди-ку босмачи дасти.
Йиллар қақшаган-ку дастидан,
Эҳ, ёнаман, чидам йўқ асти,
Эсга олсанм ота-онамни.

Биласан-ку, бечора отам,
Муштипар онамни бегуноҳ
Иссиқ қонларини тўқдилар...
Од!..»

«Менинг акамни ҳам бошига
Етган бало шулар бўлди-да,
Дом-дараксиз кетди йўқолиб»,—
Деди Сарвар сўзини бўлиб.

Бўта силаб пешонасини
Йигисидан тинган Сарварнинг,
Гапларини давом эттирди,
Қандай қисқа қилсан, деб гапни.

«Шундай Сарвар, нимасин айтай,
Сенга булар ойнадан равшан.
Энди, эшиш!
Шу кун кечқурун
Улдирдим.

— Кимни?
— Улдирдим
— Войдод!
— Жим, аҳмоқ додлама!..»

Сарвар ўзлигини йўқотди,
Калласини буркаб кўрпага.
Қўрқиб, титраб сўрди:
— Норим, кимни?
Айтинг, ҳам нега?

«Тўхта әнди, мен айтиб берай,
Қасам ички, бирор билмасин.
Мен сени севаман. Зинҳор, ҳеч
Юрагингдан тишга чиқмасин!»

«Кеча кечаси мен, Раҳим ота
Хўжайнининг буғдойин тортдик.
Раҳим ота иккита қопга
Тортмай солган әкан сал ортиқ.

Бир пудча кам келган буғдойдан,
Қоплаганлар сотилгандан сўнг.
Шунинг учун Раҳим отани
Чунон урди қамчилаб, у тўнг.

Бечора чол ҳолидан кетди,
Мен суяклаб уйнга өлтдим.
Ёмон урган әкан, шу кеча
Жон берган у, кексайган етим.

Бу кун чидамасдан, газабим
Оловланди ортиқ қўёзғалгач,
Катта омборда, кўз қорайгач,
Пайт топиб, пичоқ урдим ман.
Финг демасдан йиқилди Ғани,
Улдирдим!

Омборни қулфлаб,
Тўғри уйга келганим ўша!»

— Нима бўлди сизга, Норбўта,
Энди не қиласми,вой ўлай?—
Норбўтага ташланди Сарвар
Бир нарсадан чўчиб қўрқандай.

— Қўрқма, қўзим. Майли, қонга қон,
Ўч!
Энди англадингми сўзни?
Мен кетаман.
— Мен не қилайн?
— Қўрқувга асир берма ўзни!

— Мендан сўрасалар не дейман?
— Дегин, кўрганим йўқ, келмади!
— Мени қийнаб сургасалар-чи?
— Дегин, кўрганим йўқ, келмади.

Ортиқ кутолмайман, Сарварим,
Зинҳор мени йўлдан тўхтатма!
Беш-олти кун айрилиқни деб,
Кўкрагимга огири ўқ отма!

Мен кетайин, Сарварим ўптири,
Балки йиллар қайта олмасман.
Лекин, әркам, мени унумагил!
Сени ўлсам ҳам унумасман!

Кунлар келар. Қайтиб келарман.
Омон бўлсак, кўришармиз яна,
Хайр, оппоғим!
— (Иирлаб) Хайр, Бўтам!
— Хайр!

Часовой

Қўлда миљтиқ,
Постда Норбўта.
Ой — командир
Кезиб юради.
Муздек, салқин
Енгил ел эсар,
Яшил, зумрад
Ўйноқ баргларнинг
Оқ багрида
Тўлқин уради...

Тун. Ойдин. Ел.
Постда часовой.
Юрак ажаб
Тез тепки берар.
Қўзлар ўтдек
Яшнаган чақнаб,
Ҷўрт томонга
Қараб тикилар...

«От!..»
Қайси ўнгир,
Қайси тоғлиқда
Оч бўрилар
Увиллаб қолди?
Қайси ерни,
Қайси бўшлиқни
Бўрон босди,
Зўр довул олди?

«От!..»
Жимжит ухлаб
Ётган ўрмонда
Қари сада

Оғиб кетдими?
Тун тинчлиги
Билан тинч ётган
Уфқларга
Бориб етдими?

«От!..»
Шивирлади
Үйнагай юрак,
Құл бақуевват
Тұтди күлангир.
Ким шитирлаб
Үтди бу ердан?
Ким ташлади
Саёқ күланка?

Норбұттанинг яшнаган күзи
Узоқларда күрди қорани.
Күрди тунда—
Бегона оёқ,
Балки...
Балки душман
Юзи қорадир,
Мандат!— деди.—
Эй... пропускал
Отаман, жилма!
Яқин келма,
Қора ўчди.
(Бекиндимикан?)
Юрак сира
Тинчий олмади.
Елдек юрди,
Үрмонга кирди.
Елди... Кезди,
Топа олмади.

Уткинчидир.
Ким билар, бундан
Қай йўл билан
Уткинчи юрар?
Чувалдилар ўйлар,
Тикилди кўзлар,
Юрак яна
Ажаб тез тепки урад.

Сигнәл постдан!
«Етди йигитлар
Из қувалаб
Кетди йигитлар»,
Тинчлик босди.
Фақат жарда сув
Тошлар суреб
Оқар чўзилиб,
Хаёл тутқич
Бермайин қўйди.
Чалкаш ипак
Каби узилиб...

Ой әтаги
Тор чўққисида
Сал илиниб
Қолди, тун ранги
Үчди... Оппоқ,
Оппоқ оқариб
Тонг келади...
Тун қора шоҳи
Рўмолини ташлаб бошига
Уфқ — қирдан
Йўқолиб кетди.
Ойнинг батис
Әтаги тоғнинг

Чўққисидан
Ииртилиб, пастга
Япроқ каби
Пириллаб кетди.

Яйлов бағри
Майса гиламлар.
Салқин ўрмон
Қуюқ ям-яшил.
Эрта билан
Тоза кенг нафас
Эмар диёр
Етилиб асиш...

Норбўтанинг
Уша кўзларни
Ҳали ҳамон
Тикилиб қарар,
Ҳали ҳамон
Кўлангирида қўл,
Ҳали ҳамон
Қалб тинчимаган.

«Эй, ёв юрак,
Емон ниятли,
Чиқсанг, чиқ-да,
Кўкрагингни тут!
Е ўйнашмоқ
Мен-ла истайсан?
Билмайсанми,
Норбўта менман!
Пост онамнинг
Бағридан қиммат.
Мен шу постлар
Учун яралган.

Мени алла
Қилган ерлар шу,
Менинг сочим
Шунда тараалган.
Унутсам мен
Отам-онамни,
Ҳатто умримни,
Унутмасмен
Шонли постимни!»

«От!..»
Үқ учди
Ажаб жингирлаб,
Оқ булуутдан
Кенг соябони
Тоғ учиға
Чирмашиб кетди
Бемаҳалда
Юксалган парвоз...
Үққа учди.
Бегона қора
Үгри мушук
Сингари пусиб,
Пост олдида,
Чуқур ўнгирда
Күзин қисиб,
Енгар ўққа
Учди фалокат!
«Қон қус, ўлгур,
Сенга ёзиқ шу,
Тонг отдирап
Түннинг ҳукми бу!»
Норбўта, сен,
Нималар қиладинг.

Ўз кўксимга кўлангир босиб,
Ўз қонингни
Тўқдингми ерга?
Норбўта, сен,
Нималар қилдинг?

«Ука... ука»,—
Деди лаблари,
Сўнгра кучсиз
Юмулиб қолди.
Нафаси тўхтаб,
Кўзи бақрайиб,
Ранги ўчиб,
Гирдайиб қолди.

«Ака»,— дединг,
Отдинг ўзингни,
Бағринг босдинг
Сўнган бағрига.
Жавдиратиб кўзларини Нор
Сакраб турди.

Бегонами бу?
«Бегона! Эҳ...
Душман ўласи.
Тфу! Сенга
Ки қора юрак.
Бир эмчакдан
Эмган әсак ҳам,
Тилак бизни
Бутун айнрган.
Мен от қўйиб
Тўғри йўл олдим.
Сени душман
Томон қайирган».

Устидан кир,
Йиртиқ чопони.
Моғор босган
Яктақ әгнида.
Ичдан тизма.
Ҳароми ўқлар
Хиштагида
Иккита бомба.

«Нималарни
Қилмоқчи бўлдинг?
Кўкрагингда
Узга бир армон?
Қон қусиб ўл,
Изларинг ўчсин!
Қон қусиб ўл,
Дили кир душман!
Унутсам мен
Отам-онамни,
Унутсам мен
Қариндошимни.
Унутсам мен,
Ҳатто умримни,
Унутмасман
Шонли постимни!»

Сарвар

...Дарахтларда қирор ялтирад.
Дамни кесар ҳавонинг заҳри.
Қор бетида қиздай қалтирад
Кумуш нурлар... Очилар баҳри.
Шундай чоқда шоирнинг, лекин
У бебаҳра, ўйи соҳилсиз,

Ҳаёл, фикр...— ғариб соҳибсиз
Сарваройи не қилса экан?!

Олпоқ кечал Сени олимдай
Текшираман; сенда ягона
Бир хосият борки, онимдай
Мен танийман боққан ҳамона.
Шовқин-суронлардан эмганим
Оч фикримни унинг қўйнида
Қайталабдан ёзар әсларим,
Феълим маҳкам пишади унда.

Тинчлик! Қанотингни кенгроқ ёй.
Бошқа нарса кирмасин ўйга.
Ана, йиглар ғариб Сарварой
Муздек совуқ қоронғу уйда.
Тундай қора киприклар ора
Иккита шам ёнар липиллаб.
Иложи йўқ, сил қайнин она
Келининг боқар мўлтиллаб.—
Мўлтиллар-да... Қуриган кўзлар
Ўгли учун йўқ ёшни излар...—

Зийлари дарз дарчани бўрон
Шарақ-шарақ уриб қўрқитар.
Ҳаёллари гўёки тўзон,
Сарвар лахта-лахта қон ютар.
Кўкрагини очиб ташлар у:
Дами оғир... Жони қийналар.
(Жуда ёмон дард билан қайгу,
Дил жигарни гўштдай қиймалар!

Латта пилик тутаб токчада
Кўкимтир ёш тўкар жинчироқ.
Поени йўқ тиљсиз кечада
Бу аҳволни ким қипти сўроқ!

Ҳеч ким! Бунга шоҳид у йиллар,
Кўйиб кулга айланган диллар.
Жинчироқнинг хира шуъласи
Ёритолмас уйнинг юзини.

Қора куннинг тахир туzinи
Тота-тота тоза меъдаси—
Куйган кампир, гўё ўнгирда
Эзни кутиб ётган охудек
Жонсарак ва ичиккан шўрлик—
Келинини юпатар... дилда —
Узи ҳам ҳўп куяр. Аммо ҳеч
Чораси йўқ; йиги беҳуда.
— Тақдир, болам...

Ҳамма уйқуда.—
Вақт ҳам ўзи ярим тундан кеч...

Тинчлик. Фақат уйғоқ Сарварои:
Қалб чилдирмадек уради.
Ташқарида бўрон урган ой
Қор бетида дайдиб юради...
Ухлай олмай бечора ҳалак,
Толган кўзга уйқу келса-чи?..
Ёнбошида чулганган сочи
Гажак бўлиб ётган илондек
Кўринади... Нафас қисади,
Тишда ҳамон бўрон эсади.

«Эй, худойим! Кулфатми, фақат
Ато қилган насибанг бутун?
Кўрмайсанми, ёнди-ку тоқат!
Бор оламни босди-ку тутун!
Нега раҳминг келмайди? Еки
Раҳмдиллик йироқми сендан?
Бардошимнинг сўкилди чоки...

Ол, беором жонингни мендан!
Мунчалик ғам, мунчалик мунгни
Битта жоним қайга жо қиласар?
Шунчаликда банданинг кўнгли!

Қачонгача қадни ё қиласар?
Ўзинг подшоҳ... ўзинг биласан,
Неки қилсанг, ўзинг қиласан!..»
Деган каби бақрайиб ётган
Нурсиз кўзлар о... ухлаб кетди,
Тинди бўрон, оқ чиммат ёлган
Ой ҳам әнди уфққа етди...
Ухла, гариб-етим, келинчак,
Ором олсин кўзларинг жиндак!

(Мен сезмайман қаҳрамонимни
Агар жиндек уйқуга ётса.
Елга ташлаб қиммат онимни
Бекорларга ҳавола этса.
Менинг учун бу даҳмазадир,
Аммо ўқувчига мазадир:
Шундай пайтда мен шарҳ беришга
Мажбур бўлиб қоламан, кейин—
Аллақайдан сўзлар теришга
Ва уларга янгидан кийим
Кийгишишга овора бўлиб
Қолганимда, ўқувчи кўриб,
Воқеалар гаранг қилган бош
Бирпас дам олади, шунда бўш —
Нафас олар, унга мазадир.
Аммо менга бу даҳмазадир!
Майли, шоир! Майли, ўқувчи!
Бу ҳам катта ишнинг бир бурчи.
Бир парча гўшт — юрак шунча кенг,
Ҳаммасини сифдирадир тенг,

Қани, әнди давом әтайлик,
Ишнинг охирига етайлик!)

У ухлади... қаргалар уйғоқ,
Қаргалар шод тонг отганига.
Ана, худди тутгандай тұлгоқ
Кучан билан ўнг құл ёғига—
Ағдарилди, бечорани ким
Құрқитади? Ҳамма атроф жим...
Войдод!..— деди, кимдандир қочди,
Җүчіб кетди, күзини очди:
Қоронғу уй... титрайди дир-дир.
Құрқиб кетиб уйғонган кампир,
Құқрагига туфлади, «Келин,
Нима бўлди?»— деди ва секин
Силаб-сийпалади бошини,
Енги билан артди ёшини.
Сарвар унга термилиб аста
Гүё узоқ ётган бир хаста
Пуфак каби шишиб қовоғи,
Суви қуриб, қақшаб томоги,
Най бандидек дами узилиб.
Кўнгли тўлиб, сатта хўрсиниб—
— Туш кўрибман,— деди,— бувижон.
Айланайин сиздан оҳ... қачон
Еруғлик кун келар биз учун?
Нега тақдир кўрсатмас кучин?
Идиш эмиш, аммо бир йўла
Яхши кўрган пиёлачамни,—
Бирор олган эмиш... ачамни...
(Улган онасини әслайди она.)
Сўкармишман. «Ҳеч ким билмайди!»—
Дер эмиш у. Бир вақт қарасам,
Девордаги михда турғанмиш.

«Вой ўлай ман», деб олай десам,
Қўлларимдан бирор тутармиш.
«Қўй,— дер әмиш,— зўрга турибди,
Қўл тегизма, ёмон бўлади,
Тушиб кетса, яксон бўлади».
«Йўқ!— дермишман,— жонимдан азиз
Пиёламни нима учун ман,
Шу ҳолича қўйиб қўяман?
Жон поччажон, мени тутманг сиз!—
Деб қўлидан чиққан әмишман.
Аммо минхга етмас әмишман...
Гангид қопман, йўқ әмиш ҳушим...
Чўчиб туриб қарасам, тушим.
«Паноҳида асрасин әгам,
Нозик ерда әкан»,— деди-ю,
Юм-юм йиглаб кетди кампир ҳам...
Яна оламни босди қайғу...

Шоир, бўлди. Дам олгин бир оз,
Бузилмасин жаранглаган соз!

Фалокат

Тун уфққа бошлади ҳужум,—
Қоп-қоронгу. Отряд тўхтади.
Ҳорган отлар бош солишкан, жим...
— Дам олингиз!— деди командарм,
Катта тошга сунди ўзи.
Уйқу босар, аммо кучли шарм:
Ярми очиқ илиниб қўзи
Худди қушдай омонат мулрар,
Уйқу ўлсин, қаёққа судрар?

Онда-сонда юлдуз йилтирас,
Ой ҳам энди чиқа бошлади.
Оқаришиб оғоч бошлари.
Кумуш каби барглар дилдира.
Ел әсади, ел әсар дайди,
Отряд ширин-ширин ухлайди.
Бу ер бехавф, тўрт тараф жимжит...
Ойдек уйғоқ пойлоқчи йигит.

Кўтарилди ой аста-секин,
Сутдай нурга чўмилди водий.
Мизгиб ётар командарм, лекин
Узоқларда хаёли-ёди:
Эсларига Украина тушар...

Тўриқ оти ел каби учар,
Елкасида бешотар мильтиқ.
Моғор босган кўйлаги йиртиқ,
Кун бўйи оч, жангларда олдин.
Осмонида офтоби — олтин,
Булут каби енгил ва ихчам,
Енгув учун ҳамон хотиржам,
Лекин сабр қилолмай дил ҳеч,
От устида ўйнатиб қилич,
Қўнгироқ соч, барваста ботир...
Махно билан жанг қилаётир...
Оҳа... Қувиб кетди... Ҳою-ҳу...
Ўлим шараф, ҳайдасам қўрқув
Худди бодроқ каби ёғар ўқ...
Жон кўринмас кўзга, асло, ийқ.
Дов бўлмаса, енгув бўлурми?
Енголмасанг, кўнгил тўларми?
Зафар керак, зафар! Ҳою-ҳу...
Яна аўрлик қилади уйқу,

Узоқларга тикилиб қолиб;
Мудраб кетар нигоҳи толиб...
Тонготар пайт аёз ҳам тушди
Шинелини ўраб, қунушди.
Эски Киев ортида сокин,
Кенг Днепр оқади, локин,
Командирнинг кўзи қирғоқда —
Ям-яшил ўт кўкарған ёқда.
У томонда — тог әтагида,
Бир қабр бор тошнинг тагида,
Фарёд қилиб йиглайди она,
Командармда уйқу йўқ яна.

Босинқираб қийналар жони,
Чўшиб турар қир ва тош ёни...
Ой саргайиб тоғлардан ботар,
Юлдузларда нур йўқ, тонг отар.

— Пича мизги, командир ўртоқ,
Тонг отишга ҳали кўп узоқ,—
Деди яна бир уйғоқ товуш.
Командир жим, командир хомуш
Унга қараб тикилар. Уйғоқ;
— Буюрингиз, командарм ўртоқ,
— Отлансимми отряд?
— Ухла, йўқ.
— Сув берайми?
— Нима?.. Кимга?.. Йўқ.
Жавоб калта, тўмтоқ ва узуқ,
Командирнинг авзойи бузуқ.
Махоркани ўради, тортди,
Буруқсаган тутун таратди.
Кўзларини юмди тик туриб,
Балки яна хаёллар суриб,
Ким билади нени ўйлади...

Ана, секин қўшиқ куйлайди:
«Порлатарди байроқларни
Яралардан оққан қон.
Юрди. Донбасс партизани
Кучли, ажбир әскадрон...»
Ашуулани сўнггини чўзмай,
«Рон» деди-ю, биракай тинди.
Махоркани ташлади, әнди
Тутаб ётган ўтдан кўз уэмай
Тикилганча қараб қолди у.
Норбўтага ошна әди бу,
Кўпдан бери бирга яшайлар,
Бирга туриб, бирга ошайлар,
Неча марта ўлимдан қолган
Командири сўзламас ёлгон.
Уч жойидан ўқ егани рост,
Тўртинчи ўқ тегмаган, холос.
Роса абжир, табиати зих.
Кўп ўйлади, кўп иш қилади,
Сал нарсага тез сиқилади.
Хурсанд бўлса, кулади, қаҳ-қаҳ...
Аччиғланса, кўзлари соқقا.
Суҳбатида ажойиб маза,
Жангни сувдек билади тоза.
У юрганда жон оламан дер —
Яхши ўртоқ, уста командир.
Гоҳо шундай кўнгли бузилар,
Хаёллари узоқ чўзиilar.
Шундай пайтда Норбўта ҳушёр,
Қайғусига дарров бўлар ёр:
Уни жондан азиз кўради,
Қайғусини лазиз кўради.
Шунинг учун бу ҳам ёқади.
Командири бунга боқади.

Кўзларида меҳру вафо бор,
Она каби содиқ вафодор.
Ўша тошга суюнди яна.
Кўзи ҳамон Бўтада, ана
Тилга кирди, Норбўта тинглар,
«Қоронғу ўй, ярадор инграп,
Сув деганда, сув томизаман.
Уҳ деганда, оғриқ сезаман.
Қон оқади тианлаб шар-шар
Ранги ўчиб, гўёқни мармар.
Борган сари оқариб кам-кам
Тоғдан оғир ётади... акам.
У икки бор калла кўтарди,
Тили гапга келмай, йўталди.
Ёнди... куйди... азобланди. Ўт...
Бутун олам гўёқни тобут —
Кўзларимга ёмон кўринди.
У бечора шундай уринди,
Аммо ҳайҳот!. Айтолмади сўз,
Азобига чидолмади кўз,
Билолмадим не қилишимни
Суғурдим-да ён қиличимни
Азобидан қутултирай деб,
Уйқусини осон қилай деб,
Кўзларимни юмиб, мўлжаллаб
Шарт бошини олдим...

Ўл жаллод!

Деган овоз чинқириб кетди.
Фарёд қилдим, фарёдим кучсиз
Ҳам қабрсиз, ҳамда тобутсиз,
Ўша ерда қолди бечора.
Бутун олам кийинди қора...
Сўнгра... сўнгра... яна кетдим мен,
«Ўч олишми? Душман! Шошма, сен,

Үт қўяман, ёндираман, от!»—
Дедим кетдим бўлгани шу, ёд—
Ҳали-ҳали әслайди уни,
Фигонимнинг чиқар тутуни.
Не хил яшаш, қандай жон бериш,
Ҳаёт шарті! Билмакка тириш!
Ўлим гоҳо зафар келтирас.
Буни камдан-кам одам билар...
Ой ботишда тонг қоронгуси,
Ширин командармнинг уйқуси.

Сал ўтмади ҳайқирган овоз
Бор тинчлигин бузди:
— Эй... отлан!
Ҳамма уйғоқ, ҳамма тайёр, ғоз.
Қулогини жимириди отлар.

Отряд борар, командир магрур
Кўз қиличдан ўткирлик қилур—
Атрофига қараб, яйрайди,
Тўриқ оти кишинаб ўйнайди.
Ҳаёлида гарис онаси
Ёш тўкади, ҳар бир донаси
Яроғланиб дарду ғам билан,
Қайгу-алам ва ситам билан
Аскар каби ўтар олдидан,
Қаёқларга чорлар ортидан?
Чақмоқ чақар, кўнглида қайгу...
Не қиларин билмай борар у.
(Одам гоҳо шундай бўлади,
Ую фикр билан тўлади—
Ҳаммаси ҳам қиммат ва ширин —
Шунда билмас не қилишиғин.)
Тоғу тошлар кўзига гўё

Худди босиб келаётган ёв
Кўринади, юраги нотинч,
От устида гўё темир синч
Қотиб қолган туяди ўзин,
Бенхтиёр юмади кўзин.
Бирдан тўхтаб шарпа сезгандек
Дурбун қўйиб қарайди андек.
Яна тоғлар... яна тошлар... қир...
Нега кўнгил қалтирап дир-дир?

Бургут каби отряд кутади.
Шу чоқда уч десанг, учади.
— Ҳали узоқ, кўприк келган йўқ,—
Деди секин командир,— хавф йўқ,—
Орқасига қараб:
— Чоп! — деди.
Отряд чопар, отряд хўп, деди.
Тақарақлаб туёқ сасланди.
Отлар шамол билан басланди,
Командирнинг оти учади.
Түёғидан тупроқ кўчади.
Совуқ ҳаво хунук гувиллар,
Акс-садоси тоғда гувиллар.
Динча узоқ кетиб қолди у.
Ўқ чақнади. Не гап бўлди бу?
От устидан парт учиб кетди,
Наҳот, сўнгги дақиқа етди?
Ҳаммани ҳам босди ҳаяжон:
Наҳот уни маҳв әтди ўлим?
Ҳамма бирдан бошига келди
Мұҳаббати ёшига келди.
Не қилишини билмади ҳеч ким,
Бутун атроф жавоб бермас, жим...
Мўлдир-мўлдир йиғлар, қаноти—

Синган қушдай бошида оти.
Бўронларни сенгиб келган у,
Шер юракнинг тақдирими бу?
«Эй валати дайди, қўрғошин,
Чиқ ўртага бўлса бардошинг
Ғазабимиз олдида, гўдай!»—
Деди тоғни талқон қилгудай
Ваҳшат билан ўшқириб Бўта.
Чурк әтмади ҳеч бирон рота.
Бирпас жимлик ҳукмрон бўлди,
Ҳамма кўнгил қон билан тўлди.

Шунда бирдан ўқ чиқди яна,
Бир аскарни шарт йиқди яна.
Ҳамма қочди, ҳамма қўзгалди,
Ҳар ким ҳар тарафга йўл олди.
Қайси ёқда қочсанг, омон йўқ.
Тўрт томондан ёгар ваҳший ўқ,
Ҳалқа қилиб ўраб олган ёв.
«Қим ботинар, қайсингда бор дов?
Биз ногаҳон ўлимдан эмас,
Кураш билан баҳтлимиз! Қочма!»—
Деди Бўта, эҳ гуррос-гуррос.
Тўп-тўп йигит гўёки сочма —
Порох каби ёвга ташланди.
Қонли оғир сўғиш бошланди.
Булар пастда жойлари яйлов
Ўнгирларга пусиб олган ёв.
Қочмасалар хароб әтади,
Бу ҳолга ким жавоб әтади?
Умрида ҳеч адашмаган эр
Бу гал хато қилган командир.
Ахир неча марта юришда,
Душман қайда, билиб буришда—

Кўймас әди олмасдан зафар,
Не фалокат босди бу сафар?
Емғир каби ўқ ёғилади...
Улим ёмон, ҳамма билади!
Тонг отди-ю, уфқ қоронғу,
Осмон чекар дардли бир қайғу.
Тоғ булоги йиглагансимон,
Тош кўзидан тўқар оппоқ қон...
Йигитларнинг кайфи беором,
Ҳеч нарсага қарамай беном
Неки бўлса, еб ташлагудай,
Алам билан жанг бошлагудай,
Жаҳл билан босалар қамчи.
Терлар қуийб томчи ва томчи,
Тош демасдан, кўлоб демасдан,
Йўлбарс каби ҳеч тап тортмасдан,
Жон ҳарпида югурап отлар,
Не отларки, учар қанотлар...

Душман қувар, ўқ ёғилади...
Улим ёмон, ҳамма билади!
Бефойда ўлгандан кўра,
Қочиш яхши! Ўзингдан сўрай
Мард кишининг мардлиги ҳаёт.
Улим мардлик берарми? Ҳайҳот!

Ортда қолди чарчаб саман от,
Ортда қолди якка пулемёт,
Душман босиб келар, нечора?
Пулемётчи йигит бечора
Наҳот, банди тушиб қолади?
— Йўқ! Аввало жонни олади,
Сўнgra асир бўлсан бўларман.
О! Қайtingиз!.. Майли ўларман...—

Деди-ю, шарт тушди отидан.
Шу чоқда от ўнг қанотидан
Үқ еди-да, таппа йиқилди.
Пулемётчи әнди не қилди?

Абжир йигит ўтдан ҳайиқмай
Кўзи қонга тўлиб, айиқдай
Куч сезди-ю, отни тўнтарди,
Пулемётни дарров ўнгарди.
Тириллатиб сайрата кетди,
Бормисан! — деб, эҳ... ота кетди...
Худди тутдай тўкилди душман
Бу аҳволат деди: «Урушман!»
Қани, душман дов қилолса-чи,
Бирон қадам ҳам жилолса-чи!
Душман кучли әканин билгач,
Бунга дили гувоҳлик бергач,
Отрядларни узоқ кеткизмай,
Қаршидаги қирдан ўткизмай,
Бор ўқини расамат қилиб,
Ўз жонидан кечиб, ишқилиб —
Йўлни анча боғлаб турди Нор.

Үқ оз қолди, нима чора бор?
Ўзи домга илинган овга
Ўхшаб, асир тушсинми ёвга?
Йўқ! — деди-да, командир сўзин
Эслаб кетди, о... ўзи ўзин
Ўлдирмакни ўйлаб, тир билан
Кекирдакка ўқталди... бирдан
Ўзи қўрқиб кетди ўзидан!
Қон томарди икки кўзидан...

* * * * *

Қўйон. 1932—1933

НАХШОН

Баршилов

Боғларга намозгар
Салқини тушди,
Гуллар нам баргини
Қайирди аста.
Офтоб ҳам сув ичар
Тоғлардан пастда,
Лоладек қип-қизил
Үт шафақ ўчди.

Кўз тутдим,
Кўзларим нигорон бўлди,
О, Дилбар,
Симбарим, юзлари қирмиз,
Киприги кўксига
Соя солган қиз,
Кўз тутдим,
Юрагим тўла қон бўлди.

Шаббода болалардай
Гулзор уэра шўх,
Ой фанорини
Еқди—қиз оқшом,
Яшал..
Сен келдинг

Севгилим, Нахшон,
Сув қизи — сувсарим,

Киприклари ўқ,
Сен келдинг,
Кўнглимга сув каби оқдинг.
Сен келдинг,
Рўҳимда яшаш бошланди,
Севинчдан кўзларим
Беҳол ёшланди.
Сен келдинг,
Шеъримга чечаклар тақдинг.

Сен келдинг,
Ваъдамга вафодор малак,
Оппоқ қўлингними,
Сийпалаб ўнай?
Қора сочингними,
Сийпалаб ўрай?
Ваъда этайними,
Сенга деб фалак?

Арзириди
Фалакни этсам ҳадя,
Афсус...
Фазо ҳали менга қул әмас,
Майли... боримни
Айлай армуғон
Гарчи у,
Ажойиб, асл гул әмас,
Нахшон, эй, ёшлигим
Севгилим ма, ол!
Ишқимнинг әнг олий
Туҳфаси—шеърим.
Уқи!

Лабларингдан тўйиб эмгани,
Шеъримга беркинди
Атайлаб меҳрим.

* * *

Шоти бўлиб
Кўкка чирмашган нола.
Шундай поядорки,
Кўринмас таги...
Тоғ бошида куннинг
Қонли әтаги,
Инглар ўнгирларда
Мунгли шалола.

Кеч кирган.
Чангларни кўкка кўтариб,
Пода кетди.
Тинди чўпоннинг найи.
(Билмам, нечанчи йил,
Билмам қайси кун.
Фақат әсда қолган
Аччиқ бир бийи!)

Якка, салқуни йўқ
Ниҳоли толча
Ёмғир томчиларга
Жом қилиб баргин,
Истамасдан шу ҳам
Умрнинг таркин,
Яшаш учун урнаб
Овора әди;
Зангизўрга¹

¹ Ереванда бир дарё.

Маржон ёшим тўкилди,
(Зор әканми дарё
Менинг ёшимга?)
Юрагимни тутган
Чоки сўкилди.
Қора кунлар тушди
Сагир бошимга:
Отам кетган,
Ўчган ҳаётим шами,
Ҳали силқиган йўқ
Гўрнинг кесаги,
Бу ҳам кетди.
Кетди дилим далласи!
Меҳрибоним онам...
Жонгинам онам...

* * *

Найлай,
Кипригимнинг нозик учида
Қайгуларнинг нами —
Симоб доналар?
Найлай,
Ҷалбим узра
Қон әмар Ништар?
Найлай,
Юрагимда
Дард-ардоналар?
Сув бетида оққан
Ҳай сап-сариқ барг
Тўхта, хаёлимни
Олиб қочмай тур.
Мен ҳам рўмолимни
Ташлай азага.
Мен ҳам

Сувга шимғий,
Сўнгра бирга юр!

Оқсам, зора қалбим
Куймаса дейман...
Дардим ошмасайди
Мен келармидим,
Алам ҳалқумимдан
Тутмаса йиғлаб,
Юрагимни ҳасрат
Найзаси тиғлаб,
Сенга келиб,
Эй, барг,
Роз айтармидим?
Сузилгиси келар,
Кўзларимни-ю...
Найлай,
Кўз ёшига
Ҳамроҳ бўлди у?
Меҳрибоним онам...
Жонгинам онам...

Мунча қаттиқ әкан
Қора ер сабил,
Кирай десам бўлмас,
Осмон ҳам баланд,
Учай десам бўлмас,
Қай ерда илож?

* * *

«Хуфтон. Қора булут
Яширган ойни,
Булут соясини
Оқизарди сой...

Тентиб шамол каби
Гадодек бежой,
Сарсонликнинг
Сиёҳ йўлига кирдим.

Ҳар әртанинг
Енгил сабо еллари,
Ҳар офтобнинг
Тўнгич биринчи тиги
Мени, бечорани
Топди беватан.
Ёки қайғу бўйи,
Ёки зор йиги...
Кунлар — ҳасрат макон.
Дард. Алам. Кадар.
Ўзлигимни ўзим билмай.
Тилда «Оҳ...»
Бош ургани топмай
Раҳмдил паноҳ,
Умир тойчоғини
Кўрдим самандар!
Йиглаб тоғлар ўтдим,
Ҳайбати юксак.
Йиглаб боғлар ўтдим,
Барглар сап-сариқ.
Йиглаб кунлар ўтдим,
Тунларни ўтдим,
Илинмади сира
Кўзимга ёруғ!

Ҳайбатига ўзи
Чўмилган Масис¹
Мастлар каби ҳушсиз,

¹Ереванда.

Оҳимни сеъмай,
Демади-я хасис,
Эй, Масис — хасис,
«Келгин, гадойвачча
Кўйнимга олай!»

* * *

Бир кун.
Емгирли тун.
Қоп-қора зулмат.
Чучварадек қайнар
Кўчаларда сув.
Бахмал каби қора,
Кўринмас осмон.
Бутун ёруғ жаҳон —
Дардли бир қайгу.

Шаҳар чеккасида
Мен билан очлик
Ҳамдам бўлиб юрди,
Кўзим қорайди.
Гўё авваллари
Шунчалар чексиз...
Чексиз бўлган олам
Энди торайди.

Учинг борми яна
Вафосиз фалак?
Жафоларинг қурсин,
Юрагим тўлди.
Бир парча дил бўлса,
Куйиб кул бўлди.
Улар бўлсам, ўлдим.
Этма кўп ҳалак!

Тун қоронғу? Эулмат?
Хол қуриди. Уә...
Очлик енгворди.
Совуқлик сездим,
Этим «жув» этди-ю,
Күзим беркилди.
Холсиз қўлим билан
Бошимни тутдим:
Пешонамдан ажаб
Совуқ тер келди,
Бошгинамга қилдим
Бир тошни болиш.
Сал ўтмасдан юрди
Шабада фир-фир.
Қулоғимга инган
Бир томчи ёмғир
Гўё мен фақирга
Айларди нолиш...

* * *

Шундан кейин,
Кейин, билмайман сира,
Ёки аzon әди,
Ёки ярим тун.
Тепамда бир қора
Сояни сездим.
«Қизим, ётма,— деди,—
Уйғон, болам, тур!»
Бирон одам менга
Раҳми келмаган,
Юмшоқ гапни азал
Эшиитмагандан,
Чидолмадим асло,
Йиглаб юбордим,

Бу одамнинг
Мунча ғамхўрлигидан...
Елкасидан
Шартта кир тужуркани
Олиб, бошим билан
Бирга ўради.
«Қўрқма, қизим,— деди,—
Қўрқма, опоғим!»
Кетдик.
Йўл-йўлакай
Ҳеч на сўрмади.

Биз юрдигу
Ҳаво очилиб кетди.
Юлдуз марваридлар
Сочилиб кетди...

* * *

Осмон шодлигимдай
Тоза ва баланд,
Ҳаво муздек салқин.
Енгил ел турди.
Барглар кўнглим каби
Қалтирап тинмай,
Ҳавфим хаёлимни
Қўрқитиб сўрди:

«Ким у ўзи?
Мени әлтар қаерга?
Яна кулфатларга
Ошна әтарми?
Сочларимни
Елдай тўздириб қўйинб,
Ойлар каби ёшлик
Ташлаб кетарми?»

Одам индамайди,
Тундай жим борар.
Узоқларни қувлар
Сирли кўзларим.
Айтай десам, қўрқдим,
Чурқ әтолмадим.
Тил тагида қолди
Айтар сўзларим.

* * *

Фонарь ёнар әди.
Живиллаган нур
Кўча беткайида
Жимиб ётарди.
Туннинг қора сочли
Лўлиси секин
Араатдан ўтиб
Пастга ботарди.
«Киргин,— деди,— қизим,
Кўрқма, киравер!»
Оёқларим сира тортмасалар ҳам
Кирдим, «Кўчалардан
Қоч әнди қўзим!»
Деган фикр бўлди
Менга зўр ҳамдам.

* * *

Оддий бир уй,
Хира жинчироқ порлар.
Тишда туннинг дайди
Шамоли сарсон.
«Қизим, тап тортмагин,
Утири, ўз уйинг,

Қорнинг очдир,— деди,—
Мана жиндек ион!

Эй, бошимни силаб,
Қизим, деган, ҳей,
Қўзларимдан ўқи,
Дардим кўп менинг!
Қўйгин қайғуларни
Узим чекайин,
Бундан баги
Жафо улушим—менинг
Дегим келди.
Аммо тилим бормади,
Юраккинам
Гўё қўрқиб оқарди...
Менинг хавфим билан
Учакишгандай
Сирли кўзлар менга
Ой!. Тик боқарди.

* * *

Дамлар соқов каби
Миргайиб ўтар...
Бирдан:— «Қизим,— деди,—
Оппорим, сўзла,
Нечун, нечун бўлди
Умринг саргардон?
Нечун, нечун сўнди
Қоп-қора кўзлар?»

Кўзларимдан томган
Томчилар унга
Умрим эртагини
Айтиб бердилар.

* * * * *

Яна жимиб кетди.
Унинг қарashi...
Хаёлларим яна
Қўрқиб дердилар:
«Ким бу ўзи?
Нега шундай кечаси
Бу уй мизғимаган,
Роҳати йўқ ҳеч?»
• • • • • • • •
«Қизим, чарчагансан,
Толгансан, эркам.
Ором олгин... ухла,
Ўзи ҳам жа кеч!»

* * *

Уқувчи!
Сен менинг
Қадрон дўстим,
Сенинг ишқинг борки,
Заҳмат чекаман.
Ширин уйқуларнинг
Баҳридан ўтиб,
Узун кечалари
Шеърлар битаман.
Бу кун яна келди
Чиройли қиз — тун,
Ҳол-жонимга қўймай
Кирди уйимга,
Рўпарамга аста
Ўтириди яна.
Теран кўзи билан
Сингди ўйимга.
Яна илҳом қалбни

Игналаб тилди.
Юрагимнинг
Чоки сўкилди яна,
Яна илҳом қалбдан
Қон әмар сўриб,
Қон томчиси шеърим
Тўкилди яна.
Яна «Нахшон» учун
Севгили шеърим.
Ҳикояси унинг
Авж олсин тезроқ,
Лекин шу ергаки,
Етдим битиклаб
Узурим бор сендан
Үқувчим, жиндак:
Орзум бор битмак
Бир даста достон.
(Ўлмасам мен уни
Рослаб бераман!
Ҳали бу битиклар
Бир ҳавас, холос.
Ҳали ҳавас билан
Гуллар тераман.
Балки, бу гулдаста
Ранг-баранг бўлмас,
Балки расо бўлмас бойлами...
Сал бўш.
Балки баҳоси ҳам
Кўп бўлмас ҳали.
Балки... Аммо сен ҳам
Билганингни қўши..

Худди шу ерида,
Менинг билгимча,

Нахшон, гарчи бундай
Муруват кўрди;
Гарчи, меҳрибонлик
Қилди у одам,
Гарчи, аҳволини
Ачиниб сўрди,
Ёш бола-ку, ахир,
Қўрқиши керак:
«Кўкрагимда худди
Улим ўрмалар».
«Хаёлимда катта
Бир дев хўмраяр»,
Дея, яна ортиқ
Қўрқиши керак.
Чунки у сирли кўз
Кўллардай сокин.
Алланарсаларни
Ўйлайди тинмай,
Нахшон қийналади
Кўзи илинмай...
Қандай қилиб, ахир,
Тинчий олади?
Нахшон ахир ҳали
Билмайди уни,
Қандай мизгий олар
Кўзлари сувгун,
Шундай уйда...
Шундай, айниқса туни?..
Буни мен бу ерда
Ёзиб турмайман,
Чунки қаҳрамоним:
«Тезроқ бўл!»— дейди.
«Тезроқ бўлгин, Усмон,
Тезроқ битиргин,

Йиғлаб ўлиб бўлдим,
Севинай», — дейди.

Майли! Мен ҳам қўйдим,
Фараз қил сен ҳам.
Достонимда албат
Булар бут бўлар,
Сўнгра сенинг ишқинг,
Тоза, пок меҳринг,
Сувдек суқинг билан
Шуҳратим тўлар!

* * *

Хаёлларим чигал...
Кўзим юмулган.
Ширин уйқу андак
Мизғитган әкан,
Кўкрагимга жиндак
Шабада тегди.
Чўчиб турдим,
Уйга бир хотин кирди:
Сил башара,
Кўзи олчадек қора.
Усгида бор эдн
Бамазий кўйлак.
Бир қаради менга,
Қалбим титради.
Фижжак билан чалган
Мунгли бир куйдек
Титроқ овоз билан
Шивирлаб аста
Дарров уй тўрига
Бориб, одамга

Алланарсаларни
Сўзлади тез-тез...

Сўнгра нафас олди,
Сўнгра тинчили.
Менга яна боқди,
Мен яна қўрқдим.
Яқин келиб менга
Кулиб бирпасда:
«Хуш келибсан, синглим,
Ўксима, опош!»—
Деди. Бошларимни
Силади ёввощ.

Кўзларимга тушди
Ҳаста нигоҳи.
«Ўксик эканимни
Ким айтди сенга?
Кимсан?
Қандай билдинг?
Қандай биласан?
Нега меҳрибонлик
Айлайсан менга?»
Деган бўлиб мен ҳам
Кўзни олмадим.
Сирли кўзга боқди.
У жувон ҳам тез,
Ва у одам деди:
«Хотиним Маро,
Бу ҳам ғариб...
Қизим, тортина ҳаргиж!»

Ўзимда йўқ каби
Очоқлаб кетдим.
Намхуш киприкларим

Яна шип-шилта...
Яна томчи томди.
Яна кўз ёши.
Севинч ёши билан
Тўлди дил шунда.
Энди сабо мени
Излаб тополмас,
Эҳтимолки, офтоб
Мени ахтарар.
Ўнгирларга борар,
Тоғларни қарап,
Тепаларда тентиб
Боғларга борар...

Шодлигимдан уйқу
Қочди бир гўрга.
Ўйим увун...
Кўзим ёнди чарақлаб.
Энди чиқмайман мен,
Сабо еллари,
Инглаб кўчаларга,
Бахтим сўроқлаб!

* * *

Сирли кўзим ухлар,
Алла қил, отам!
Ширин тушлар кўргин,
Алла қил, Маро,
Мени кўргин, мени...
Сайр өтган бўлай
Юзларнида шодлик,
Чаманлар аро.
Эҳ, уйқусиз туннинг
Чўзиқ ўйлари,

Эҳ, ўйларим —
Қанот ёзган капитарлар,
Эҳ, капитарлар — юмшоқ,
Момиқ оқ парлар,
Эҳ, оқ парлар,
Учинг само бўйлари,
Учинг ўксик дилни
Бирпас аллаланг!
Бирпас ўксик дилни
Сомон йўлларида
Қийқириб учинг.
Овунтириинг,
Адо бўлган кўнгилни.
Учинг! Учинг! Учинг!
Оқ парлар, учинг!

* * *

Шундай хаёл билан
Ухлаб кетибман.
Туш аралаш менга
Сезилди шарпа,
Боқсам: хом сут каби
Кўкимтирир саҳар.
Маро ўз-ўзидан
Мунгланар сатта...
Секин бош кўтардим
Маро илжайди:
«Ха, оппоғим, синглим,
Ургилсин опанг?
Ҳали врта, ухла,
Ухлайлик иккови!
Заводига ишга
Жўнади отанг» —

Деди. Жони билан
Роса эснади.
Пешонамни силаб
Ёнимга ётди,
Мен ҳам эснадим,
Кўзларимни юмдим,
Уйқу, кел бери!

* * *

Баргларда оқарди
Ёқут томчилар,
Булут чодир тикди
Каҳрабо әрта.
Маро соchlарига
Қилдек ингичка
Тиги офтоб инди
Живиллаб әрка...
Нафасларим шунча
Ичдан келади.
Бутун ҳаволарни
Ютгудек бўлиб.
Ойна орқасидан
Осмон боқади,
Зангор тозаликка
Кўкси зич бўлнб...

Маро жоним, тургин,
Тургин, айланай!
Офтоб ёзди
Олтин кокилларини,
Эҳ, қандайин дилбар
Бўлди бу әрта,
Қара. Зангизўрнинг
Соҳилларини.

Қара, булутларнинг
Хил-хиласини,
Яшил ўрмонларнинг
Салқинини кўр.
Тургин, Маро жоним,
Тургин, ўргилай,
Елни тароқ қилиб,
Сочларингни ўр?!

Гиргиттонинг бўлай,
Табиат пари,
Майсаларинг гилам,
Кўкинг соябон.
Гўзаллигинг сенинг
Ажаб бепоён,—
Пой изимдан тортиб
Уфқдан нари!..

Сени әнди билдим,
Сенга қарадим.
Нафасларим — ел,
Кўкрагим — осмон.
Сени — етимликнинг
Очиқ ватани.
Улим олдида ҳам
Ҳеч унутмасман!

* * *

Кичик кулбачани
Айлаб тарқ шартта,
Маро билан
Қўшни боғларга чиқдик.
Сатанглардек қадди
Кеккайган олма,

**Маро билан бирга
Биз уни әгдик.**

Маро деди:
«Синглим,
Қайси ёқдансан?»
Дедим: «Осмон» деган
Капа тагидан.
Деди: «Саркис менга
Айтди «етим» деб».
Дедим: «Азоб чекдим,
Юрагимни еб».
Деди: «Отанг ўлган,
Онанг ҳам ўлган?»
Дедим: «Қариндошим
Йўқ ўзга мендан!»
Деди: «Кўзларингдан
Айланай қўзим,
Мен ҳам ғариб, синглим,
Кўнглим яримта».
(Умрин әртагини
Сўйлади бутун.)
Яна кўнглим оқди,
Кўксим шип-шилта.

* * *

Маро билан роса
Тўлиб дардлашдик.
Юрагимни әнди
Бўшатдим мен ҳам.
«Умр шунча қиммат,
Шунча озгина,
Шунча қисқа даму,
Нега дарду ғам?»

Дедим: «Саҳардаги
Булбул оҳидек
Умр қаёқларга
Борар номаълум».
Деди: «Саркис деди:
Жангга чиқамиз
Ёки ёруғ жаҳон,
Ва ёки ўлим!»
«Ростдан, Нахшон ука,
Токай, бу хўрлик?
Токай, бошимизда
Баднома кўлка?
Кўйки, озод бўлсин
Оҳудек яйраб.
Осмон каби това
Бўлсин бу ўлка!
Жангга чиқасанми,
Қўлингдан тутсам?
Нахшон, оппоқ синглим,
Чопарми кўнглинг?
(Ўз-ўвидан ортиқ
Қалтираб кетди.)
Ушла қўлларимни,
Бер, ука, қўлинг!»
Юрагимга ботди.
Маро сўвлари.

* * *

Ҳаргиз ажаб ўйлар
Кўз очиб кетди,
Бир нуқтада тинди
Нигоҳ кун бўйи...
Энди чинакамдан
Ўй босиб кетди...

Бениҳоят юрак
Тепкиси ошар,
Ичдан лавалардек
Олов ёнади.
Аарати бунча
Кибор боқади,
Ҳаёт буюклиги
Ундами яшар?

* * *

Билмай қолдим,
Куннинг ботганини ҳам,
Каптар қони каби
Шафақ ним қизил...
Ҳамон юрагимда Маро сўзлари,
Кўксим тош босгандай,
Роса вазмин — зил...
«Маро, Саркис мунча
Кеч қолди экан?»
«Келиб қолар, Нахшон,
Шошма, ҳалзамон».
Кута-кута уни
Кўзлар тўрт бўлди,
Кута-кута уни
Юрак бўлди қон.

Ой ҳам чиқди,
Ойдай Саркис ҳам келди.
Кўнглим тиљим эди,
Бўлди чароғон.
Пешонамни силаб
Бағрига босди,
«Меҳр» деган шундай
Кучлими ростдан?

Деди: «Яхшимисан,
Гарифим, қизим?»

Дедим:

«Раҳмат ота».
(Ичим шув әтди.)

Энди кўкрагимга
Шабада тегди,
Кўнглим ўқсиб кетди
Яна беизим...
Кипригимдан босди
Хаёл вазмини,
Ўтган кунларимни
Эсимга олдим.
Үйларимни яна
Азага солдим,
Сўрамасдан сира,
Эрким измини.

Маро деди:
«Нахшон, яна хаёлим?»
Яна орзиқарми
Юракчанг сенинг?»
Саркис ичар әкан
Оби ёвғонни
Шунда кўзларимга
Боқди-да, менинг,
Авзойимни бузмай,
Секин, салмоқли
Оҳанг билан деди:
«Қизгинам, Нахшон,
Ўтканларга қайгу
Чекма, оппоғим.
Чаман-чаман боғлар
Олдадир, боқсанг!»

* * *

(Шетда бирпас тўхта,
Оғир бўл, шоир,
Сенга уларни мен
Таништирайин.
Ошна бўлсин Саркис
Ва дилбар Маро.
Сўнгра ҳикоямни
(Давом этайин.)
«Саркис, ўша мени
Емғирли тунда,
«Тургин, оппоқ қизим,
Юр!» деган киши
Қирқ бешларга борган.
Манглайи тириш.
Меднат кўчасида
Дув тушган тиши.
Узоқ ўтмишда —
Якка подачи.
Қайғу найларига
Жўр бўлиб ўсган.
Қочай деса
Умр азобин ташлаб,
Йўлларини зулм
Тоғлари тўсган.

Гарданида кўм-кўк
Моматалоқ из,
Елкасида синган
Илғай қамчилар.
Олис тарихида
Хол бўлиб қолган
Балки... кўзларидан

Томган томчилар...
«Бир парча нон» деган
Умр савдоси
Уни кўчаларда
Сарсон айлаган.
Қуллуқ—ибодатнинг
Жаазо кишани
Алдаб ялтираган,
Кўзин бойлаган.

У ўз тили билан,
Шундай дер әди:
«Эсдаликларимнинг
Салобати зўр,
Айтай десам
Бутун кечмишларимни,
Сўзга келмас тилим сира...
Мана кўр.

Адаш гапираман
Ҳалитдан
Эй, ҳуш!
Қанотланма узоқ,
Қанотланма туш!
Сенинг тилинг аччиқ,
Сўзларинг аччиқ,
Аччиқ аламларни
Қўзғаб қўясан.
Эсларимга солиб
Куйган ёшликни,
Кўзларимдан бир жуфт
Чашма ўясан!»
Тошлар ўяр,
Тоғлар ҳайбатин ёрап?

Кўз нурларин тўкар
«Силлиқ бўлсин» деб.
Унинг умри шундай.
Унинг умри — тоғ.
Воясига етган
Сабри қайғу еб.

Маро унинг жони.
Маро — хотини.
Анча виқроқ.
Аммо дилкаш ва тирик.
(Ахтарсангиз,
Унинг бор бисотини,
Ҳар кулфатда чиқар
Саркисга шерик.)

* * *

Кунлар ўтди бир-бир.
Ойлар санаиди
Маро билан нуқул
Сен-сенга ўтдик.
Дунё гапларини
Тинглаб биришта
Юю фикрим ўсди
Аланга — ўтдек.

Кунлар ўтди бир-бир
Сувдай туташиб.
Кундуз — оқшом билан,
Кеча — тоңг билан.
Эй!.. У кунлар,
Кунлар,
Менга онг берган.

Эслар экан,
Кўнгил кетар ушалиб...

* * *

Бир кун.
Тандо әдим
Мен ўзим ёлғиз.
Саркис ишга кетган,
Маро йўқ әди.
Шамол тезлигига
Кирди бир йигит,
«Маро қани?»— деди.
«Маро йўқ»,— дедим.

Кўзларимга тушди
Нигоҳи қиё.
Ким әкан бу?
Бунча чиройли әкан?
Юрагимда пайдо
Бўлди бир тикан,
Гўё тимдалади..
Айлади қийма.

Не бу?
Нега юрак ҳал-ҳал әзилди?
Нега шиша каби
Чил-чил синди дил?
Не бу?
Нега, сури киприкни сузди?
Нега, ўз-ўзидан
Сўз йўқотди тил?
Суқим оқиб кетди
Гўё пойида.
Лабларим ҳам ажиб

Қалтираб турди.
Кўкрагимда худди
Бир бало юрди,
Аччиғ-аччиғ ботиб
Юмшоқ жойида,
Дедим: «Маро йўқ-ку,
Не ишингиз бор?»
Деди: «Шундай бекор,
Тортма сен озор».
Дедим: «Озори йўқ
Қатрача ҳам ҳеч».
Деди: «Ҳайр бўлмаса,
Келарман сал кеч».

Кўзларини олмай
Тикилди менга.
«Кетма!» дегим келди
Сансираб уни.
Бирдан шартта чопиб
Чиқди әшикдан.
Орқасидан чопдим.
Юрак тутуни —
Кўз олдимни этди
Тундай қоп-қора;
Қалбим узра сездим
Бир жароҳ — яра...

Қандай сезги экан,
Үйчан айлади?
Хаёлимни бутун
Олиб қочди у.
Борлигимни чамбарчас
Бойлади.

Билсам... билсам кейин
Севгим экан бу!

* * *

Маро келди. Айтдим.
У деди: «Кўрдим».
«Ким у йигит?»— дедим.
Мародан сўрдим.
Сезди шекилли-да,
Кулди оҳиста.
Лабларини очиб
Худди оқ писта.

Деди: «Ашот деган
Ишчи бир йигит.
Газет, китобларга
Ҳарфлар теради.
Яқинда у ўзи
Масковдан келган.
Бир хил пайтлар, шундай,
Келиб турди.

Нима бало, Нәхшон,
Не бўлди ўзи?»
Уят оғир келди,
Бошимни босди.
Яна Маро деди:
«Уялма, қўэзим,
Айткин нима бўлди?
Не олиб қочди?»
Қалбим деди:
«Айткин, севаман, дегин»...
Тилим таржимонлик

Қилолмай қолди.
...Шундай қилиб, севги,
Биринчи севги —
Киши билмас қилиб,
Кўнглимни олди.
Қани, Ашот бола,
Кўзлари қора?
Қани, юрагимни
Эзгувчим менинг?

Умрим бино бўлиб
Билмаган әдим,
«Севги нима?
Нега орзиқар кўнгил?»
Уни бир кўрдиму,
Биргина кўрдим,
Кўз ўнгимда босар
Мисоли буткул...

Ким әкан у?
Нега дараги йўқ ҳеч?
Езги сувлар каби
Ташлаб кетдими?
Қайғум тоғдан ошар,
Яна қайғули
Чорраҳага йўлсиз
Ташлаб кетдими?

* * *

Бир кун
Отам Саркис

Қайгули қайтди.
Қовогидан худди
Қор ёгар әди.
Кунги одатини
Айлаган канда:
Ювингмаган
Афти кир, могор әди.
Ҳеч бирон гап уни
Овинтирмади.
Сурункаси «уҳ» деб
Олди оғир дам.
«Нечуи?— деди, Маро,—
Саркис, мунчалик,
Ортиқ қайгулисан?
Тушди қандай ғам?»

«Сўрамагин»,— деди,
Энтикиб Саркис.
Анча вақт сира
Сўзлолмай қолди.
Деди: «Бу кун кундуз
Горген қамалган».
Упкасии қийнаб
Бир нафас олди.
Ки, қайтариб яна
Чиқарганда дам
Лампа пир-пир
Этди-да, ўчди.
Танимайман ким у,
Аммо Саркиснинг
Қайғусига шерик бўлдим.
Қалб кўчди.

* * *

Алланечук ўйлар
Ўйлаб, охири
Энди кўзим андак
Мизғиган әкан,
Бирдан әшик
Қаттиқ тақиллаб кетди.
«Маро»,— дедим.
Саркис: «Жим қизим»,— деди
Бирпас жимлик тушди.
Пашша ғинг әтмас.
Борган сари
Қўрқиб юрак ўйнайди.
Яна тақиллади.
Яна ва яна...
Саркис турди.
Юрди. Уй ўртасида
Қотиб қолди.
Билмай қай вазиятда.
Қоронгуда Маро
Кўзга кўринмас.
Бирдан Саркис
«Кимдир?»
Ким тақиллатган?»—
Деди. Ташқаридан
Хирри бир овоз
«Очинг!»— деди.
Саркис әшикни очди,
Уй ёриди.
Лампа ёқилди. Уйга
Кириб келди.
Уч нафар — полиция.
Бири аста бураб

Узун мўйловин:
«Саркис Абовянми?
Денгиздан денгиз—
Буюк Арманистон
Ҳукуматининг исмидан
Қамоқ қилдим».

Тинтингиз!
Тинтиб кетди.
Уйни ост-устин қилди.
Чидолмадим сира
Йиглаб юбордим.
Маро ҳўнгиллади.
Бир азо турди.
Саркисга мен
Ўзни ташладим, маҳкам
Қучоқладим сиқиб,
Бошимдан ўпди.
Ҳеч гап гапирмади —
Тоғлардай магрур,
Кўллар каби сокит
Тинч туриб берди.

Тинтиб бўлди,
Топмай ҳеч бирон нарса.
Гумон билан қараб,
Саркисга тикка,
У шоп мўйлов
Кулиб: «Олингиз!» — деди.
«Отажоним, отам,
Омон бўл, омон!»
«Омон бўлгин, Маро,
Нахшон, сиқтама», —
Деди. Уни шартта
Олиб чиқдилар,

Инглаб хунибийрон,
Колдик саргардон.
Қаттиқ тегди дилга
Қўну қўшнининг
Шивир-шивири-ю,
Тек томошаси!..»

«Уйқу уйқу бўлмай
Утди кечаси.
Ой ой бўлмади-ю,
Ғам берган бўлди.
Юрак лахта-лахта
Қон билан тўлди
Мунча серқайғу-кан
Умр кўчаси?
Яна қўнгил узра
Қайгу ҳароми,
Яна кўзларимдан
Сел равон оқди.
Нечун-нечун Масис
Хароба боқди?
Бунча ўгай бўлди
Ҳаёт ороми?

Бутун туни билан
Марони бирам
Ҳол-жонинга қўймай
«Айт»,— деб зўрладим:
«Нега Саркисимни
Қамоқ қилдилар?
Недир ахир унинг
Гуноҳи?»— дедим.

Деди: «Синглим, Нахшон,
Асти сўрама

Кўпга келган бало,
Недир чораси?
Сен сўрайсан, қўзим,
Оҳ, билсанг әди,
Юрагимнинг қонар
Дардли яраси..
Ҳали ҳоким әкан
Бу итваччалар,
Елкамиизда тинмас
Ҳали кўп гаврон.
Келар ахир бизга
Умрнинг гали.
Келар ахир бизга
Елкамиизда тинмас
Баҳори даврон.

Масков, Петрбургда
Октябрь яшар.
Октябрки, буюк
Инқилоб номи.
Бизга паноҳ берар
Фақат қўзғолон.
Қўзғолсакки, синар
Бу зули дами!

Ҳозир бутун ватан
Беэгак қўйнида...
Шимарилган заҳмат
Халқнинг билаги.
«То денгиэдан денгиэ —
Буюк давлатим»
Деган дашиноқларга
Улум тилагин!

Отанг ҳаддан ортиқ
Сабри тугаган.
«Қўзғолсак-чи,
Ватан бөгбони бўлсак,
«Умр деган майга
Маст бўлиб тўйсак»,—
Деяр әди ҳаргиж.
Кўргилик әкан.
«Горгси қамалган» деб
Қайгули әди.
Узи-чун ҳам
Еган әкан қайғуни.
Қўзғол, синглим,
Қўзғол, заҳмат армони!
Ағдар фалакни ҳам
Соя бермаса!»

Сатта йиғлаб сўзлаб,
Ээди юракни,
Ухламасдан аранг
Тонгни ёритдик.
Кўзга кўринмади
Тонг табиати.
Гёй уни ҳам биз
Дардда ҳоритдик.

Ота-онам ўлиб,
Шундай куймаган,
Шундай өзилмаган
Эди юрагим.
Эҳ, юрагим,
Сирдош, ҳамроҳим менинг,
Наҳот, очилмагай
Кулиб тилагим?

• • •

«Тонг оқарди,
Тонгда турди-ю, кетди
Аламига сира
Чидолмай Маро,
Билмам қайга кетди,
Кимга ара әтди?!
Яна кўнглим, қаро,
Хаёлим қаро.

Яна офтоб ботди,
Яна кеч тушди.
Яна юрак қўрқиб
Битталаб тепар.
Қаерларда сарсон,
Тентиб саргардон:
Маро нечук бундай
Кетди бехабар.

Қош қорайган вақт,
Қон қора қақшаб
Маро келди йиглаб:
«Куним қурсин», деб.
«Кетди бошимиздан
У ғамхўр соҳиб,
Жаллодларга, Нахшон,
Қирон келсин», деб.
«Кеча Гортен деган
Қамалган учун,
Завод ишчилари
Йигин қилишган.

Шунда отанг қаттиқ
Гапирган әкан;
Уни қамаганлар
Фақат шунинг-чун:
Билмам, әнди Нахшон,
Охири қандай?
Бахайр бўлса, гўрга.
Ёмон бўлмасин.
Биттагина паноҳ,
Қариндошим шу.
Айткин-айткин, синглим,
Уҳ... кўп кўрмасин!»

* * *

«Шундай кунлар ўтар...
Ўтарди кунлар;
Севинч ошна бўлмай
Умрга бином.
Маро менга ажаб
Сўзлар пишилди:
Айтиб берди
Дунё сирларин тамом

Кўзларимга гўё
Офтоб беркинди.
Узоқларни кўрдим,
Кўрсатди Маро.
Билдим. Билиб етдим
Билдим мен әнди,
Билдим оқи қайси,
Қайсиси қора».

• • •

Яна кеча. Азон.
Кундуз. Намозшом,
Яна кунлар елдай
Учиб ўтдилаr.
Борган сари
Исён әтар бўлди дил.
Уз-ўзидан
Оғир босиб кўп ўйлар.
Нечун бунча хўрлик
Бунчалик жазо?
Еки вабо келди
Этмакда ҳароб?
Еки қон қусмоқчи
Сарғайиб сароб?
Нечун-нечун бизга
Бунчалик азоб?

Живиллади менинг
Аъзойи бадан.
Яхши билолмайман,
Нега, нимадан,
Гўё нигоҳ ўқи
Тешса осмонни,
Гўё парчаласам
Йиқиб тоғ-тошни.
«Йўқол, осмонимни
Қорайтма, булат!
Йўқол, исенимдан
Қўрқмайсанми, а?
Йўқол, ҳаёт бояин
Ҳароб әтган сел!
Йўқол, йўқолмасанг,
Ҳароб өтаман!»

• • •

«Май кунлари әди,
Ел ёзар куртак.
Оlam бутун кўм-кўк
Кўкарган әди.
Қора атлас кийиб
Эгнига кеча.
Кўчаларда санқиб
Тинч юрган әди.

Узим якка, уйда
Маро йўқ әди.
Эшик тақиллади,
«Кимдир? Ким?»— дедим.
Хеч ким жавоб бермас.
Қалтироқ турди:
«Кимсан? Айткин, кимсан?»
Кўрқдим. Дим бўлдим.

«Нахшон!»— деди.
Худди Саркисга ўхшаб.
«Ота!»— дедим, очдим
Дарров эшикни.
Ким бу? Яна ўша!
Яна у келди.
Севгимними айлай
Изҳор, қайғумни?
Нигоҳ деган шунча
Қаттиқ бўларми?
Юрагимга ботди
Мисли наштардай.
«Маро қани?»— деди.
«Кеп қолар»— дедим.

Йўтал тутди уни
Бирам пайдар-пай...

Сира, бечора-чи,
Дам ололмади;
Дарров чаккасидан
Тутдим. Тўхтади.
Бош кўтариб менга
Тикилди яна,
Қоғдим. Гўё қоним
Совиб тўхтади.

Унугибман ўзни,
Хушим қочибди —
Қўлларимни унинг
Бошидан олмай,
Ушлаганча анча
Туриб қолибман...
(Эҳ, эсимга уни
Қўй шоир, солма;
Уни эслаганда,
Бағрим ёнади.
Юрагимда аччиқ
Дард яра очар...
Унинг хаёллари
Кўнглимда турсин,
Уша ерда чучук,
Бамисли очар.)

* * *

«Маро келди,
Кўзи соққадек ўйнаб.
Алланарса учун

Шошилган каби.
Шодлик билан қайғу
Қўшилган әди
Унинг юзларида...
Титради лаби.
Уйда ким борига
Бўлмади ҳайрон,
Ашот билан
Қўлин бериб сўраши.
Кейин, иккаласи
Бир четга бориб,
Билмам, нималарни
Узоқ гаплашди...

Билармикан менинг
Пок севгимни у?
Севармикан мендай
У ҳам әнтикиб?
Билмай қолдим.
«Ҳайр»,— деб әшиқдан чиқди.
Уч кунлик ой — кўкда
Ўроқдай әгик...

Маро чуқур хаёл
Суриб ўтирди.
Гапирмади. Мен ҳам
Чурқ әтмай турдим.
Бир қаради менга,
Мен секин кулдим.
Кулмади у,
Қўзни кўчага бурди
«Нахшон,— деди,—
Қара, ойнадан бундай,

Тунми кўчадаги,
Қоронгуми, а?
Синглим,— деди,—
Жоним, кўр роса, мана
Бутун жаҳон
Шундай,
Қоп-қора тундай!»

«Уч кунлик ой
Кўкда камонча, синглим,
Афсус...
Саркис отанг
Биз билан әмас!
Балки азоб чекар...
Балки...
Нахшон, эй,
Балки ҳушдан кетган —
Ўзини билмас!

Айткин, ойга,
Салом айтсин бизлардан.
Үрни йўқолмасин деб
Сенинг учун
Маро билан Нахшон
Чиқалар — десин,
Кўрсатмакка меҳнат
Сутининг кучин!
Чиқасанми? Нахшон!
Отанг ўрнига,
Отанг меҳри сенга
Камар боғласа
Чиқасанми, қўзим,
Жангга мен билан,

Бу кун -эрта сени
Жангла чоғласа?

Токай, умр деган
Сабил бўлади?
Токай.
Бошдан нарн
Қолар ордона!
Синглим,— деди,— ростлан,
Қўрқма, мардона —
Бўлди, бизни энди
Зўр жанг кутади!
Қалтирама, Нахшон!
Қўрқма, оппогим,
Ол қўлингга буни,
Маузер дейдилар.
(Отиш, ўқ солиши
Ўргатди менга.)
Буши! «Енгсин» дея
Дўстлар бердилар».

«Қалтирама!»— деди,
Қалтироқ қочди.
Қўзларимни ёнган
Билдим шер кўзидаи.
Марожонни роса
Қучоқлаб ўпдим.
Узни сездим кучли
Афсона девдай!..
Парча-парча синган
Сабр косаси...
«Тўхта,— дедим,— қўрқув,
Отиб ташлайман!»

* * *

Бир кун ўтди,
Яна икки кун ўтди,
Езги сувлар каби
Ошиқар юрак.
Ургиламан тилак
Пок юзларингдан,
Севгим бахти сенда
Айланай. тилак!..
Кўрса эди,— дейман,
Саркис Нахшонни,
Эҳтимолки, бирпас
Ҳайрон қоларди.
Ёмғирли тун
Тушиб асига ногоҳ,
Балки узоқ... толиб
Хўп ўйланарди...
Кўрса эди,— дейман,
Мени шу чоқда
Балки кўкрагига
Босарди маҳкам...

.
Турма захин тортиб
Ётган дадамнинг
Үрнига мен, мана!
Жанг, қўйнингга ол!

* * *

Сел юрдими?
Еки турди зўр қуюн,
Еки денгиз тошди
Қирғоқларидан?

Еки тоғлар синди,
Еқилди фалак?
Оlam түлди ўқининг
Қирғоқларидан...
Дарё пешновига
Қўшилган сувдек
Мен ҳам кўчаларда
Шер бўлиб кетдим.
Ўнг қўлимда
Маро берган маузерча,
Чап қўлим ҳам ўзи
Маузер бўб кетди.
Жангни сенга
Тасвир әтолмас тилим,
Трах-трахлатиб
Босди пулемёт.
Шовқин-сурон,
Қний-чув. Тўполон,
Бос!
От!
Қалтирайди, агар,
Эсласам дилим».

* * *

Жон ҳалпида ҳамма
Чопар илгари...
Маро нима бўлди?
Не бўлди, қўзинм,
Бирдан шартта тушди...
Юмулди кўзи.

Жигарим!.. Жигарим!..
Вой, ўлайин, тўхга,

Тўхта, кетмай тур.
Ургилайн сендан,
Айланай, Маро.
Сен әмасми әдинг
Ширин туш кўриб,
Сайри жаҳон этган
Чаманлар аро?
Қандай чидай олар
Нахшонини ўлгур,
Кетдингми сен?
Войдод, мен ўлай... Маро.
Вой мен ўлай, синглим.
Жигарим! Жигарим!..
Эҳ, бечора.
Бағрин сиқимлаб ётар
Қўм-кўк -- моматалоқ
Бўлди юзлари.
Мунча хунук әкан,
Жоннинг талаши?!

Бир умрга юмди
Қора кўзларин.
Йиглаб, ҳушим қочиб
Бошим айланди.
Мен ҳам таппагина
Ерга ташландим.
Қўлтигимдан бирор
Тикка кўтарди.
«Кимсан? Маро ўлди,
Ашотим».— дедим.
«Йиглама, қиз Нахшон,
Йиглама сира.
Енгув бизнинг қўлда.
Ватан бизники!..
Маро, қурбон бўлган.

Қурбонлар аро
Еки бир юзинчи
Еки мингинчи.
Чол илгари!
Югур!
Олдда жанг. Нахшон!»
Шу фурсатда
Бирдан муазерим учди,
Үнг қўлимга худди
Тош келиб тушди
Жуда қаттиқ...
Азоб... Кетибман хушдан».

* * *

Шундан кейин...
Менинг ҳушим йўқолгали
Бундал бошқасини
Эслай олмайман.
Хушга келсам:
Қўлим оғир... боғланган
Ҳал-ҳал каби...
Ердан кўтаролмайман.

Бошим узра отам
Саркис ва Ашот.
Билмай қолдим
Кундуз ёки кечмиди?!

Гўё энди кўрган бўлдим
Шу кеъда
Дунё кўриб,
Кўрган бўлсам севинчни!
«Ота,— дедим,— Маро...»
«Инглама,— деди.—

Йигламагин, қизим,
Йиглама, Нахшон,
Юрагимни сен ҳам
Тиғлама!— деди.—
Омон бўлгин, қизим,
Омон бўл, болам!
Майиб қўлни кўтар,
«Урра»,— де аркам».
«Енгув бизнинг,
Ватан бизники, Нахшон»,—
Деди Ашот.
Гўё шу сўзлари ҳам
Менга «севаман» деб
Эшитилганди...

* * *

Шодлигимни сенга
Қандай англатай?
Кўм-кўк ўрмон каби
Барг ёзар ўйим.
Арааратдан юксак
Ҳавасларим бор.
Қаддим расо әнди,
Сарвидеқ бўйим.
Дардли юрагимда
Қайгу ўрнини
Университетнинг донгли
Клуби олди.
Дардни қувдим
Умрим дарбозасидан,
Энди сарсон бўлиб
Кўчада қолди!

Айта берсам,
Тамом бўлмас дафтарим,
Унииг ҳар бетида
Ёшим изи бор.
Эслаб қўлдан учар
Хаёл — капитарим.
Ҳар қаноти дийдам
Нурини олар.
«Отам, акам», — дейди
Сирли кўз отам,
Пешонамдан ўпган
Билан тўймайди,
У саломат ҳали...
(Эҳ, қандай яхши!
Ўша борки, кўнглим
Ярим бўлмайди!)

Маро кетди...
Шамдек липиллаб ўчиб,
Куэги япроқ каби
Пириллаб кетди.
Баҳорга тўймаган
Капалак каби,
Ўлим ногаҳондан
Чийиллаб кетди...

Севгинг ҳали борми,
Ҳаётми? — дерсан.
Севгим ҳали яшар
Кўнглимда, ўлмас!
Фақат, севгувчим йўқ.
Уни ҳам кўмдим.
Шундан бери дилим
Ҳаёлида маст...

Эсларимга тушса
Йилларнинг кўйи,
Юрагимни худди
Егудек бўлар.
Борлигимда ажаб
Қалтироқ туриб,
Киприкларим жиқقا
Ёш билан тўлар...

Эсламайин дейман,
Эсламай дейман,
Майиб қўлим яна
Солар эсимга.
«Бир қўлим-ку, майли,
Жонни бераман!—
Дейди,— кураш бўлса,—
Қалбим ичимдан».

Хотима


Шабада болалардай
Гулзор узра шўх,
Ой фанорини
Еқди қиз оқшом.
Яша!.. Сен келдинг,
Севгилим Нахшон,
Сув қизи, сувсарим,
Киприклари ўқ.
Умрингнинг әртагин
Айладим тамом.
Аммо ўзимни ҳам
Ичим чиқмади.
Ўқиганда, аэз ўқувчи,
Ундан

Оз бўлса ҳам,
Хурсанд бўлса бўлади.

Тунлардан мен анча
Ҳафа ҳам бўлдим.
Бир бет тўлғизмасдан
Тонг отиб қолар.
Эртагингдан ҳали
Кўпи хом қолди.
Вақти билан асл
Яралар улар.
Майли, умринг сенинг
Туганмас достон,
Ёзган билан ҳали
Тамом бўлмас у.
Кулма. «Шугинами?»— деб
Мендан, Нахшон!
Мен ўйлаган шеърнинг
Бошгинаси бу.
Фақат чарчаб қолдим,
Мен шуни айтай,
«Шоир сўзи бу»,— деб —
Ёд қилиб олгин.
Агар, Ватан сенга
Яна «Чиқ!» деса,
Киприкларингни ҳам
Уқ қилиб отгин!..

Ереван — Самарқанд, 1934.

ДРАМА



АТЛАС

Ўн бир кўринишилн драма

ИШТИРОК ЭТУВЧИЛАР

С. Н. Мамантов — қари профессор.

Нозим Камолов — доцент.

Оразуманд — студент.

Атлас — студентка.

Курина — студентка.

БИРИНЧИ ВОҚЕА

Саҳна. Профессорнинг кабинетига кирадиган ҳона. Узоқда скрипка ўйнайди.

Орзуманд

Барғларда ухлаган тинч ҳаво,
То баланд сурайё зонгари.
Қалбимда биргина шеър яшар,
Ўйимдан ясанмиш ангори.

Ҳаёли — севгимнинг висоли,
Мазмуни — ойлардан оппоқдир,
Кўнглимга ҳар нарса юмшоқдир,
Гўёки ҳар нарса мисоли

У, умрим уфқида бир шафақ,
Инжудир тонгларда оқарган.
Баҳори боғимда барг ёзган
Бир гунча чечаклар... бир юмшоқ.

Паузা

Кутгани, унга кўз тутгани
Термилиб қарайман йўлига...

Паузা

Бир баҳор оқшоми... ой қулар сузгун,
Титрарди баргларнинг сийрак сояси.

Бир кўрдим. Бир кўрдим, айлади тутқун,
Тўлди ишқи билан дил лиёласи.
Ичдим хаёлида маству бекарор...
Меҳрим гўё сувдек пайига оқди.
У бўлди қонимга қон қўшган табиб,
У келди, руҳимга севинчлар тақди,
У келди, ишқимни айлаб ихтиёр.
У келди, нурлардан яралган малак
Э, шеърим бўлсайди шу баланд фалак,
Айлардим бутунлай унга бир ёлгор.

Паузা

Атлас киради.

Фан агар гопширса әлчилик,
Учардим шу баланд фазога.
Кўардим қайси бир сайёра
Оlamda baxtli dir biza chalik!
Эркимни юракнинг ижоди
Эмарми мазмунин ҳаётдан?
Унда ҳам одамзод авлоди,
Ҳақлими шеърдан, мамотдан?
Унда ҳам севилган қиз-йигит
Шундай тинч ва сарин оқшомлар
Кутарми севганин орзиқиб?

Атлас

Шоирлик хаёли.

Орзуманд

Ҳа, Атлас, шоирлик юксакдир,
У жигар қонидир, у юрак.

У ҳамма. Ҳар нарса, у бутун,
У ҳаёт, у кулган мұхаббат,
У анча чалингган мусиқа.

П а у з а

А т л а с

Хаёл ҳам қиссан ҳаётдир
Хаёлдан ҳақиқат рўй бериб,
Тагин биз унудилнб кетмайлик!

(Кулади.)

О р з у м а н д

Юракни унумтоқ мумкинми,
Инонки, ҳеч қачон, опполим!
Унумтоқ ихтиёр айламас
Бу юрак... зотан бу бечора
У хилда зўр кучга моликмас!

Атлас секин бош кўтаради. Орзуманд Атласни багрига босади.

Кўзлари шаҳло қиз.
Инонгин!

Атлас Орзуманднинг тугмасини ўйнаб туриб, кўкрагига бош қўяди.
Орзуманд қучоқлаб ўпади. Атлас бошини солинтириб қолади. Орзуманд унинг бир қўлини ушлаб тикилиб қарайди. Атлас бетоқатланади.

Ҳа?

А т л а с

Борай...
Эртага имтиҳон.
Ховлига кун билан бормадим,
Дарсдан сўнг мажлисда...

Орзуманд

Майлинг, қиз.

Атлас

Овора бўлманг, сиз.

Чиқадилар, профессор киради ва уларнинг орқасидан қараб қолади.

Профессор

Нәқадар шириндир — тотлидир ҳаёт,
Ешлик, у баҳорги япроқдир, сабий.
Бахтилар... ишлари тоқату сабот
Бахтилар тоғларнинг бургути каби!
Буларни кўрганда юрак өзилар,
Баҳорнинг ҳидини сезган қушлардай.
Эҳ... өсиз ёшлигим — соядай ўтди,
Аршига етмади калта тушлардай.
Қани у, қайларда дарбадар, сарсон,
Эй!.. Уннинг кўзлари кўр бўлган... ожиз
Ва аччиқ ҳаёли... у... узоқ әнди
Кулмаган бирон йўл унга севган қиз.

Пауза.

Қайси ер, қайси ёқ ва қайси аср
Ешликнинг баҳтини бу қадар пичмиш?

Пауза.

Йўқ! Ҳали ёшлигим шамолдай ўйнар,
Ҳали ижодидан толмаган юрак!

Калтираб ўтириб қолади. Узоқда яна музика ўйнайди. Музикага
өргашиб гингиллади, таниш исмларни такрор айтади. Миша, Володя,

Таня, Ира, Орзуманд... Қумри... Шу пайт Орзуманд қайтиб киради. Профессор сеамайди, давом этади.

Атлас

Орзуманд (ҳайрон). Атлас?! Семён Николаевич... (Югурнаб бориб, профессорни ушлаб, юэига тик қараб қолади.)

Профессор. Да, болам... Ешликнинг севгиси қийнайди.

(Тез-тез юриб чиқиб кетади.)

Орзуманд. Ешликнинг севгиси қийнайди?! Профессор севилган? Атласга севилган?

Парда.

ИККИНЧИ ВОҚЕА

Саҳна. Бояги. Кундуз. Парда очилиши билан профессор, Атлас боғ тарафга чиқар әдилар. Орзуманд киради.

Орзуманд. Бежиз әмас әкан кечаги аҳвол!

Уларнинг ортидан чиқмоқда әди, Ноазим киради.

Ноазим. Салом Орзуманд!

Орзуманд бирдан тўхтайди, бошини қўйи солиб, бирпас қотиб турди. Сўнг Ноазимга бошини кўтаради.

Орзуманд. Салом, ўртоқ Камолов...

Ноазим. Ҳўш?

Орзуманд. Бекор..

Ноазим. Ҳали ҳеч ким келгани йўқми?

Орзуманд. Йўқ.

Қумри киради.

Кумри. Салом.

Орзуманд. Кумри...

Кумри. Ҳа?

Орзуманд. Ҳеч нарса. Майли... Кейин...

Шу пайтда боғ йўлидан профессор, Атлас қайтиб кирадилар.

Нозим. Салом, Семён Николаевич.

Кумри. Салом.

Профессор. Салом, салом, болаларим.

Кумри. Семён Николаевич, бугун фақат уч киши тайнингангиз, холосми?

Профессор. Да. (Ҳаммаиз) Бугун имтиҳонни янги келган доцент, ўртоқ Нозим Камолов қабул қиласди.

Атлас. Мен сизга, Семён Николаевич...

Орзуманд. Мен ҳам.

Профессор. Тобим йўқ, болаларим. Эҳтимол, иккни кишидан қабул қила олмасман.

Атлас. Семён Николаевич...

Профессор. Хорошо.

Орзуманд. Атлас! Семён Николаевич...

Атлас. Ҳўп. Майли...

Нозим. Биз физика кабинетига (Атлас ва Кумрига.) қани...

Нозим орқасидан Атлас, Кумри кирадилар.

Атлас. Яхшироқ ушланг, Семён Николаевич. Орзу акам билан шарт боғлаганмиз.

Чиқадилар. Орзуманд жни, бўрни ушлаб, тўғри досканинг олдиға келиб, бошини солиб туради.

Профессор. Нима бўлди, ўғлим?

Орзуманд...

Професор. Яхшимас... Сен танласанг, бошқалар ҳам танлайдилар. Яхши өмас!

Орзуманд бу сўёларни Атлас тўғрисида деб ўйлайди. Профессор совуқонлик билан китобни очиб, бир жойини унга кўрсатади.

Мана, буни ушла!

Орауманд китобни олади. Диққат билан қарайди. Доскага китобдан кўчириб ёзди; уни беркитиб столга ташлайди. Ишлай бошлайди. Профессор анча вақт унга қараб туради. Столига келади. Жум. Кейни юради ва Орауманднинг ишига бир қараб, тепага чиқади. Орауманд унинг орқасидан қараб қолади.

Орзуманд... Марҳамат, танлаш ҳуқуқи сизга ҳам берилган, профессор! (*Асабийланиб ишида давом этади.*)

Анчадан сўнг Қумри киради. Орзу индамайди. Қумри секин Орауманднинг ишига қарайди.

Қумри. Ҳалал бердимми? Вой ўлай, мунча қийин масала.

Орзуманд. Қийин. Атайлаб тайёрланган масала, осон бўладими? Лекин, барибир енгаман!

Қумри. Атайлаб? Нега атайлаб? Ким сенга атайлаб?

Орзуманд. Шунақа! (*Ишида давом этади.*)

Шу пайтда профессор киради.

Професор. Ҳа, қизим?

Қумри Уже, Семён Николаевич.

Професор. Хорошо. Сени кутиб туришибди.

Қумри. Бюро тайинлаган эдим.

Қумри чиқади. Профессор диққат билан Орауманднинг ишига қараб қолади. Пауза. Нозим, Атлас кирадилар.

Атлас. Ҳорманг, Орзуманд. (*Атласга бир қарайди ва яна ишига машғул бўлади.*)

Нозим, Атлас профессорнинг ёнига келадилар.

Орзуманд (бирдан тез-тез ишлаб кетиб). Бўлди!
Профессор. Хўш... (Орзумандни ўз столига етак-
лади.)

Атлас севинади.

Орзуманд. Бўлдими?
Профессор. Бўлди, болам. Қани, имтиҳон даф-
тарчангни бер-чи?

Пауза.

Қани, ўғлим, нима қўяй?

Орзуманд...

Профессор. Айт, болам.

Орзуманд...

Профессор. Ма, ўғлим. Отлично.

Орзу олади, йигиштиринали, кетмоқчи бўлади. Атлас ҳам шляпа-
сини кияди.

Профессор (*Нозимга*). Иш плани тайёрми?
Нозим. Деярли тамом бўлди, Семён Николаевич
Орзуманд. Хайр. (Чиқади.)
Профессор. Хайр, ўғлим.
Атлас. Хайр, Семён Николаевич.
Профессор. Хайр, қизим.
Атлас. Хайр, ўртоқ Камолов.
Нозим. Хайр, Атласхон, хайр.

Орзуманднинг орқасидан Атлас ҳам чиқади.

Профессор. Славно.
Нозим. Да, Семён Николаевич.

Парда.

УЧИНЧИ ВОҚЕА

Саҳна. Бор.

Нозим. Бу қора кўзлар неча баҳорни ўтказди, Агласхон?

Атлас. Нимага керак? Ўн тўққиз.

Нозим. Ўн тўққиз. Умр ажойиб ва чиройли нарса. Бугун ўн тўққиз бўлса, ўтган куни ўн икки әди. Эртага йигирма-ўттиз... Ешлик ўн тўққиз. Қўйиб бериш керак, токи ҳусни камолига етиб, ўзига-ўзи хуштор бўлсин. Агласхон, бир нарса сўрайман, йўқ демайсизми?

Атлас. Нима?

Нозим...

Атлас. Нима ахир?

Нозим. Орзуманд қанақа йигит, а?

Атлас. Нима қилди?

Нозим. Бекор...

Атлас. Қанақа бўларди, яхши студент. Комсомол.

Нозим. Яхши денг? Уни ҳамма ҳам яхши кўради шекилли? Шунақами?

Атлас...

Нозим. Сиз ҳам яхши кўрасиз?

Атлас...

Нозим. Яхши кўрасиз-да. Ҳамма яхши кўрган кишини сиз ёмон кўрамидингиз?

Атлас...

Нозим. Е буларни сўрамайми, аччиғингиз кела-дими?

Атлас...

Паузা.

)

Нозим. Да. Севги ёшликтининг моли, Агласхон. Мен ҳам сут билан бет ювган саҳарлардан тортиб, лампанинг нурини аллақаёқларга олиб қочган кечаларгача, ҳаттоқи,

шамолнинг барг билан гаплашгани әшитилган тинч кечалардан тортиб, то лампанинг нурини ўз ёруғлигига қўшиб олган саҳарларгача ўйлайман, ёнаман. Мен ҳам севаман. Севгини изҳор қилиш гуноҳ әмас. Севги — ҳаётнинг устуни. Келганимга бир ой бўлган бўлса, ўшандан берли азобланаман. Азоблади...

Атлас. Ким?

Нозим. Билмайсиз. Унинг ўйи, унинг ишқи билан яшайман. Мумкин бўлса, юрагимни очиб кўрсатар әдим унга. Жиндак бўлса ҳам шафқати бордири...

Атлас. Ким ўзи?

Нозим. Айтар әдим, тилим бормайди. Билса әдики у, дунёни унга умрбод бермаганлар. Бир кун, бир кун кучли зўр бўрон уни бир барг каби пириллатиб-пириллатиб, әнка-тинкасини чиқариб, чунон уради, чунон хароб қиладики, келганини билмагандек, кетганини ҳам билмай қолади. Билмас ҳам... эҳ, билса әди.

Атлас. Ким ахир? Ажойиб одам экансиз-ку?

Нозим. Шундай ажойиб. Ишқ ажойибдан ўтказиб, гаройиб ҳам қилиб юборади.

Пауза.

Бир кўринг! Кумушдай ярқироқ
Олпоқ ой... ўша ҳам ошиқдир.
Уша ҳам куяди. Ёнади.
Уша ҳам истайди севганин.
Шунчалик саргардон бўлса ҳам
Васлига бир васл бўлмоқчи.
Қаранг, у, қандайин довдираф
Ҳар ёнга термилиб боқади.
Куйса ҳам, ёнса ҳам, кўрмоқни,
Қалбига тасалли бермоқни.
Истайди бечора... Уятиб,

Бутун шу борлиқдан уятиб,
Ошигигин излашга ҳар қачон
Кечаси чиқади... Барибир
Қалбидан гурлаган ишқ ўти
Шарманда қиласи... Ана, у
Сиздан ҳам уятиб, юзида
Ҳарирдек булутдан пардани
Ташлади...
Билсанғиз севганинг мазмуни
Бундан ҳам улуғдир. Каттадир.
Енаман ёғдан ҳам баттарроқ,
Севаман ойдан ҳам орзиқиб...

Атлас. Ким ахир? Ким? Мунча?
Нозим (чидамасдан *Атласга ташланиб*). У, у — сен.
Сен, Атлас!
Атлас. Үртоқ Камолов! (*Тисланади.*)

Парда.

• ТҮРТИНЧИ ВОҚЕА

Саҳна. Биринчи кўринишдаги жой.

Орзуманд. Шуни яхши билким, мен муҳаббатни
ўйинчоқ қилиб ўйнатгани қўймайман. Кўнглимда алла-
қандай бир нарса сенга ўла типирчилайди. Билмайман, ну-
қул сенинг ўйинг... (*Сўзи кесилиб қолади.*) Агар...

Атлас. Фалатисиз, Орзу ака... Нега мунчалик...
Орзуманд. Нега?!
Атлас. Нима бўпти? Бирон нарса бўптими?
Орзуманд. Яна ортиқроқ бўлсимиди? Сен про-
фессорни яхши кўрмас эдинг-ку?

Атлас. Нега? Аввал ҳам яхши кўрардим, ҳозир ҳам,
бундан кейин ҳам... Нега яхши кўрмай?

Орзуманд. Бўлмаса... мени... алдагансан.. да?

Эй-й... да. Майли. Зорим бор, зўрим йўқ. Хўп. Хорошо.
(*Тез-тез юриб чиқади.*)

Атлас. Орзу ака! Орзу ака!

Эшиккача боради. Орқасига тисланади. Нозим киради.

Нозим. Хе?

Атлас...

Нозим. Шунчалик азизми? Нега ўзингизни хўрлайсиз?

Атлас...

Нозим. Да. Юракдан севилсанг ёмон. Француз ёзувчиси Анри Бейл Стендал кўп кунлар овора бўлиб, севги тўғрисида икки жилд кўтоб ёзмиш. Ушанда ҳам юрагимнинг тўла таржимаси эмас, дебди. Дейдик, асл севги — юрак севгисидир. Биласизми, юрак! Мен ҳам юрагим билан севаман, Атласхон!

Атлас. Ўртоқ Камолов яхши эмас. Мен билан муничилик очиқ бўлмаслигингизни сўрайман.

Нозим (*тиза чўкиб*). Шуни билинг, Атласхон, севгим юрагимницидир. Жиндек бўлса ҳам, у капитардек ўйноқлаган юрагингизда шафқат йўқми? Билмадим, сизни кўрдим, бир куч қалбимни шишадек чил-чил синдириди. Сизни кўрдим, бир куч борлигимни ҳал-ҳал өзди Сизни кўрдим...

Атлас. Уят өмасми, ўртоқ Камолов? (*Нарсаларини иғиштириб чиққани юради.*)

Нозим. Атласхон, инонинг, инонинг!

Атлас чиқади, Нозим бош солиб қолади.

Қиз, қизмисан қиз. Бир боссам әди бағримга

Парда.

БЕШИНЧИ ВОҚЕА

Саҳиа. Кафедра. Вақт кечқурун. Биринчи планда профессор Ноғи билан, тўрда Атлас ўтириб пнанино чалади. Қумри унинг тепасида. Анча вақт сўёсни картина. Орауманд киради. Эшик олдида босиб қолади. Қумри. Атлас бош өгади. Орауманд профессорга бош өгади. Шу кеэда профессор Атласнинг тепасига келиб ўйнаб турган «Будённий» маршини тўхтатиб, «Маша» куйини ўйнатади ва ўзи турган жойида ўйин тушган каби қимирлайди. Бу кўриниш Ораумандга қаттиқ таъсири қиласди. Пастга тушиб, курсига ўтиради. Ноғим, Қумри ҳам жим тинглайдилар. Бирпас шу куй давом қиласди.

Нозим (профессорнинг ёнига келиб). Семён Николаевич (томоша залини кўрсатиб), йифилиб қолишиди бошлиасак ҳам бўлар.

Профессор. Хорошо! Можно!

Профессор кафедрага чиқади. Атлас музикадан тинади. Ҳаммаси ўтирадилар. Профессор докладини бошлайди.

Қуёшнинг қувватидан ва иссиғлигндан фойдаланиш асрлар бўйи олимларнинг бошларини қотирган. Бу иш фақат энди бизнинг давлатдагина ривожлана бошлади.. (Чироқ ўчади. Бир муддатдан сўнг, яна ёнади. Профессор докладининг охирини гапиради.) Энди қуёшдаги бу қувват қаердан пайдо бўлган деган саволга жавоб берайлик. Биринчи, дунёда энг биринчи қуёш бўлганки, у ҳозирги ҳажмидан каттароқ ва кучлироқ бўлган Нурланиш иссиқ модда тарқатади. Модда ҳисобига бўлади. Қуёш нурланишда ва иссиқ беришда ўзидағи моддаларни йўқотадир. Бу энг аниқ фикрdir. Чунки яшашимиэда нурланиш ва иссиқ олиш учун модда сарф қиласмиэ. Унинг кучи ҳаддан ортиқ кўпdir. Мен буни сизларга сўзладим. Ҳозирги вазифа бу сориқ коурни симларда юргуртириш учун уринишди. Шу докладимнинг техника ва қуёш бўлнида сизларга муфассал сўзладим.

Чапак чаладилар. Профессор пастга тушади. Ҳамма ҳурсанд. Шу пайтда бирдан Орзуманд тўлқинланади.

Орзуманд. Йўқ, ҳурматли профессор, сиз дунёнинг тугалишини тарғиб қиласиз. Нотўғри. Демак, қуёш нурланишида модда йўқотса, у бора-бора тамом бўладими? Дунё тамом бўладими? Йўқ, нотўғри. Бу антимарксистик фараздир. Ҳа, ҳа, нотўғри. (**Ҳамма ҳайрон.** **Орзуманд бошини ерга солиб қолади.)**

Профессор (кулиб). Хорошо. Бу илмий фараз, ўғлим. Илмий фан шундай дейди. Да...

Зарда билан тез-тез юриб чиқади. Ортидан **Нозим** чиқади. Атлас бошини ердан кўтармайди. Атлас туриб-туриб чиқмоқчи бўлиб юради. Орау бош кўтаради ва Атласга қарайди.

Орзуманд. Атлас!..

Атлас тўхтайди. Орзуманд бориб, сўёсиз унга қараб туради.
Атлас чиқади. Жим.

Кумри. Яхши әмас. Яхши әмас, Орзуманд.

Орзуманд. Биламан. Биламан, яхши әмас. Билмайман, қандай куч мажбур әтади. Билмайман.

Кумри. Вой, комсомолец Фарҳод!

Орзуманд. Кул, Кул, Қумри. Қад-қаҳ уриб кул. Наҳот сенда севги йўқ? Наҳот билмайсан. Нега сен комсомолга муҳаббатнинг кучини инкор қиласан? Ҳатто Маркс: «Муваффақиятсиз севилган киши, ўзини коммунизмда ҳам бахтсиз ҳис әтади»,— деган. Нега сиз инкор қиласиз? Нега тушуммайсиз?

Кумри. Сен тушунасан. Фақат сен биласан. Фақат сен марксист. Байталмон! (**Зарб билан юриб чиқади.)**

Орзуманд анча сўёсиэ қолади.

Орзуманд. Бир кўзгу бўлсаки, дилни фол кўрса, аэзилган руҳимни поймол кўрса. Эҳтимол... Эҳтимол...

Парда.

ОЛТИНЧИ ВОҚЕА

Садна Биринчи кўринишдаи жой.

Професор Бир вақтлар, болаларим, ўғлим Михаил Семёнович коммунист эди. Мен уни ёмон кўрар эдим. Пролетариат инқилобининг модиятини тушуммаган эдим «Мен, мен фан кишиси. Менга инқилобининг даркори йўқ. Мен фанин поймол қилишга бормайман», деяр эдим унга. Ўз ўғлим билан чиқишмас эдим. Ҳатто Петрограддан: «Ўғлингиз Михаил Қишки саройни олишда пролетариат инқилобининг содиқ солдати каби ҳалок бўлди, таъзиямизни қабул қилинг»,— деб телеграмма олганимда ҳам оёқ қоққаним йўқ. Бошимдан кепкамни олганим йўқ эди. Энди — кейин англадим. Билдим. Ҳаёлдан ҳақиқат яратадиган бу борлиқ менга тушунтириди Шундан кейин ўғлим Михаилнинг ўрнини босгани турдим Танамда жоним бор, то сўнгги томчи қонимгача пролетариатнинг оддий бир солдати каби қолажакмиз!! Майли, майли, болам... Профессор ўзининг борлигини аямайди. Келажак жамият мураббияларини ҳозирлаш унинг учун шараф. Да... Советлар Иттилоқининг мингдан бир профессори Семён Николаевич меҳнат қаҳрамони, бу мамлакат қаҳрамони, буни мамлакат билади. Семён Николаевич фан кишиси. Ягона социалистик мамлакатнинг граждани Наҳот ундан душманлик изласалар?!

Кумри. Ҳафа бўлманг, Семён Николаевич!..

Професор. Нега хафа бўлай, қизнм. Сира хафа гарчилигим йўқ... Лекин, нима учун, нимага?

Үйланиб қолади.

Кумри. Бадбахт!

Професор. Енгил... Не хорошо... Dal (Чиқиб кетади).

Қ у м р и . Бирон бало бўлдими? Нима бўлди ўзи?
А т л а с . Билмасам.

Қ у м р и . Нега билмайсан? Бир сир бордир-да...
А т л а с . Ким билади.. Итдан баттар кўнглим қолди..
Қ у м р и . Бир балоси бордир-да, ким билсин. (Чиқади.)

Атлас анча жим қолади.

А т л а с . Қандай савол бўлди? Нега кўнглим қолади?
Нега? Мен уни севаман. Йўқ! Севар әдим, нега рашик қи-
лади? Бу ишларнинг нимаси муҳаббат? Билмайман. Сев-
майман. Қайси бири муҳаббат? Қайси бири тоза? Қайси-
си? Уми, ёки буниси? Билмадим. Ҳарқалай бундан кўнг-
лим баттар қолди. Ҳа қолди... Бечора Атлас!

П а р д а .

ЕТТИНЧИ ВОҚЕА

Саҳна. Якка О р з у м а н д .

О р з у м а н д

Кўнглимни хароб айлади кетди,
Севганимнинг камоли шодлик бўлмади.
Бир баҳор умрига тўйса капалак,
Менинг қалбим сира унга тўймади.

Қани у кунларки, ой кулар сузгин,
Кутиб йўлларида термилган әдим?
Қани у кунларки, бир кўриб тутқун,
Ширин хаёлида кайф сурған эдим.

Эҳ... Қалбим, йиглаган қонқора қақшаб,
Эҳ, ширин дамингни азасин тутгин.
Кўз ёшим айлансин юрак қонига,
Эй, умр, қайғурғил, лаҳта қон ютгин!

Истадим у бўлсин юпанчим менинг,
Аlam бўлди ошна, кулфат ҳамроҳим.
Нафас ичдан келар, айланиб ўтга
Осмонни ҳам тешар гўёки оҳим.

Уни дедим, куйидим, куйиб кул бўлдим,
Уни дедим, ҳатто, ўзни унудим.
Ҳар нарсани кўрдим ўзимга душман,
Ҳар нарсага ортиқ душманлик тутдим.
Нега хафа қилдим профессорни?
Кечир, раҳбар, кечир, кечир, меҳрибон!
Билмаганман сира, сезмаганман ҳеч,
Бу ёнда экан ғалва, о, менда ҳижрон.
Овунтиrolмайман кўнглимни бирпас
Ой ўтди... кетди биракай нигор,
Уйламаган әдим Нозим шундай деб,
У ўйлаган экан мундай кирдикор.
Кайф сур!
Сафо сур!
Ишқ билан ўйна!
Ўйна,
Ўйнасанг бас,
Мен хурсанд сендан.
Ўйна,
Кул,
Қувон,
Атлас оплогим!
Ўйна,
Ўйна севгим,
Билмайман,
Кетди...
Кетди йиглатиб...
Ойлар ўтди Нозим билан
Ишқ ўйнайсан сен!

Бирга, бир уйда
Атлас!
Хой, Атлас... Ҳа... Ҳа...
Орзуманд, севгинг борми ҳали...
Севгим ҳали яшар кўнглимда, ўлмас!
Фақат, севгувчим йўқ, у кетди ташлаб,
Севгим хароб әнди... Мен бечора мас!...
Эй...

САККИЗИНЧИ ВОҚЕА

Саҳна. Профессорнинг кабинети.

Профессор. Койима, ўғлим, койима! Ҳали сенинг бутун умринг, ёшлигинг олдда. Шунга ҳам шунчалик ўзни олдиришми? Муваффақиятсиз севган киши ўзини коммунизмда ҳам бахтсиз ҳис әтади. Лекин, Маркс шу муҳаббатни деб бутун яшашдан, ижоддан воз кечиш керак деган әмас! Одамзод тарихининг Данте, Бетховен каби кишилари ҳам муҳаббатдан муваффақиятсиз бўлганлар. Аммо уларнинг яратганлари... биласизми, Дантенинг шеърлари, Бетховеннинг музикасини минглаб, миллионлаб баҳти муҳаббат кишилари ўқийдилар, тинглайдилар... Сенга ҳеч ким севма демайди. Марҳамат, сев! Лекин... Кураш кунларини эсласанг... Бир қоронги уй, ўрнидан тургани дармони етмаган бир кампир тир ўйинида изиллаб туриб, әмгаклаб пайпаслаб аллакимни ахтаради. Топли. Ерга таяниб туриб, пешонасидан ўпди. Қуриб-қақшаб кетган кўр кўзларидан сўнгги томчи ёш тўқди. Энг охирги қариндоши ҳаётининг устуни — яккаю якка ўглини фронтга жўнатди. Дому дараксиз кетди. Кампир бечора ўглининг фироқида тамом бўлди. Эсласанг — оналар болаларини, болалар оналарини, әрлар хотинларини, хотинлар ёларини йўқотадилар. Бу ҳам севги. Аммо, севгиларнинг

ҳижронни тун бўлмади. Ҳозир улардан сўрасанг, йигланмай-нетмай, сенга бутун тарихни айтиб берадилар. Чунки улар биладиларки, шу билан кенг, ялпи ижодий ҳаёт қуриш дарвозасини очдилар.

Урнидан туради. Орзуманднинг олдига келади.

Қизиқсан, ўглим, бордию, мен ҳам севилган бўлсам, нима қиласди? Рашк? Эскилар рашикнинг кучи зўр, дейдилар. Рашк қил, марҳамат. Аммо ҳаётингни ўлдирма. У керак. Ҳафа бўлма, у кетган бўлса, кетибди. Оғир, биламан, ўглим, биламан. Аммо, у сенинг бутун умрингни белгилай олмайди. Койима, тузвукми, болам?

Орзуманд жим. Профессорга секин-секин қарайди ва яна бошини пастга солади. Атлас киради. Орзумандни кўриб қайтади.

Қумри! Атлас! (Чопиб орқасидан чиқади.)

Орзуманд. Мен чиқай, Семён Николаевич, мен чиқай... Билмадим... Иши бор шекилли. Менинг олдимда киромайди. Мен бор ердан қочади. (Чиқади.)

Профессор. Ҳарқалай оғир... Да. (Чиқади.)

Бирпастдан сўнг саҳнага орқама-орқа Атлас, Қумрилар кирадилар.

Атлас. Мен сизни ўз онам деб биламан, Қумри опа.
Қумри. Нима бўлди?

Атлас. Бўлар иш бўлди. Ўзимга-ўзим қилдим. Гапирай дейману...

Қумри. Гапир, опаси!

Атлас. Мен баҳтимдан нолимоқчи, ё ундан гина қилмоқчи әмасман... Лекин...

Қумри. Ҳа?

Атлас. Гапирмоқчи ҳам әмас әдим...

Қумри. Ганир, опаси!

Атлас. Аллади.

Қумри. Ким?

Атлас. Шундай одам әканки, ҳеч мен ўйлаганча әмас.

Сиз деб юрган одам, әнди сан, дейди. На ўқиша, на уйда ҳечам ёрдам бермайди. Уришади, сўқади, хўрлайди. Онаси бир нарса деса, ўшани қиласди. Ҳатто биласизми, бир куни бир балодан ҳам ачиқланган әдим, мен бир нарса десам, онаси: «Келин, оғзингизга қараб гапиринг, хотининг уруғи Ургутдан келгани йўқ, биз сизни орзуҳавас билан келин тўйин қилиб олиб келмаганимиз, ўз оёғингиз билан кириб келгансиз»,— деб таъна қиласди. Нима дейишими билмайман. У қуриб кетгур бўлса ҳеч нарса демайди. «Комсомол, комсомол дейсан, менинг хотиним бўлгандан кейин, мени тинглашга мажбурсан, ёки комсомолни де, ё әрни де»,— дейди. Нима қилишимга ҳайронман, Қумри опа. Кетай десам кетолмайман. Мен сизга айтганим йўқ, болам бор... (*Йиглаб Қумрига ташланади.*)

Қумри. Вой шўринг қурсин...

Шу орада профессор киради ва бу ҳолатдан ажабланади.

Профессор. Ҳа, қизим?

Атлас индамайди, йиглайди. Профессор имо билан Қумридан нима бўлди деб сўрайди.

Атлас. Семён Николаевич, мен әнди ўқимайман.

Профессор. Нега, болам?

Атлас. Шундай... Семён Николаевич! (*Яна йиглайди.*)

Профессор. Бекор айтибсан, қизим. Бекор айтибсан.

Атлас. Мумкин әмас, ахир, Семён Николаевич. Мажбурман

Йиглайди, профессор бағрига босади.

Профессор. Нима бўлди, болам, нима бўлди?

Шу орада саҳнага Нозим киради. Тўхтаб қолади. Атласга қараб хўмраяди. Атлас профессорнинг қўлидан чиқиб, кўзларини артиб, чиқмоқчи бўлди. Қумри йўлни тўсади. Атлас бир ёндан ўтиб чиқиб кетади. Нозим Атласнинг ортидан, профессор Қумри қараб қоладилар.

Нозим. Семён Николаевич, апрель ойи учун иш плани.

Профессорга қогоғ беради, профессор олади.

Профессор. Хорошо.

(*Қогоғни стол устига ташлайди ва Нозимга қарайди.*)
Ладно.

Қумри. Семён Николаевич...

Профессор. Да.

Қумри Нозимга қарайди. Нозим Профессорга қарайди. Профессор индамайди. Нозим чиқади.

Қумри. Тушунолмай қолдим, Семён Николаевич

Профессор. Нимага, қизим?

Қумри. Бирорларнинг шаксий ҳаётлари учун биз жавобгарми?

Профессор. Йўқ! Дўстларимизнинг ҳаётлари учун, биз жавобгар. Бизнинг умримиз ва ўлимимиз эртанинг йўлида бўлди. Шунинг учун ҳам, биз дўстларимизнинг ҳаётлари учун жавобгар.

Чироқ секин-секин ўчади.

Парда

ТҮҚҚИЗИНЧИ ВОҚЕА

Саҳна қоп-қоронги. Биропнинг папирос чеккани кўринади ва бирор иккига йиглагани эштилади. Папирос чеккан — Нозим, йиглаган — Атлас.

Атлас. Йиллар ўтдила, ёзги сувлар каби сарғайиб фақат хаёлгина қолди. У қам әнди ўз ширинлигини бой бериб, юрагингга игна ургандек санчар бўлди. Ихтиёрсиз эслаб кетасан киши... Эслаб дард ортирасан.. Бу юрак шундай бебаҳо нарса эканки, ҳам шодлигинг, ҳам қайгуңгни сақлайди. Агар у ҳам сенга кўринадиган бўлганда, ўзлигини алдатар, ўғирлатар эди. Шундай әмасми? Мен шу кунлари ўша билан, юрагим билан гаплашаман, дардлашаман. Ўзимга-ўзим тасалли бераман. У эслаб, орзу қиласди. Ростдан, агар эсласам, ҳали кўз ўнгимда: сочларим тараалган, кўзларимда шўх ва ўйноқи кулги, юзларимда нур каби қизиллик, юрак тўла армон. Орзу ҳавас... Эҳ... Мен айблими? Нима гуноҳ қиласми? Кўзларимда бирон айбнинг расми борми? Расм согланми гуноҳ? Мен ўзим билмайман. Кўролмайман. Одам узундан-узоқ ерларга нигоҳ ташлайди, дунё-дунё нарсаларни кўради-ю, нега ўз кўзларини ўзи кўра олмайди? Сен қара, сен кўр, кўзим оқида сарғайиш, қорачиғида эса толиш, уйқусиз кечалар қорайтирган мижжа. Маъюс, Фақирона, кенг дашт қоронгилигига якка жинчироқ каби нурсиз нигоҳ, бошқа ҳеч нарса. Ҳеч нарса, ҳаммасини сен хароб қиласдинг! Ҳаммасини сен алдадинг! Ширин сўзларига учиман. Ёлворганларига инонибман, алданибман. Қизлигида ёқсан Атлас, она бўлгач, ёқмай қолдими, бечора гул хазон бўлди. Бечора булбул лол бўлдими, лаззат тонолмадингми әнди, а? (Пауз.) Мумкин бўлса, болангни ҳайтариб берар әдим. (Ўйланиб қолади). Сенгами? Йўқ? Бу меники. Хайр. Атлас йўқ, сенинг Атласинг йўқ! Хайр, бир умрли хайр!

Тарақ әтиб өшик беркилгани билинади. Саҳна айланади — ёрдамчи воқеа. Кечак. Шамол, бўрон. Кучли ёмғир. Чакмоқ. Прожектор ўйнайди. Атлас ўтиб кетади Саънага Нозим киради. Анча вазёт сўёсиз қолади.

Нозим. Сен, мен кўрганиларнинг биринек келдинг, кетдинг... Сайёҳда макр бўлмаса, дамига ов илинармиди? Сен, фақат ва фақат нафснинг моли әдинг. Мен сендан бошқа нарса изламадим. Нозимга ўз вақтида бўлак нарса даркор әмас! У яшагани, роҳат, лаззат кўргани келган ва ўз баҳтини излайди, ўз нафсини кўзлади. (Пауз.) А? Нима? Нима деб гувиллайсан, ай, тилсиз бўрон? Улим? Кимга? Менгами? Ҳа-ҳа-ҳа... кўрмайсанми сендан улуғроқ, сендан кўра баҳодирроқ кучларни ҳам писанд қиласман! Ҳа-ҳа-ҳа... (Атлас кетган томонга қараб.) Ўз баҳорини ўйқотган, бечора капалак! Бор! Бориб кўр! Барни бир сенга баҳор қаёқда? Баҳтининг, умрининг ҳокими бўлган нафс әгаси сенга кулиб боқармиди? Бор, бориб кўр! Ҳа-ҳа-ҳа... (Пауз.) Нима? Нима дейсан? Табиатнинг жинни боласи — дарбадар бўрон, нима дейсан? Улим? Улим? Менга, ўлим? Улим! Ҳа-ҳа-ҳа...

Шу кеча Нозимни томошабинга ўз фалсафаси билан энди ўлди деган қилиб кўрсатиш учун уни бўрон, чақмоқ аралаш ёмғир тамом қилиши керак.

Пауз.

ЎНИНЧИ ВОҚЕА

Садна. Оразуманднинг уйи. Бутнекалар юмалаган, карталао сочилган, ифлос. Маълумки, бу ерда ичкилик бўлган.

Оразуманд. Кетди. Тамом кетди. Қайғурма, койима, койима! Йўқ! Унута олмайман! Ўйлаб кўринг! Учгanda ўйинчи, суқланадиган, бўйинлари ола капитаринг бўлса... Сен унга меҳр қўйсанг... Ишқ бօғласанг... Аэрсанда қиласанг... Уни деб неча балоларга гирифтор бўлсангу... (Пауз.)

Эй... Юлдузларга учаман. Сомон йўлларга етмай мушак ёрилади. Бутун фазони ёнгин олади. Орзуманд кул бўлиб, тўзиб ерга тушади. Раҳми келса, у шунча вақтли дўстлик ҳурмати учун бир дона кул гардини олиб, оппоқ рўмолчасига ўраб, олиб қўяди. Ҳар кўрганда бир эслайди. Ҳар эслаганда, бир йиглайди. Ҳа... мен уни ўзим деб билардим. Мен унда ўзимниг расмимни кўрган эдим... Ҳа... койима муҳаббат... бу дард узоқ сафарга чиққан карвон каби аллақаёқларда из қолдирди... Севгим хароб... Ҳей-й... Жим қолади. Шу Фурсат, кутилмаганда Атлас киради ва бош эгиб қолади.

О, ўртоқ Раҳимова, марҳамат, марҳамат... Мендан сизга тагин нима керак?

Атлас. Отимни унутдингизми, Орзу ака?

Орзуманд. Ҳа? Унутдингизми? Йўқ! Бошқалар унуган. Бошқалар унуган.

Атлас йиглаб ташланади.

Кетганда тоза кетдинг. Энди бу ифлос билан қайтдингми? Ҳа!

Атлас қаттиқ йиглайди ва дод деб өшикка ташланади, чиқади. Орзуманд сочларини юлиб қолади, анчадан сўнг қалтираб гапиради.

Ниҳоят муҳаббатим ўлди?! Шунча азоб, шунча уқубат чекиб, әнди... энди ўлимми? Йўқ! Йўқ! Атлас! Атлас... Атласим! (Эшикка ташланади.)

Парда.

УН БИРИНЧИ ВОҚЕА

Саҳна. Биринчи кўринишдаги жой. Профессор ишлаб ўтиради. Ярим кечаси. Эшик бирдан тақиллади. Профессор очади. Орзуманд киради.

Орзуманд. Келмадими?
Профессор. Ким, болам?

Орзуманд.. Атлас.
Профессор. Йўқ, нима қилди?

Профессор гапириб бўлмай, Орзуманд орқасига қайтиб кетади.

Ая-я-я-я-яй...

Профессор ўйланиб келиб, яна ўтириб ишлайди. Анчадан кейин
Атлас секин киради. Профессор сезмайди. Атлас ҳолсиз йиглайди.
Профессор югуриб боради.

Нима бўлди, болам? Атлас, Атлас қизим!

Атласни кўтаради, суяди. Атлас секин бошини профессорга кў-
тариб, оғир бир вазиятда сўзлади.

Атлас. Билмаганман, сезмаганман, ғам ели сочимни
ёзди. У оқ тарайман, деб тўздириди. Кечиринг, мен бил-
мадим. Дунё тўла ҳасрат деса, инонибман. Эркам, қўэично-
гим деса, алданибман. Мен ундан тоза муҳаббат қидириб-
ман. Айта берсам, юрагимда дардим, тилимда нолам кўп.
Билмасдан босдим у тиканни. Бир кун... бир кун қўйма-
ди, уйига олиб борди. Ундан кейин... (йиглаб) мажбур
бўлдим. Кетдим. Семён Николаевич...

Орзуманд киради.

Орзуманд. Атлас! (Чопиб келиб Атласга ташлан-
моқчи бўлади.)

Атлас профессорга ташланади.

Атлас. Отамсиз, дадамсиз, Семён Николаевич!
Профессор. Қайғурма, қизим! Севгиларнинг чу-
қур бир муаммоси бор! У меҳнат билан ечилади! Гоҳилар
қуруққина «яшайман, севаман, азоб чекаман», деб ўзла-

рича фараз қиладилар. Лекин унинг фаҳмини билмайди-
лар! Мұхаббат ҳаёт берлиги учун бор ва кераклиги учун
керак! У ўйинчоқ әмас! У билан ўйнамайдилар, ростми?
Ўзингга олма, хафа бўлма, қизим! (Атласнинг соchlарини
силайди.)

Орзуманд. Ана келадилар! Келадилар! (Пауза)
Ичимдан келадилар! Янги туйғу, янги ҳис оқини ичимдан
келади! Семён Николаевич! Мен ота бўламан! Атлас, оп-
погим, унут қаммасини, унут! Ой каби ёшлик олдда, бул-
бул каби бийрон у ҳали ҳам ели сочингни тўздирама-
ган. Мен уни ишқим билан оппоқ қилиб тараиман. Сева-
ман, севаман, Атлас! Атласим... (Атласга ташланади.
Ачақлашиди.)


Профессор. Боражак жамиятимиз одамнинг бутун
ҳислари ва хусусиятларининг гуллаш давридир. Орзуманд,
ичингда янги ҳислар оқини қўзгалган бўлса, ум-
рингни әнди бошлабсан. Атлас, қизим, ҳали достонинг га-
мом бўлгани йўқ. У олдинда. Одингда чаман боғлар, боғ-
санг... (Томошибинни кўрсатиб.) Замондошларингга вавъ-
да бер, булар билан ошна бўл! Ваъда берки, она бўласан,
она! Келажак умрнинг достони әнди битилади. Орзуманд,
сен ҳам булаҳни ишонтири, ота бўласан, ота!

Орзуманд Туғилсин, кўзларим кўрсинг. Ҳавасла-
рим ушалсин. Бегона әмас. Ўғил бўлса Рева, қиз бўлса
Люция қўямиз отини. Ҳа, замондошлар! Ота бўламан!
(Атласни ачақлашиди.)

Профессор. Бу әртак әмас, ҳаёт, болаларим!

Тамом.

ЖИМАЛАР



БОҒЧАСОРОЙ ФОНТАНИ

(А. С. Пушкин)

Қовоқ солиб ўтирар Гарой,
Лабларида каҳрабо чилим.
Даҳшатли хон атрофида жим
Бош әгиб тек турарди сарой.
Жимжит әди бутун кошона:
Ҳамма хоннинг хафа юзидан
Ғам ва ўтли ғазаб изидан
Пайқар әди мубҳам нишона.
Аммо мағрур соҳиби фармон,
Қўлларини бир силтаб солди:
Барча секин тарқалди ҳар ён.

Кўшклар аро бир ўзи қолди,
Эркин нафас олди сийнаси.
Тўлқинланиб билмай сукутни,
Уйнаб турган кўрфаз ойнаси
Акс өтгандай қора булатни.
Унинг жиддий манглайи аён
Дил тўлқинин айларди баён.

У мағрур дил не ғам-ла тўлмиш,
Қандай фикр билан банд бўлмиш

Яна Рус-ла жанг қилмоқчими,
Ё Польшани таңг қилмоқчими?
Нега хафа, не у сандираар,
Ва ё қонли ўчми ёндираар?
Еки қўшин айламиш исен,
Еки тоғли халқ жангларидан.
Гинояннинг найрангларидан
Ташвиш тортиб ўйланарми хон?
Йўқ, анди у чарчаб қолмишдир,
Зерикмишдир шуҳрат, зафардан.
Бераён қўл ортиқ толмишдир,
Хаёл узоқ қонли сафардан.

Наҳот, ҳарам ичра хиёнат,
Наҳот, елга учиб диёнат,
Асира қиз жиноят қилмиш,
Кофирга дил иноят қилмиш?
Йўқ, Гаройнинг хотинлари ҳеч
Бундай ишга журъат қилмаслар.
Мунгли нола чекиб эрта-кеч,
Емонликни асти билмаслар.
Ойна уйда ўсар гул каби,
Ой юзлари зиндан ичра берк,
Эулм остида, гўё қул каби
Уларда ҳад йўқдир, йўқдир эрк,
Ою, йиллар навбатма-навбат
Ғамгин оқин билан ўталар,
Билдирмасдан ёшлиқ, муҳаббат,
Барчасини олиб кетадир.
Кунлар бирдай кечадир ғамда,
Битта-битта имиллар соат,
Ялқовлик амр әтар ҳарамда,
Қам кўринар сафо-фарогат.

Еш жувонлар қайғуга тўлиб,
Бир иш қилиб овунмоқ бўлиб,
Зеб беришиб кийим кийишар,
Гаплашишар ўйнаб ейишар,
Еки ўйноқ сувлар сасида,
Тоза, шаффоф замзамасида
Тўп-тўп бўлиб сайд әтишадир
Чинорларнинг эич соясида.
Ортларида уларни пойлаб,
Евуз оға¹ юрап ҳай-ҳайлаб,
Ундан қочиш, беркиниш бекор:
Ҳасадли кўз, динг қулоғи бор.
У ҳийлакор, у лаганбардор,
Ҳар бир ишдан воқиф — хабардор.
Унга ўла ўринашмиш мангур
Абадий бир тартиб саройда.
Унга хоннинг изми ҳар жойда
Ягона бир қонундирки, у
Уни қуръон фарзилик билар,
Дилда сақлар ва бажо қилар,
Уннинг кўнгли севги истамас,
У бут каби сеэгидан маҳрум,
У ҳиссизлик дамида маҳкум:
На кўз ёши, на юмшоқ нафас,
На таънага бермас эътибор.
Асиrlар чеккан оѓу зор.
Унга асти қилмайди таъсир
Пинагини бузмайди таҳқир,
Ёлворишга қулоқ солмайди.
Ҳақоратни қилмайди писанд,
Ҳеч на уни юмшатолмайди,
Тош қалби-ла мағрур ва хурсанд.

¹ Оға — ҳарамда сақланадиган пичнлган қула.

Унга хотин одати маълум,
У кўп кўрмиш, ҳар ерда ҳар зум.
Ҳурликда ҳам, әрксизликда ҳам
Юмшоқ нигоҳ, кўзлардаги нам
Кўнглига ҳеч ҳоким бўлолмас,
У уларга ортиқ ишонмас.

Соч ёзишиб ҳарам қизлари —
Асиralар чўмилар әкан.
Сеҳр сочган гўзал юзлари
Чашмаларда кўмилар әкан.
Қип-яланғоч қизларга лоқайд,
Беэътибор термилиб, шу пайт
У пойлоқчи ҳозирдир яна
Тутқунларга нозирдир яна.
Кечалари барг ҳам мизгиру,
У ухламас. Оҳиста босиб,
Ҳар әшикка бир қулоқ осиб,
Ҳарам ичра танҳо изғир у.
Ким дам олар, ким тушда инграр,
Ким оҳ тортар,— ҳаммасин тинглар.
Уйдан уйга билдиримай кўчиб
Кенг ташлайди у маккор домни:
Биронтаси сандираб, чўчиб
Тилга олса бегона номни,
Е мабодо дўстига бир оз
Тақдиридан койиб, қилиб роз —
Дилдагини айласа изҳор,
Балоларга бўлар гирифтор!

Гарой нега тинмай чекар ғам?
Чилим учиб қолмиш қўлида.
Ботинолмай дам олгани ҳам
Остонада хоннинг йўлида
Имо кутиб турадир оға,

Ибо тутиб турадир оға.
Үйга ботган ҳукмдор турар,
Олдиаги дарча очиқ, у—
Кўнгли чексиз қайғуга тўлган.
Индамасдан оҳиста юрар
Кечагина севимли бўлган
Хотинларин қабрига тўгри.

Хонни кутиб, кўриш кўйида,
Ўйнаб турган фонтан бўйида
Ипак гилам узра ўйнашиб,
Бир тўда шўх қизлар осуда,
Ўлтиришар әди яйрашиб.
Болалардай шодланиб, сувда
Мармар тубда кўринган лиққа
Гир-гир юзиб юрган балиққа
Термилишар әди яйрашиб.
Гоҳилари унга атайлаб
Олтин сирға ташларди бойлаб,
Жориялар атрофда хушбўй
Шарбат ташиб юрарди. Ногоҳ,
Ширин қўшиқ, жаранглаган куй
Бор ҳарамни айлади огоҳ:

Татар қўшиги

1

Йиги, жафоларни бошдан кўтариб
Тангри ўзи берар эҳсон:
Бахтиёрдир, йиллар сўнггида қариб
Макка бориб, зиёрат қилган инсон.

II

Бахтиёрдир Дунай соҳилларини
Қони билан тақдис әтган баҳодир:
Жаннат қизи ёзиб кокилларини
Унга ширин кулги билан боқадир:
Аммо, Зарема, эшиткил тағида,
Дунё ва роҳатга бермай әътибор,
Худди гулдай сени ўз қучогида
Эркалатган ҳаммасидан баҳтиёр.

Улар куйлар. Аммо қани у,
Муҳаббатнинг юлдузи қани,
Ҳарам кўрки — кундузи қани,
Қайдা қолди Заремабону?
Ҳайҳот, унинг гул ранги сўлмиш,
Ҳайҳот, дили қайғуга тўлмиш,
Мақтовларга солмайди қулоқ,
Кўзларида ёш булоқ-булоқ.
Яшин урган хурмодек қадди
Букилмишдир, йўқ әнди ҳадди.
Ҳеч на унга ёқмасдан қолди,
Чунки, Гарой боқмасдан қолди.

Вафосизлик қилди хон... Аммо,
Эй гуржи қиз, сен-ла чиройда
Ким тенглашар? Ҳатто ой-да
Даъво қилса, бўлур муаммо.
Чамбар қилган сочинг, ай пари,
Илон каби юрак ёрадир.
Ярқираган кўзинг жавҳари
Кундан ёруғ, тундан қорадир.
Дил дардини кимларнинг саси
Сендан кучли баёнлай билар?

Кимнинг ширин-шакар бўсаси
Сеникидан жонлилик қиласи?
Сенга бир йўл кўнгли тушган әр
Қандай қилиб бошқа кўркни дер?
Лекин, лоқайд, золим Гаройхон
Ҳарамига Польша қизини
Асири қилиб олгандан буён,
Сендан нари тутиб ўзини,
Хўрлаб сени ташлаб қўйди-ю,
Узи ғамгин, тунлар беуйқу
Танҳоликни айлади одат.
Қўлларингдан кетди саодат!
Еш Мария яқиндагина
Узга диёр кўкини кўрди:
Гулдай кўрки билан қизгина
Уз юртида гуллаб юрурди.
Фахрланар эди у билан
Қариб қолган отаси ҳар он:—
Лобарим,— деб мақтанув билан
Эркалатар эди беармон.
Унинг бола әрки чол учун
Қонун эди, тингларди бутун
Чолни қийнар эди бир тилак:
Истардики баҳор кунидак
Очиқ бўлса қизининг баҳти,
Хушнуд кечсин умрбод вақти.—
Заррагина қайғу ҳам уни
Ранжитмасин,— дер эди у чол,—
Ҳеч бир нарса бирон дам уни
Ланж әтмасин,— дер эди у чол.—
Ҳатто әрга чиққанида ҳам —
Хотирласин,— дерди,— туш каби
Үтиб кетган, ғунчадай сабий
Беташвишу беозор, бегам

Яшнаб юрган қизлик чогини,
Осмондай кенг әрк қучогини.

Унинг юмшоқ севимли нози,
Табиати, лазиз овози,
Ениб турган мовий қўзлари,
Дона-дона ширин сўзлари
Бир-биридан жозибадорди,
Ҳаммасида ажиг куч борди.
Очиқ қўлли, сахий табиат
Аямаган әди борини,
Санъат билан у нажиб хилқат
Безар әди гул дийдорини.
Сеҳр тўла арфа билан қиз
Уй базмини жонлантиради.
Амалдорлар, бойлар изма-из
Орқасидан излаб юради.
Йигит яланг «Оҳ...» еб ўйида,
Азоб чекар әди кўйида.
Лекин гўдак бола әди у,
Кўнгли ишқни билмасди асло.
На каму кўст, на ғам, на қайгу
Юрагини тилмасди асло.
Отасининг қасрида озод
Үртоқлари билан ўйнаб шод
Учар қушдай ҳур ва хурсандди.

У кўпданми бу ерда банди?
Бир вақт татар тўплари маҳкам
Дарё каби Польшани босди:
Хирмонларга тушган ёнгин ҳам
Бу қадар тез ёйиломасди.
Кунпаякун бўлиб урушда
Етим қолди гуллаб ётган юрт,

Бу бераҳм ёвуа юришда
Фарёд солди қонга ботган юрт.
Бутун атроф қайғуга толди:
У кулгилар, ўйинлар битиб,
Эркалатган қўйинлар битиб,
Ҳашаматли сарой бўш қолди.

Мариянинг уйи жимжит, бўш...
Уй маъбади ичра бир тўда
Мумиёланган ўликлар хомуш
Роҳат қилиб, совуқ уйқуда
Князликка махсус нишон-ла,
Олтин тож-ла, ҳайбатли шон-ла
Ётар экан, у ерда яна
Пайдо бўлмиш янги сағана...
Ота гўрда, асоратда қиз.
Кошонада баҳил бир ворис
Амри фармон бериб юрадир,
Тавқи лаънат остида беор
Хароб бўлган юртни айлаб хор,
Бадном этиб, ерга урадир.

Ҳайҳот! Сақлар қўйнида қулдак
Боғчасарой ёш князъ қизин,
Эрксизлика ёш тўкар, гулдак
Сарғайтириб Мария юзин.
Айди у баҳтсиэни хон:
Унинг мунги, у чеккан фигон
Уйқусини безовта қилиб,
Гаройга ҳеч бермайди омон.
Бечорага хон раҳми келиб,
Қатъий ҳарам қонунларини
Юмшоқ тутар унга атайлаб.
Тунд пойлоқчи на кун, на туни
Қиз олдига кирмайди пойлаб,

Ётар пайтда жойига уни
Унинг ғамхўр, парволи дасти
Олиб чиқиб ётқизмас асти.
Марияга нигоҳ тикмакка
Ботинолмас унинг кир кўзи,
Жорияси билан қиз якка
Хилват уйда чўмилар ўзи.
Асиранинг ғамгин оромин
Бузиб қўймай, бўдмай деб зомин,
Хон ўзи ҳам қўрқар ичида.
Ҳарамнинг бир йироқ бурчидা
Унга яшаш ижозат әтган.
Гўё унда самовий бир жон
Яширинган, узлатга кетган.
У ерда ҳеч тинмасдан ҳамон
АЗИЗ қизнинг олдида бутун
Чирок ёниб туарар куну тун.
У ерда қиз кўнглин юпатиб
Масъуд кечган ўтган замон-ла
Уз юртини дилга эслатиб,
Умид яшар ювош имон-ла.
У ерда ёш тўкар тинмай қиз
Кундошлардан нарида, ёлғиз.
Лекин атроф ғарк бўлмиш яксар
Тентакларча бир ишрат ичра,
Мўъжиза-ла ажralган ҳужра
Ёш санамни беркитиб асрар.
Озгин ўйлар қурбони у дил,
Бузуқ кайфлар орасида ҳам,
Бир гәровни сақлайди ҳар дам,
Бир илоҳий ҳисни муттасил...

Тун қорайди, босди қоронгу
Тавриданинг гул боғларини,

Бор оламни маст қилади уйқу,
Гуллар эгди япроқларини,
Узоқлардан булбул зорини
Эшитаман. «Ой дийдорини —
Кўрсатадир юлдуз кетидан.
Кўм-кўк, тоза осмон бетидан
Нур тўқадир гулзор боғларга,
Водийларга, ўрмон, тоғларга.
Боғчасарой кўчаларида
Кечки пайтлар оқ рўмол ўраб.
Оппоқ ойдин кечаларида
Бир-биридан ҳол-аҳвол сўраб,
Гаплашишиб ўтириш учун
Оддий татар хотинлари тек
Липиллашиб енгил соядек
Уйдан уйга кезишар бутун.
Сарой тинчган, ухлаган ҳарам
Тинч роҳатга чўмиб парвосиз:
Тун тинчлигин бирон нарса ҳам
Бузолмайди, содик муҳофиз
Ўзи кезиб чиқиб бор-йўқни,
Ётмиш, аммо тинч қўймас ташвиш,
Ҳатто унда ухлаган руҳни.
Ҳиёнатни кутиб хавфланиш
Ором бермас асти ҳам бунга:
Гоҳ кимнингдир шитирлагани,
Гоҳ бироннинг пичирлагани,
Гоқ қичқириқ әшитилар унга,
Бекорларга алданиб, бирдан
Сапчиб турар, қалтироқ босар,
Атрофига тинч қулоқ осар...
Ҳамма сокит, сас йўқ бир ердан,
Мармар ҳовуз ичра ўйнашар,
Фақат булбул дили поралар,

Фақат ширин күй фавворалар
Севимли гул узра куйлашар...
Булар уни узоқ банд әтар,
Яна тақрор уйқуга кетар.

Қандай ҳушдир билгучиларга
Шарқ кечасин қора чиройи!
Пайғамбарни севгучиларга
Қандай ширин боқадир ойи!
Уларнинг уй-ўчоқларида,
Мафтун әтар гул боғларида,
Ой остида сирларга тўлган,
Тинчлик билан ҳамсуҳбат бўлган.
Шаҳват билан дарду фарогат.
Ташиб ётган ҳарамларида,
Кечаларнинг тинч дамларида
Қандай кўрк бор, қандайин роҳат!

Хоннинг ҳамма хотинлари тинч
Ухлар эди, биттаси нотинч...
Ухлай олмай, ўрнидан туриб,
Эшигини очди-ю, аста,
Битта-битта оҳиста юриб,
Ташқарига чиқди бирпасда...
Қушдай мудраб, кўзи илиниб
Қари оға олдида ётар.
Агар бу иш унга билиниб
Қолса, умри қайғуга ботар...
Оҳ, у чолнинг қаттиқдир қалби,
Ялингангага бермас әътибор:
Уйқуси ҳам алдамчи, айёр! ;
Енбошидан секин, руҳ каби,
Сездирмасдан ўтиб кетди у.
Бир әшикка бориб етди-ю,

Титраб секин очди қулфини...
Ичкарига кирди; ҳам уни
Сирли ваҳм босди шу замон.
Ажабланиб боқди тўрт томон:
Шамдон ёнар, тўкар сўник нур,
Ялтирайди бурчакда бир бут,
Қиз ётадир, юзида сукут,
Кўксидаги хож порлаб кўринур.
Эй гуржи қиз, булар ҳаммаси
Эслатдилар сенга мозини,
Гўё ўтган кунларнинг саси
Айтган каби бўлди розини.
Кўз ўнгила тинчроҳат билан
Ухлаб ётар у князъ қизи,
Қизэликка хос ҳарорат билан
Анор каби қизариб юзи,
Ошкор әкан сарин ёш изи,
Заиф кулги остида ёнар:
Емғир ювиб, ўчиб кетган ранг
Ойнинг хира нурда аранг
Худди шунга ўхшаб товланар,
Гўё жаннат ўғли осмондан
Учиб тушиб, ухлаб ётгандай,
Асирага ачиниб жондан,
Үйқусида йиглаб ётгандай...
А, Зарема, не бўлди сенга!
Чидолмади, қалби сиқилди,
Беихтиёр ерга йиқилди.
Ва ялиниб: «Ачингил менга,
Рад әтмагин арзимни!»— деди.
Унинг сўзи, у чеккан фигон
Ухлоқ қизни чўчитиб, шу он
Тинч уйқудан уйғотган эди.
Князъ қизи туриб, олдида

Бегона бир хотинни кўрди;
Қўрқиб, унга қараб олди-да,
Ҳаяжон-ла қалтираб сўрди:
«Кимсан? Тунда, танҳо нечун сен
Бу ердасан?»— «Сенга келдим мен:
Мени сақла, тақдирим учун
Менга фақат қолди бир чора...
Раҳм айласанг, йўқолса зора
Умрим уфқин қоплаган тутун,
Бахт қўйнида кўп ҳузур қилдим,
На қайгуни, на ғамни билдим...
Ўтди ором берган у соя,
Тингла, ҳалок бўлмайин зоя.
Мен бу ерда тугилганим йўқ,
Менинг юртим йироқдир, йироқ...
Ўтган кунлар, у дардли фироқ
Ёдимдадир ҳали ҳам тўлиқ.
Ёдимдадир гуллаган боғлар,
Осмон билан ўпишган тоғлар,
Тоғдан оқдан ирмоқлар, сойлар,
Ўтиб бўлмас ўрмон-тўқайлар,
Ёдимдадир кечган саодат,
Ўзга қонун, ўзга бир одат.
Аммо қандай тақдир-ла, нечун
Ўз юртимдан айрилганимни,
Бу ёқларга қайрилганимни
Билмайман мен; фақат, қора туи,
Елкан узра турган одаму
Ҳамда денгиз әсимда, холос...
Шу чоққача қўрқинч ва қайгу,
Аламлардан мен әдим холос.
Ғавғодан чет, тинчликда хандон
Ҳарам ичра гуллаб юрардим,
Итоатли кўнгли-ла ҳар он

Ишқ дарсини кутиб турардим,
Бу яширин орзуларим тез
Ушалдилар. Қонли урушдан
Чарчаб даҳшат сочган юришдан
Қайтиб келди ҳарамга хунрез.
Таъзим қилиб, хоннинг олдига
Биз ҳаммамиз чиқдик, у менга
Диққат билан индамай, сўёсиз
Очиқ, нурли назарин солди,
Сўнгра, мени чақириб олди...
Шундан берли биз ками-кўстсиз
Тиним билмай, роҳатда масрур
Нафас олдик баҳт билан ҳар дам
Бирон йўл ҳам, на фитна, на ғам,
На туҳмату, на шубҳа, қусур,
На азобли рашқнинг ситами,
На хафалик ва на алами
Бизга ташвиши сололмаганди,
Вақтимизни ололмаганди.
Мария, сен дуч келдинг унга,
Бир кўришда хуш келдинг унга...
Шундан берли кўнгли торайди,
Жиноятли ўй-ла қарайди!
Хиёнат-ла етказиб озор
Эшитмайди ҳеч итобимни,
Сўрамайди асти тобимни,
У, ноладан, фигондан безор;
У, әскидай менга топинмас,
Менда энди әскидай нафис
На шприн сўз унга ва на ҳис
Гўё битган, гўё топилмас.
Жиноятга бедахлсан сен,
Мен биламан? Айб сенда әмас...
Тингла мени: чиройлиман мен,

Менга ҳеч ким тенглашай демас,
Бир сенгина ҳарамда бутун
Рақиб бўла олардинг менга;
Аммо айтиб қўяй мен сенга,
Туғилганман әҳтирос учун,
Сен мен каби сева олмайсан;
Совуқ кўркинг билан сен нечун
У бир ожиз дилни қийнайсан?
На ҳақинг бор, на ҳаддинг сенинг
Қўй Гаройни менга: у менинг—
Бўсалари ёнар бетимда,
Иссиги бор ҳали әтимда,
Менга катъий қасамёд әтган.
Борлигим-ла кўпдан армонин,
Уй ва хоҳиш, бутун фармонин
Бирга қўшган, иттиҳод әтган.
Хиёнати мени ўлдирап,
Хазон атар, гулдай сўлдирап...
Мен йиглайман, кўргин, тизимни
Букдим әнди қаршингда мана.
Сарғайтирма менинг юзимни,
Ялинаман, қайтариб яна
Севинчимни, оромимни бер,
Ул бурунги Гаройимни бер...
Менга зарра әтма әътиroz,
У меники: сенга асиридир,
Йўлларингда кўзи басирдир.
Хоҳ таҳқир-ла, хоҳи қилиб роз,
Не истасанг, айлагил шуни,
Аммо бездир ўзингдан уни.
Онт ич... (гарчи мен қуръонни деб.
Мудаббатни ҳамда хонни деб
Уз динимни отган бўлсам ҳам,
Аммо менинг онамнинг дини

Сенинг дининг әди) кел, мени
Халос айла, ёд әтки қасам,
Уша дил-ла онт ич Гаройни
Заремага қайтармоқ учун...
Аммо тингла: өсла худойни,
Гар йўқ десанг, ханжарнинг кучин
Кўрсатмоқча қодирман оз-моз,
Зеро менинг ватаним Кавказ».

Шу сўзларни айтди-да. бирдан
Фойиб бўлди дарров у ердан,
Таъқиб әтмоқ учун изма-из
Ботинолмай, дов қилмай дили,
Орқасидан чиқолмади қиз,
У азобли әҳтирос тили
Беайб қизга асти маълуммас:
Аммо, унинг овози, у сас
Сал анигу, ажойиб әди,
Қўрқинч әди, гаройиб әди.
Қандай ёшлар, қандайин фарёд
Бу хўрликдан айлайди озод?
Не кутадир уни? Наҳот, у
Қолган ачиқ ёш кунларин, бу—
Асоратда ўтказадир хор?
Эй худойим, эй парвардигор!
Агар Гарой бахтсизни мангу
У маҳбосда унутса әди,
Ё гамлардан халос айлаб у,
Тез ўлимга юз тутса әди,
Қандай шодлик билан гам тўлгар
Бу жаҳонни отар әди қиз!
Кўпдан ўтган ҳаётнинг лазиз
Лаҳзалари, кўпдан йўқ бўлган!
Не бор энди унга дунёда!

Вақти етди, кутадир уни:
Катта очиб тинчлик қўйинини
Чақираплар уни самода.

Кунлар ўтди, кетди Мария,
Тарки умр әтди Мария.
Кўпдан орзу әтган оламни
Янги малак каби ёритди.
Аммо уни, гўзал санамни
Нелар сиқди? Нелар ҳоритди?
Нечун, нечун даф әтди тобут?
Нелар уни айлади нобуд?
Асоратми, ҳасратми, ғамми,
Эркисизликда тортган ситамми,
Касалликми ё бошқа бир сир,
Ким билади? Ўлмиш бехабар...
Латофатли Мария ўлмиш...
У ёш ғунча очилмай сўлмиш!..
Бўшаб қолмиш тумрайган сарой,
Уни яна қолдирмиш Гарой.
Яна ўзга қирғоқлар томон,
Ёвуз юриш бошламиш ёмон;
Тагин тўфон, бўронлар аро
Ғамгин учар қон қусар хунрез.
Аммо, унинг юраги қора,
Оловланар унда бошқа ҳис,
У кўп чоқлар тўқинишларда
Қиличини тикка ушлар-да,
Яна бирдан қотиб қоларди,
Жинниларча назар соларди.
Атрофига бўзариб, гўё
Ваҳимага тўлгандай дили,
Алланелар ғўлдираб тили
Еш тўкарди бамисоли дарё.

Унутилган у содиқ ҳарам
Хон юзини кўрмайин бу дам;
Унда, азоб қўйнида маҳкум,
Совук мухсий қўлида мазлум
Қаримоқда хотинлар ғамда.
Кўпдан улар ичра ҳарамда
Гуржи хотин кўринмас; уни
Мұҳофизлар дарёга отган,
Бечора сув остига ботган...
Князъ қизи маҳв ўлган туни
Бажарилиб бу қонли сазо
Кўзин юмган Зарема... Эвоҳ,
Қандайгина бўлмасин гуноҳ,
Кўп даҳшатли бўлган бу жазо!

Кавказ олди тупроқларини,
Русиянинг тинч қишлоқларини
Уруш билан қилиб минг вайрон
Тавридага қайтиб келди хон.
Саройнинг чет бурчини сайлаб,
Марияга эсадалик айлаб
Мармарлардан ясатди фонтан.
Тепасига хож ўрнатилмай,
Мусулмонлар ойи осиламиш.
(Бу, албатта, бўлмағур бир иш;
Нодонликнинг айби бутунлай)
Ёвузлар бор, кечиб кўп йиллар
Ҳали ўчиб кетмаган улар.
Ҳали мармар ҳовуздан сувлар
Қирғоқлардан тошиб ғувиллар.
Тиним билмай, тўхтамай бир он
Дона-дона ёш тўқар фонтан.
Үрги ҳарбда жон берган она
Худди шундай йиглайди яна...

Утмишнинг бу ривоятини
У ёқларда қизлар билишган,
Сўнгра ғамгин ҳайкал отини
«Ёш фонтани» бўлсин дейишиган.
Мен шимолни ташлаб ниҳоят,
Базмларни кўпга унутиб,
Боғчасарой томон йўл тутиб,
Мудроқ кўшкни қилдим зиёрат.
Халқ офати, жангари татар
Ишрат қилиб, базмлар қурган,
Урушлардан сўнгра бехатар
Беками-кўст Фарогат сурган.
Тинч уйларда, боғларда — сездим —
Ҳамон роҳат яшар куну тун.
Сувлар ўйнар, гул чечак отар,
Ток занглари товланиб ётар,
Деворларда ярқирап олтин.
Мен у ерда тинмай оҳ уриб,
Йиглаб, ҳақиқ тасбеҳ ўгириб,
Баҳорида яшнамай сўлган
Хотинларнинг макони бўлган
Панжарали дарчалар кўрдим,
Кунгурали парчалар кўрдим.
Кўрдим хонлар қабристонини,
Хўжаларнинг сўнг маконини.
Гўрлардаги мармар устунлар
Гўё тақдир ҳақида секин
Ҳазин-ҳазин таратиб унлар
Сўзлагандай туюлди... лекин
Хонлар қани? Қайда у ҳарам?
Бутун атроф муқаддас ва жим,
Ўзгармишдир... аммоқи, у дам
Бу билан банд әмасди дилим:
Оқ гулларнинг майнин нафаси,

Фонтанларнинг куйлаган саси
Жаэб айлади, қилди Фаромуш,
Ихтиёрсиз менда ақли ҳуш
Номуайян тўлқинга тушди,
Шунда сарой ичида бир қиз
Соя каби сирли ва изсиз
Кўз олдимда липиллаб учди!..

Дўстлар, кимнинг соясин кўрдим?
Айтинг менга, мен сиздан сўрдим:
Даф маҳал бўлган у юмшоқ
Кимнинг шакли мени ўша чоқ
Таъқиб этган әди? Ким әди?
Ҳайҳот! Бутун атроф жим әди...
Мариянинг тоза жоними,
Е, Зарема рашк билан тўлиб,
Бўш ҳарамда бир кўлка бўлиб
Кўз олдимда ўтган оними?

Эсимдадир шундай бир чирой,
Худди шундай севимли нигоҳ
Дил ўшангага кетар бутунлай,
Сургунда ҳам гуссаси, эвоҳ,
Қалбимдадир, тилларимда — оҳ...
Эй ақлсиз! Бўлди! Энди бас,
Гусса чекма, фойда бермас,
Бебаҳт ишқнинг нотинч, ноилож
Оромига бермишсан хирож.

Ҳушиңгни йиг, тўсиқларни буз,
Токайгача сен ожиз маҳбус
Кишанларни ўпиб ётасан?
Токайгача енгил тор билан,

Бу оламда оҳу зор билан
Жунунингни ошкор әтасан?
Мен музонинг муҳлиси, ёри,
Мен тинчликнинг мурид, хуштори.
Тездан бутун шуҳрат ўйлари
Ҳам севгини ғамом унутиб,
Яна сизга томон йўл тутиб
Кўраман, эй Солғир бойлари!
Хотиралар асири бўлиб,
Мен бораман ўша ёқларга,
Денгиз бўйи баланд тоғларга,
Яна Таврид сувлари тўлиб
Хурсанд әтар ҳарис кўзимни,
Ҳур сезарман яна ўзимни.
Сеҳрли юрт, дийда юпанчли!
Юрагимнинг өрка қувончи!
У ерларда ҳарна жонлидир:
Ўрмон, водий, гулистонлик қир.
Узумларки ёқут, каҳрабо,
Тераклару сувлар салқини;
Эрта билан қуёш ёлқини
Таралганда, әсганда сабо,
Айиқ тоғнинг айланасида
Зангор ҳовуз ярқирап әкан,
Тиниқ, кўм-кўк сувнинг пастида
Қизил нурлар барқ урап әкан,
Тоғлар ошиб, қирғоқ йўллардан
Учар әкан йўлчининг тойи,
Унинг ҳиссин ўнгу сўллардан
Жааз әтади бу ер чиройи!..

ДЕМОН¹

(М. Ю. Лермонтов)

Биринчи бўлим

I

Қувгинди руҳ, қайгули Демон
Гуноҳкор ер узра учарди.
Масъуд кунлар хаёли шу он
Кўё олдидан бир-бир кечарди:
Малак әди тоза ва масъум,
Хандон әди арши-аълода.
Ҳатто юлдуз мовий самода
Айлар әди унга табассум.
Ташна боқар әди ҳар замон
Олов сайдералар диёри,
Қуюқ туманларнинг қўйнидан
Аста кечган карвонлар сари.
У замонлар, даргохи улуг
Худовандни севар, инонар
Эди. На кин, на шубҳаси бор
Бу баҳтиёр ва тўнгич махлук!
Бекор, бебурд кечган асрлар
Васвасага солмаган, имон
Тоза әди... Тағин нималар...
Эслагани йўқ әди имкон!

¹ Иблис.

II

Жаҳон дашти ичра беватан
Кезар сарсон, қувилган каби.
Йиллар ўтар, яна йиллардан
Навбат кетар, минутлар каби.
Шод әмас у, ки ерда хоқон
Фанони дер, истар фароғат.
Шунинг учун ҳар ерда, ҳамон
Завқ олмасдан, сочар шарорат,
Санъатининг чеки йўқ, кўкдай,
Хоҳишига қаршилик кўрмай
Газаб сочди, омонсиз юрди...
Сўнгра булар кўнглига урди...

III

Гўзал Кавказ осмони — шиша,
Қанот қоқар жаннат матруди.
Пастда Каэбек, унда ҳамиша
Қор ярқирап — олмас ҳудуди.
Чуқур жарда илон инидек
Гирдоб ўраб кўринар Дарёл.
Елкасида кўпик — бароқ ёл
Ҳудди шердай сакрайди Терек.
Ўйноқи сув қўнгироқ чалар...
Тоғ тепада кезган жонивор
Кўкда учган паррандаки бор—
Ҳаммаси ҳам қайратда қолар.
Елкан каби осмонда юзган
Енгил қанот, олтин булутлар
Уни бирга олис жанубдан ;
Шимол ёққа кузатиб борар...

Зумрад дарё оқар тўхтамай;
Тепасида буюк қоялар
Тўлқинлардан кўнгил узолмай
Бош солишиб мудраб қолалар.
Салқин Кавказ дарвозасида
Дев қоровул каби баланддан
Миноралар тоғ ёқасида
Чирой билан очилган эди.
Аммо мағрур Иблис кўнгилсиз
Хаёллари сочилган әди:
Нафрат ёғар ҳар нигоҳидан,
Тилларида аччиқ ҳақорат,
Рози бўлмай ўз оллоҳидан
Ғазабланар әди у фақат.

IV

Кўз ўнгида босди бир диёр,
Жаннат каби гўзал Гуржистон.
Майса-гилам ёзган водийлар
Гўё чаман-чаман гулистон.
Кумуш каби булоқлар жўшқин
Жимирлайди тубида тоши...
Шалолалар сачратган учқун
Балки гуржи қизининг ёши.
Қора сочи бамисли сунбул
Сулув қизлар муҳаббатини
Гул шохида ўқийди булбул,
Мармар каби мусаффо туни,
Қуюқ соя ташлаган чинор,
Баргларини шаббода ўйнар...
Жин гул босган жарда гоҳилар
Қўрқиб-пусиб ётар оҳулар...

Бунда севги, бунда шан ҳаёт,
Япроқларнинг сўнмас шовқини,
Аммо булар ҳаммаси, ҳайҳот!
Қўзғатолмас Ибليس завқини,
Бунда минг хил ям-яшил гиёҳ,
Нафас олар, губорсиз ҳаво,
Бунда тинчлик ўзи бир наво,
Лекин Ибليس нафратли, эвоҳ!
Ой нурида марварид каби
Гул баргига шабнам ялтирад,
Гуржи ҳизнинг кўзлари каби
Очиқ кўкда юлдузлар ёнар.
Ана шундай гўзал табиат
Буни асти хурсанд қилмади.
Қувғин шайтон, бадарга хилқат
Бу борлиқни писанд қилмади.
Тошдай қаттиқ кўнгли юмшамай,
Түёлмали на қувват, на ҳис.
Неки кўрди, сира хушламай
Унга нафрат ёғдириди Иблис!

V

Қари Гудал ўзига атаб
Кенг, муҳташам ҳовли солдириди.
Ҳар тошида минг хаста — бетоб
Қуллар қонли кўз ёш қолдириди.
Қўшни тоққа саҳардан тортиб,
Қўлка ташлар баланд девори,
Коядаги зинадан ўтиб
Йўл боради шўх дарё сари:
Бу йўллардан ҳар куни бир бор

Елкасига қўйиб қўзани,
Енгил кўчиб гўё сўзони,
Арагвага чиқарди хумор.
Ёш Тамара — Гудал надраси
Ҳилпирарди шоҳи чодраси...

VI

У зўр қалъа тоғ қиррасидан
Сукут билан боқарди ҳар чоқ.
Букун бўлса, сурнай сасидан
Тўлиб-тошган ҳар тараф, ҳар ёқ.
Қадаҳларда тоза мусаллас
Акс әтади қандили чироқ.
Жам бўлишган яқини йироқ
Катта базм: хамма маст-аласт..
Букун Гудал қизил тўй әтар,
Гўзал Тамаранинг никоҳи,
Тўрда келин, яшинаб нигоҳи,
Қизлар ичра ойни әслатар...
Узоқдаги ҳайбатли тоғлар
Беркитдилар қуёш ярмини,
Чапак чалиб, ўйнаб ўртоқлар
Руҳлантирас қизлар базмини.
Авжи ўйин қизиб турганда,
Чилдирмани олди келинчак —
Ўйнаб кетди... Ҳар зарб урганда
Ғунча ёзар әди бир чечак.
Пирпиратиб ҳилла енгил
Гоҳ учарди қушдан ҳам енгил.
Гоҳ тинарди, сузук боқарди,
Қошларини нозик қоқарди,
Гоҳо аста букиб тиззасин,
Гилам узра йўргалаб кетар,

Илон каби ўйнаб гавдасин,
Ҳар нигоҳни ўзга банд әтар.
Сўнг боладек кулади ўзи—
Машъаладек ёнади кўзи.
Билмадимки, баъзан кумуш ой
Ўйнагани ҳафиғ, юмшоқ нур
Ҳаёт каби, ёшлиқ каби бой
Бу кулгига қандай тенглашур!..

VII

Онт ичаман тундаги юлдуз,
Кун ботишу, шарқнинг ҳурмати.
Бундай гўзал, бу каби қундуз
Фусункорни олам кўрмади.
На Эроннинг буюк сultonи,
На жаҳоннинг бирон хоқони
Бу хил қизни кўролмаган ҳеч,
Бу хил кўзни сўролмаган ҳеч!
Ҳарамларнинг муздек чашмаси
Йинжу каби сувлари билан
Ой баравар ноз-карашмаси
Гўзалларни жуда кўп кўрган.
Аммо бирон марта бўлса ҳам
Саратонда дим ва иссиқ кеч
Бундай қомат, бундайин санам
У сувларда ҳопитмаган ҳеч.
Дона-дона маржондек сувлар
Уни кўрмай ўтганларини,
Армон билан кетганларини,
Эҳтимолки, асти билмайлар.
Жаҳон ичра кимса бир марта
Сутдай ойдин хилват тунларда

Бундай сочни силай олмаган,
Бу хил лабга из сололмаган.
Онт ичаман, бу ёруғ жаҳон
Айрилгандан берли беҳиштдан
Бундай чирой кўрмай, ҳеч
Оғмаганди ақлдан-ҳушдан.

VIII

Сўнгги сафар ўйнар әрка қиэз...
Тоғлар! Гудал машъаласини,
Озодликнинг шўх боласини
Балки кўролмассия эрта сиз.
Туширинди қилиб әртага
Олиб кетар куёв бир умр.
Ҳайҳот! Кимга нозини қилур?
Қандай кўнар бегона уйга?
У билади. Равшан дийдасин
Номуайян шубҳа босади.
Кўтаролмай гоҳо сийнасин
Калта-калта нафас олади.
Унинг бутун ҳаракатлари
Ифодали, содда — тўпори,
Хўп келишган әди ўзига.
Агар шу тоб Иблис кўзига
Тушиб қолса, мободо, бу қиэз
Тикилганча қотиб қоларди.
Эслаб кетиб ўтмишни, ёлғиз
Бир оҳ тортиб, нафас оларди.

IX

Еҳу́! Иблис қиэни пайқади,
Ўша замон сезди ҳаяжон:

Ширин бир куй гўё биёбон —
Даштдай кўнгли ичра тарқали.
У, янгидан муҳаббат — севги
Чирой санамига йўлиқди.
Тўймай боқди. Ҳаёли өзгу
Кечган баҳти билан тўлиқди.
Эс китоби варақ ёзаркан,
Саодатли кунлари бир-бир
Юлдуз каби тизилиб пир-пир
Занжир каби ўтди назардан.
Бир гезли куч боғлаб чамбарчас
Янги ғамга ошна бўлди у.
Унда сезги тилга кирди бас,
Қоплаб олди уфқни қайгу.
Туйди севги ҳаловатини:
Қайта яшаш аломатими?
Васвасага соглани қизни
Тополмади ақлида мадор.
Унутмоқми? Йўқ, парвардигор
Бундай кучни, бундайин ҳисни
Унга асли берганмас әди.
Бергандада ҳам бу олмас әди.

X

Никоҳ учун ошиқар куёв;
Кун ботмасдан етиб бормоқчи.
Сабри тугаб кўнглида зўр дов,
Отга босар устма-уст қамчи.
Етиб келди бехавфу хатар
Арагванинг соҳилларига.
Нортуюлар соҳибларига

Занжир каби әргашиб қатор,
Дармон кеттган каби тизидан
Битта-битта кўчар изидан.
Юки оғир... Бу катта карвон
Олиб келар қайлиққа аҳсон.
Жангур-жунгур ўйнар қўнгироқ,
Ҳали манзил олис, кўп йироқ...
Сенадалнинг ҳокими ўзи
Келар карвоннинг бўлиб кўзи.
Белда камар, қилич ва ханжар,
Жим-жим әгар офтобнинг тиги,
Елкасида осиглиқ — ҳам зар,
Ҳам тилладан гулдор милтиги.
Қимматбаҳо чакмон әгнида,
Шамол ўйцар барин кейинида.
Шоҳилардан тузалган әгар
Гулдор юган той бўйнин әгар
Тухум каби сагри гупурган,
Гўё бирор унга сув пуркан.
Тезоб, абжир, туси бебаҳо
Асл саман, гўёки тилла...
Қорабоғнинг шўх югурдаги
Қулогини чимирап ҳамон.
Ваҳимага тўлиб юраги
Қўё ташлайди тўлқинлар томон:
Тор ва ҳавфли ингичқа бу йўл
Унг томони чуқур дарё, жар,
Қирра тошли буюк қоя — сўл,
Ҳар минугда кутар бир хатар.
Ўзи ҳам кеч. Қорли чўққила
Шафақ ўчай-ўчай деб турар.
Туман босди тоғлар уйқуда...
Карвон пича тезлаб йўл юрас...

Йўл устида кичик бир дахма,
 У дахмада кўҳна бир мозор.
 Душман қўли билан минг лаҳма
 Бўлган номсиз бекзода ётар.
 Уни энди авлиё дейлар,
 Ҳақинга юз минг duo дейлар,
 У йўллардан биронта йўлчи
 Е ҳайит, ё жанг кетар бўлса,
 Уша ерда дам олиб пичи
 Унга ибодат ётар бўлса,
 Сақланарди мусулмонлардан:
 Ханжаридан, тўкар қонлардан.
 Аммо ботир юракли куёв
 Истамади бу ибодатни,
 Бузди — гўё ўчакишган ёв
 Боболари қилган одатни.
 Чунки, Иблис алдади уни,
 Ҳаёлни айнитди қўймай:

У ўйида, гўё тинч туни
 Қайлигини ўпарди тўймай.
 Ҷанги Кимнинг шарпаси бўлди,
 Рўбарўдан, тоғ олди қирдан
 Икки соя кўринди бирдан.
 Уқ чақнади. Ваҳима тўлди,
 Жасур князъ чурқ этмади ҳам,
 Узангида тип-тикка турди.
 Папагини бостирди, шу дам
 Учар отга бир қамчи урди.
 Қўлида турк қиличи ёнди,
 Бургут каби олға ташланди.
 Ёввойи дод, бўгиқ бир фигон,

Тутди бутун водийни шу чоқ,
Узоқ давом әтмади. Бу он
Гуржи әрлар қочди тумтароқ.

XII

Яна тинчлик босди водийни,
Елғиз қонли мурдалар ётар.
Йўлчиларнинг айлаб ёдини,
Мўлдир-мўлдир туялар боқар.
Талон бўлган катта бой карвон
Молдан асар қолмаган сира
Исовийлар ўлиги узра
Қора қушлар уради жавлон.
Шаҳид ўлган бечораларни
Оталари ётган мозори
Чорламайди. Бечораларнинг
Кимга етар фигону зори?
Аза тутиб, узоқдан ўлиб
Оналари келмас бошига.
Оlam тўлиб қонли ёшига,
Сингиллари турмас оҳ уриб,
Қабрлари тепасида ҳеч
Шам ёқимлас саҳар, кундуз, кеч.
Аммо бирон муруватпарвар
Ёдгор әтиб ўтқизар бир бут,
Осмонида йиғлар оқ булат,
Атрофига гул ўсар пар-пар,
Сўнгра бундан юрар йўловчи
Бефотиҳа ўтиб кетолмас,
Узоқ йўлда бўлмай иложи,
Бу ерларда дам олур бирпас.

XIII

Бугу каби тез учар саман,
Худди жангга ошиққан каби.
Кўзи соққа каби ўйнаган,
Пишқиради, титрайди лаби.
Тоғлар бўйи сакрайди тоҳо,
Туёғидан елдирим чақнар.
Шамол недир тинглайди. Гўё
Гув-гувидан ваҳм сири бор.
Ели чалкаш бўлиб пирпирап
Хушсиз, худди ўқдай югурар.
От устида чалқанча тушиб,
Гўё совуқ елдан увущиб
Йўлчи ётар: оқарган ранги,
Оёғида маҳкам узанги,
Шилқ әтади, отнинг ёлига
Бўйни тушар, боқмас ёнига,
Юған тушган унинг қўлидан,
Жилов тортмас отнинг йўлидан.
Силон ёғич шундай қизил қон,
Унг қон, сўл қон, ҳатто уфқ қон.
Эй чопонгич, абжир, қуш қанот,
Камон ёни каби учган от,
Баҳодирлик шарт ёриб жангни
Омон сақлай дединг, хўжангни.
Аммо қандай ёзиқ бўлди бу,
Асетин ўқига учди у!

XIV

Гудал уйи ботди азага
Йиги дёди чиқди фазога.
Эшигига одам йифилган.

Кўйиб-пишиб бунда йиқилган
Кимнинг оти? Бу бечора ким?
Ҳатто осмон жавоб бермас, жим!
Юзларида ваҳима-ваҳшат
Иzlари бор, қўрқинч ва даҳшат!
Усти боши, яроғлари қон,
Боши, кўзи, оёқлари қон...
От ёлини сиқимлаб қўли,
Беҳуш қотиб қолган бир йўли.
Шўр пешона, баҳтсиз келинчак
Маътал бўлиб кутганинг келди,
Кўйида қон ютганинг келди.
Аммо сенга қандай кулажак
Бир умрга юмулган кўзлар?
Ахир, тақдир сенга не кўзлар?

XV

Беками кўст тинч оилани
Чақмоқ каби босди бу кулфат,
Кўнглини еб қайфу илони
Мусибатга бўлди қиз улфат.
Қонли ўшга айланиб қалби
Томчи-томчи оқди кўзидан.
Дами оғир... кетди ўзидан...
Гўё боши устида каби
Сочи тўзиб ётган ўрнида
Эшитилгандай бўлди бир нидо:
«Қўй, йиглама! Бекор бу яхлит
Кошки, кўзнинг ёши соб бўлса,
Кошки, ҳаёт шабнами тахлит
Ёшинг мурда узра тўкилса,
Йўқ! У фақат равшан кўзингни

Туман каби қоплаб олажак.
Анор каби шу қиз юзингни
Мисдай қилиб ўтда ёқажак.
Еринг бўлса, узоқда, билмас
Сенинг чеккан оҳу зорингни.
Энди само нурлари тинмас
Ва эркалар иомизодингни.
У жаннатда қўшиқлар тинглар...
Бу—ҳаётнинг бачкана туши,
Бир гарифнинг фифон, нолиши
Беҳишт меҳмонига не денглар?
Йўқ, бу қазо асли қисматдир,
Илон менга, дунё малаги,
Арзимайди, кўзингни арт, тур,
Йигламоқнинг йўқдир кераги,
Само худди бир денгиз,
Дарғаси йўқ, беелкан.
Учар ҳисобсиз юлдуз
Туманларнинг қўйинидан.
Чексиз кўм-кўк водийда
Парча-парча булутлар
Иа қолдирмай ортида
Эркин қанот қоқурлар.
Уларга ҳижрон, висол,
На ғам, на севинч бермас.
Келажаги оғусиз,
Утмиш учун ачинмас,
Бебаҳт бўлган чоғингда
Уларни ёдингга сол
Бенасиб ва қайдсиз
Яшаши ўрганиб ол!»
«Бахмал каби юмшоқ қора тун
Кавказ чўққисини олганда,
Ширин сўэли фусункор очун

Жимиб уйқусига толганда,
Шўх ва енгил ел юриб тоғда
Майсаларни ўйнаган чоғда,
Паррандалар безовта бўлиб,
Гур учганда ваҳмга тўлиб,
Ток тагида гуллар тўйгунча
Шабнам шимиб, очганда ғунча.
Тоғ кетидан олтин ой секин
Кўзларига нур қўйса текин.
Учиб борар бўлдим олдингга
Саҳаргача меҳмон бўлгали,
Ипак каби киприкларингга
Жиндаккина орсм бергали...»

XVI

Борган сари пасайиб аста
Узоқларда тинди бу товуш.
Иргиб турди нигоҳи хаста,
Атрофига боқди қиз ҳомуш.
Кўкрагидан босди изтироб,
Қайгу билан кўрқув бирлашди.
Чўчиди-ю, бирдан қалтираб
Туйгулари гупурди, тошди.
Қафасидан чиқдими жони,
Вужудини ёндириди олов?
Унугулмай ажиб нидони,
Қийналади. Йўқмикан аёв?
Саҳар пайти ҷарчаган кўзлар
Ширингина ҳей... ухлаб кетди.
Аммо, пайғамбарона сўзлар
Хаёлинин шарт қулфлаб кетди.

Чиройининг таърифи беҳал
Номуайян, соқов келгинди
Қиз олдида бошини әғди,
Янги ойдек бўлиб сарви қад.
Нигоҳида чунон ҳам вафо,
Чунон меҳр, чунон муҳаббат
Билац ҳафа боқарди, гўё
Қизни ачингандай у хилқат.
У на малак, на бошқа әди,
На бу қизни қўриқчи пари
Боши узра яшнамас әди —
Камон нурларидан чамбари.
У дўзахи руҳ әмас. Ёнур.
Қувгин шайтон әмас әди — йўқ!
Пок оқшомга ўхшарди тўлиқ,
На кун, на тун, на зулмат, на нур!..

Иккинчча бўлим

I

«Қўй, отажон, мени қўрқитма;
Тамарангни уришмагин, бас.
Мен йиглайман, қўргин... унутма,
Ки, бу ёшлар биринчи әмас.
Олислардан кўёвлар бизга
Ошиқадир беҳуда, бекор.
Бу әл тўлиб ётибди қизга!
Мен ҳеч кимга бўломмайман ёр!
О, сўкмагин, сўкма, отажон:
Кўряпсан менинг кундан-кун
Кузги баргдек юэларим сўлгин;

Евуз оғу айлади қурбон!
Қарши туриб бўлмайдиган ваҳм —
Билан маккора руҳ қийнайди,
Мени ҳалок әтади... қил Фаҳм,
Ачин! Наҳот, кўзинг қиймайди?!

Ақли айниб қолган қизингни.
Ҳасратимни тўкай худога,
Ўзи сақлар бу юлдузингни.
Менинг учун бу дунё ичра
Вақтиноғлик қолмади сира.
Қўй, эртароқ бағрига олсин,
Тобут каби у қора ҳужра...»

II

Уни хилват бир монастирга
Элтиб қўйди қавму қариндош,
Қўпол қилдан бўлган усти бош
Ёш кўқракни ботирди терга.
Барибир, наф бермади бирор
Роҳибалик усти боши ҳам,
Яна ўша: хаёли — мубҳам.
Аввалгидек кўнгли беқарор
Барибир, у ҳийлакор нидо
Ё шам ёнган меҳроб ёнида,
Ё саждага қўйганида бет,
Эшитилар ҳамон кетма-кет...
Баъзан қора гумбаз устида
Бенз, товуш чиқармай сира,
Кўринарди у қиз қасдида
Енгил тутун қўйнида хира.

Юлдуз каби нурланар әди,
Алдаб, қайга имланар әди?

III

У монастырь икки ёғи төр
Салқин ерда ўрнашган әди.
Терак, чиноғ-- гужум кўк япроқ
Атрофида ўйнашган әди...
Ушаларнинг қўйнида гоҳи,
Оралиққа ингандан кечада,
Кўринарди то тонг отгунча
Ойнасидан танҳо ётогин
Жимиллаган хаста нигоҳи
Еш гуноҳкор қизнинг чирогин:
Тўрт атрофда, салқин сойларда
Тиасизликдан қуриган шўри,
Саганаалар қорвули бут,
Улик каби сақлаб бир сукут
Қаторлашиб ётган жойларда
Бошланарди қушларнинг жўри.
Тошдан-тошга сакраб тўймаган,
Кўнгироқлар чалиб ўйнаган,
Оппоқ тўлқин урган булоқлар,
Пастга тушиб, гўё ўртоқлар,
Ҳаммаси бир бўлишиб, гуллар —
Орасидан оқиб гувиллар...

IV

Шимол ёқдан кўринар төглар
Эрталабки шафақ нурига,

Водийларнинг қўйин-тўрида
Кўкиш туман әриган чоғлар,
Юзин қибла томон ўгириб
Чақирганда муаззин аzon,
Қўнғироқнинг савти ўкириб,
Монастирни уйғотган замон.
Еш гуржи қиз тикка тоглардан
Кўза олиб сувга тушганда,
Гулгунчалар очган боғлардан
Паррандалар кўкка учганда,
Кумуш қорли юксак чўққилар
Акс өтарди тиниқ осмонда,
Кечга яқин, қуёш ботгандা
Қизил нурга чўмарди улар,
Ҳаммасидан баланд ва мағрур
Булатларни ёриб, тепадан
Оқ саллали, йўл-йўл тўн билан,
Кавказ шоҳи — Казбек кўринар.

V

Аммо бундай тоза масаррат
Кирмас әди қийналиб ётган
Гуноқкорлик ўйига ботган
Тамаранинг кўнглига албат,
Оlam унга бегона әди.
Ундаги бор нарсалар бутун
АЗоб учун баҳона әди —
Ҳам оппоқ тонг, ҳам қоронғу тун.
Ер юзини босгандা тинчлик,
Мизғимасдан кечалар бўйи,
Бут олдида йиқилган кўйи,
Ҳушдан кетиб йингларди шўрлик,

Ҳўнгир-ҳўнгир юксалган йиги,
Гўё дайди ўғрининг тиги
Қўрқитарди тунги йўлчини.—
Ваҳм қилиб, билмай тинчни —
«Бу—горларда боғлиқ алвости
Чеккан фифон!»— деб ўйларди у.
Қулогини олмасдан асти
Ҳорган отни тезлар әди: чу!

VI

Гам-ҳасратга ботган Тамара
Деразанинг тагида танҳо.
Ҳаёлларга чўмилиб гоҳо,
Утиради йиғлаб бечора.
Узоқларга ташлайди нигоҳ,
Тун бўйи ҳеч тинмай кутади...
Кимдир унга дейди: келади!
Чидолмасдан тортади у оҳ.
Қайгуларга тўлган кўз билан,
Ажиб, ширин, юмшоқ сўз билан,
Бекорларга қўринмаган у,
Бекор әрка қилмаган уйқу.
Кўпдан бери орзиқарди қиз.
Авлиёлар учун чўкса тиэз,
Кўнгли ҳамон унга кетганин,
Ўзи билмай нега әканин,
Чарчаб, толиб оғир курашдан
Ором олай деса бирон пас,
Болиш ботар бўлиб оташдан
Куйдиради, ололмай нафас.
Саҷраб туриб, қалтирайди қиз,
Гўё ишқи тундаги юлдуз.

Кўқси, бутун тани ёнади,
Нафас қисар, кўзида туман,
Ташна қучоқ бирдан қонади,
Лабда бўса әрийди шу он...

.

VII

Чойшаб ёзди шом қоронгуси
Гуржистоннинг тогу тошига,
Келди Иблис тошиб туйғуси
Монастирга — қизнинг қошига.
Лекин унга халал бергали
Ботинолмай гангиди узоқ.
Тайёр әди, у, гёё шу чоқ
Евуз ниятидан кечгали.
Не қилишни билмай, тентираб
Кеэди девор остида сокин.
Ҳаво тип-тинч. Шамол йўқ. Лекин
Барглар ундан қўрқди дилдираф,
Кўз ташлади тепага аста;
Теразани лампа ёритар.
У англади шунда бирпасда:
Қиз кимгадир кўпдан кўз тутар!
Ана, чингар¹ жаранглаб кетди,
Эшитилди куйлаган овоз.
О, у қандай ширин, латиф соз,
Зарби кўнгил тубига етди...
Худди кўз ёшидай бирма-бир
Тўкилди у товуш, тўкилди...

¹ Бир хил дутор.

Мунча нотинч юрак қурмагур;
Бардош тугаб, чоки сўкилди.
У ашула шундай соз эди,
Шундай юмшоқ дилнавоз эди,
Ки ер учун аталиб, гўё
Кўкда тўқилган овоз эди.
Унутилган дўст билан яна
Кўришмакни ихтиёр этган,
Тунни хилват топгану, пана —
Йўллар билан бу ерга етган
Бирон малак әмасмикан бу?
Шунда Иблис әнг биринчи бор
Мудаббатнинг дардини туйди...
Нола чекиб дили зору зор,
Ишқ ўтида ловиллаб куйди.
Қўрқиб, жилмоқ бўлди бу ердан...
Қанотини кўтаролмади!
Ажаб! Қуруқ кўзидан бирдан
Ёши оқди... Ҳеч чидолмади...
Уша жойда ҳалига қадар
Одам ёши әмас, ўша ёш,
Уша ўтдек ёш куйдирган тош,
Якка, қора, куйган тош ётар...

VIII

Қизни севар бўлиб кирап у
Марҳаматли дил билан шу чоғ,
Вақти етди, кутилган орзу
Ушалди деб ўйлаб, хуш димоғ,
Шу пайт унинг ғурури, қалби,
Биринчи бор учрашар каби,
Интизорлик қалтироғини,

Лол ва мажҳул сир қайноғини
Англади... Бу қўрқинч ҳол әди,
Ёмон тасодифга фол әди.
Тўғридан ҳам, кирсаки, унда
Нур кийинган жаннат әлчиси,
Ул гуноҳкор қизнинг соқчиси
Малак яшиаб турарди тунда,
Шу чоқ қизни айлаб саришта,
Қанотига олиб фаришта,
Асради у ёвуз душмандан,
Пок илоҳий нурлар шу ондан —
Кир нигоҳни кўр қилди бутун;
Иблис кўзин қоплади тутун...
Шунда ширин салом ўрнига
Оғир итоб әшитилди унга.

IX

«Эй нияти бузук руҳ, тунда
Ким чақирди сени, айт менга!
Сенга мухлис киши йўқ бунда,
Кўп әркинлик берма ҳаддингга.
Ҳалигача бу ерда бирпас
Ёвуэлик ҳеч олмамиш нафас,
Менинг ишқим, пок санамимга
Сола кўрма қора изингни.
Кет! Учиргим мен юлдузингни,
Сақланиб қол!»
Ва Иблис унга
Таҳқир билан жилмайиб боқди;
Нигоҳини рашк ўти ёқди.
Қайталабдан ўтли дилидан
Эски нафрат заҳари оқди.

«У меники!— деди риёкор,—
Қиз меники! Уни қолдир, бас!
Кеч қолдинг сен, эй, ҳимоякор
Мен ва унга сен ҳоким әмас!
Қизнинг ғурур тўла кўнглига
Ўз муҳримни босиб қўйганман;
Сен кет, бунда мен ўзим әга,
Мен ҳукмрон, уни севганман!»
Шунда малак ғамгин кўза билан
У бечора қизга бир боқди;
Қанотини оҳиста қоқди,
Сўнгра гойиб бўлди кўзлардан...

• • • • • • • • •

X

Т а м а р а

О, сен кимсан, сўзларинг тубсиз,
Дўзах юбордими, ё жаннат?
Не истайсан?

Д е м о н

Сен гўзалсан, қиз!

Т а м а р а

Гапир, кимсан? Жавоб бер, англат!

Д е м о н

Мен у менки, сен ярим туни
Қулоқ солиб тингладинг уни.

Унинг фикри олди ҳушиңгни,
Унинг дардин англаган бўлдинг,
Унинг ўйи билан лиқ тўлдинг,
У банд әтди ўнгу тушингни.
Мен у менки, э гўзал пари,
Кимса сезмас, ачинмас уни.
Қулларимга мен ерда офат,
Озодлик ва идрок шоҳиман.
Мен — малаклар, кўкларга душман,
Табиатга ёвуз касофат.
Лекин, мана, боқ: доғингда мен,
Тупроқ каби оёғингда мен!
Мен келтирдим әгиб бошимни
Ишқинг майин ибодати-ла,
Энг биринчи ер азоби-ла,
Энг биринчи тўккан ёшимни
Қабул айла, ол гўзал, буни,
Ерит умрим саодатини.
Қулоқ согил оҳу зоримга:
Биргина сўз билан мени сен
Яна кўкка қайтароласан.
Эй паризод, қизған ҳолимга;
Ишқнинг әзгу либосин кийиб,
Ёвзэликдан дилимни тийиб,
У даргоҳда порлоқ нур каби,
Янги малак, ёш бир ҳур каби
Қайта яшар әдим мен у чор,
Раҳминг келсин, аҳволимга боқ
Ялиноман, тинглагил мени,
Асирингман, севаман сени.
Сени аввал бир йўл кўрдиму,
Ажалсизлик, ҳокимлигимга
Утли нафрат, қарши бир туйғу
Чақмоқ каби тушди дилимга,

Бенхтиёр, ернинг ярми ғам,
Шодлигига ҳасад қилдим мен:
Сендей яшаш истадим мен ҳам,
Сенсиз уни фано билдим мен,
Қонсиз қалбим жимиirlаб кетди,
Умидли нур жонланди унда.
Бир дард әски яра тубида
Илон каби қимиirlаб кетди,
Сенсиз нима бу абадият?
Сенсиз нима менга мулк, ният?
Қуруқ сўздири, тутмас асадири,
Худоси йўқ кенг калисадири.

Т а м а р а

Эй, маккор руҳ, чекил, эй беор,
Инномайман душманга, йўқол!
Парвардигор.. Ҳайҳот! Бу не ҳол!
Сигингани йўқ менда мадор...
Ҳалокатли оғу бошимни
Ураб олмиш, тўкар ёшимни!
Эй ҳийлакор, не керак сенга?
Тингла, мени хароб әтасан!
Сўзинг оташ, заҳардир менга,
Гапир, нечун мени севасан?

Д е м о н

Эй, гўзал қиз, нечунми?— Ҳайҳот,
Билмам!.. Янги ҳаётга тўлиб,
Янги ишқнинг асири бўлиб,
Сенда кўриб баҳтимга нажот,
Жаҳаннамнинг оғир тошини
Жиноятли бошимдан отдим,

Хечга бутун ўтмишни сотдим,
Кел, дардимнинг қил иложини.
Шу қоп-қора кўзларинг малақ
Ҳам дўзахим, ҳам жаннатимдир
Қувғиндини әтма кўп ҳалок,
Олов тушган қалбини тиндир,
Тингла мени, ишон, рост билан
Бу ерда йўқ әҳтирос билан,
Сени шундай севаманки мен,
Асти бундай севолмайсан сеи:
Барча ўйим, барча ниятим,
Очиқ кўнглим ва ҳамиятим,
Шаъну шавкат, ҳукмдорлигим,
Бутун умрим, бутун борлигим —
Ҳаётим-ла, севаман, гўзал,
Юрагимга суратинг азал
Ўрнатилмиш әди илгари.
Ажралмасдан мендан ҳеч қачон
Кўз олдимда яшнаб у ҳамон
Бирга юрган әди, эй пари!
Бу ширин ном азал бор әди:
Кўпдан менга ҳаяжон солиб,
Кеча-кундуз ҳушимни олиб,
Қулогимда майнин тор әден.
Масъуд кунларимда жаннатда
Сен билан мен әдим фурқатда.
Оҳ, агар сен билсайдингки, қиз,
Бутун умр — асрлар беиз,
Ҳузур қилиш ва азоб чекиш,
Ёвузликка мақтов кутмаслик,
Яхшиликка әҳсон кўрмаслик,
Узинг учун яшаш, әнтикиш,
Бу абадий курашда яна
Бекелишув ва бетантана

Кун ўтказиш — қандай оғир иш!
Ҳам ачиниш, ҳам ачинмаслик
Ҳар нарсани англаш ва сезиш,
Ҳеч нарсани кўзга илмаслик,
Ҳаммасидан таҳқир-ла бешиш!.
Лаънатини ёғдириб худо,
Даргоҳидан айлагач жудо,
Табиатнинг қучоги бутун
Муздай совуб қолди мен учун.
Кўз олдимда ястаниб шунда
Мовийланди коинот; унда
Кўпдан менга таниш, зийнатдор
Сайёralар тўпини кўрдим.
Олтин тож-ла учарди улар.
Оҳ, на хўрлик, баридан сўрдим,
Ҳеч биттаси назар солмади,
Эски дўстни таний олмади.
Шунда қаҳрим келиб уларни,—
Ўзим каби қувгундиларни
Рўбарўга чақирдим. Бироқ,
У ёвуз юз, ёвуз кўзларни,
Эвоҳ! Таний олмадим у чоқ,
Бу аҳволдан қийналдим ёмон;
Ваҳимага тўлиб шу замон.
Қанотимни силкиб йўл олдим,
Қайга? Нечун? Ўзим билмасдан,
Эски дўстлар кўзга илмасдан,
Унудилар... Мен якка қолдим:
Шундан кейин жаҳон мен учун
Беҳишт каби тор ўлди бутун,
Оқимнинг ҳур истаги билан
Борар жойин, манзилин билмай,
Бесукуну ҳамда беелкан
Оқиб кетаётган кемадай;

Гоҳи пайтлар саҳарда ёлғиз
Кўқ гумбазда қорайиб юрган,
Тўрт тарафга ўзини урган,
Худо билсин, қайдан, қай сари
Тиним билмай бемақсад, бенз
Учгун булат парча сингари
Мен ҳам учар әдим беқарор,
Ҳамдам излаб ўзимга зор-зор!
Инсонга кўп ҳоким бўлмадим,
Ургатмадим гуноҳларга кўп.
Яхшиликни тамом хўрладим,
Одилликни ерга урдим хўп.
Узоқ әмас... Тоза имоннинг
Алангасин ўчирдим осон...
Меҳнатимга арзирми ҳеч он
Аҳмоқ, мунофиқи инсоннинг?
Мен қийналдим, жаҳондан бездим,
Тоғлар аро беркиниб кездим,
Худди кўкдан отилган юлдуз —
Тун қўйнида дайдидим ёлғиз,
Танҳо йўлчи тунда йироқдан
Макрим билан бир ўт кўрарди,
Отини тез унга буарди.
Бориб-бориб баланд қирғоқдан
Жаҳаннамга тўнтариларди,
О! Бекорга Фарёд қиласди,
Жар тошлари ботарди ҳонга...
Парча-парча бўлган инсонга
Эътиборсиз кулиб боқардим,
Шодланардим, қанот қоқардим,
Аммо тезда ғазабнинг қора
Бу ўйини ёқмасдан қолди,
Қон сайридан кўзларим толди!
Мен исёнкор табиат аро

Дил зорини босмоқчи бўлиб,
Бузуқ ўйдан қочмоқчи бўлиб,
Унтилмас нарсаларни ҳам
Унумоққа онт ичib маҳкам
Бор оламдан тамом жирканиб,
Кучли бўрон билан урушда,
Чақмоқ, туман ичра бурканиб,
Қуюнларни ўйнаб буришда,
Булутларнинг устида учдим.
Кенг фазонинг қўйинини қучдим,
Келиб кетган ҳамда келгуси
Одамларнинг барча қайғуси,
Барча мәҳнат, барча кулфати,
Барча чеккан ғам, уқубати,
Ҳаммасини жам қил ўзингга;
Сўнгра менинг ҳали сўлмаган,
Оlam унга иқрор бўлмаган,
Танилмаган зўр азобимдан
Бир лаҳзани келтир кўзингга...
Улар нима бунга нисбатми?
Одам недир? Недир иш, умри?
Келиб кетган ва келиб кетар...
Умид борки, ҳукмдор тангри,
Ҳукм этса ҳам афв эта олар!
Менинг қайғум бўлса муттасил,
Шу ердадир, ҳеч қачон ўлмас,
У мен каби агадий, асл,
Мендек унинг охири бўлмас!
У ажралмас, мен билан яшар,
Гоҳ илондек ўйнар, тўлғанар,
Гоҳ оловдек куйдириб ёнар,
Гоҳ тош каби фикримни босар,—
Ўлган умид, ўлган аҳтирос
Қабридир у. Асти бузилмас!..

Т а м а р а

Қайгуларинг не керак менга?
Бас қил дедим, бас дедим сенга.
Гуноҳкорсан...

И б л и с

Сенгами, ҳур қиз?

Т а м а р а

Эшитарлар...

И б л и с

Танҳомасми биз?

Т а м а р а

Худойим-чи?

И б л и с

Бизни кўрмас у,
Кўк билан банд, ерни сўрмас у.

Т а м а р а

Жазолар-чи, дўзах ўти-чи?

И б л и с

Ҳеч гап әмас, тинглагин пича,
Сен сазомни урмасанг ерга
Дўзахда ҳам бўлармиз бирга.

Т а м а р а

Эй туйқусдан йўлиққан, дўстим,
Ким бўлсанг бўл, барибир жўшдим,
Роҳатимни мангу йўқотиб,
Ажаб мажҳул фараҳга ботиб,
Ихтиёrsиз тинглайман сени,
Агар борди алдасанг мени,
Сўзинг ёлғон бўлса мабодо...
Бу на шараф! Раҳм әт, эй худо.
Менинг кўнглим сенга не керак?
Сен кўрмаган барча қизлардан,
Чирой шоҳи у юлдузлардан
Наҳот кўкка мен қимматлироқ?
Улар ҳаёт! Ҳаммадан гўзал,
Таърифи йўқ гул чиройларин
Ердагидек қизлик жойларин
Улим қўли бузмаган азал.
Йўқ! Сен менга қасамёд айла,
Уйларингдан кеч, барбод айла,
Кўрасанми ғам чекаман мен,
Хотин ҳиссин кўрмоқдасан сен!
Юрагимда шубҳа бор сенга...
Аммоқи сен барчасин тўйдинг,
Ҳаммасини биласан, сўйдинг,
Раҳминг келар албатта менга!
Онт ич... ёвуз бисотингдан кеч,
Ваъда бергин, инонтири, уқтирир,

Наҳот, бўлак бузилмаган ҳеч
На бир қасам, на ваъда йўқдир?

Иблис

Онт ичаман, хилқатнинг боши,
Ҳамда унинг сўнг нафаси-ла,
Жиноятнинг уятли тоши,
Ҳақиқатнинг тантанаси-ла!
Онт ичаман, зафар орзуси,
Инқирознинг қайгуси билан,
Васлинг билан ҳамда бўлғуси
Дардли ҳижрон қўрқувси билан,
Онт ичаман, муте руҳлару,
Дўйстларимнинг тақдирлари-ла,
Менга душман малакларнинг у
Қонсираган шамширлари-ла,
Онт ичаман, кўк-ла, дўзах-ла,
Ер санами сан-ла ва ҳақ-ла,
Сенинг сўнгги бир нигоҳингу
Энг биринчи ёшинг, оҳингу
Лабларингнинг гул дамлари-ла,
Ипак сочинг бурамлари-ла.
Онт ичаман, айш-ла, кулфат-ла,
Онт ичаман, бор мұҳаббат-ла,
Эски ўчдан тамом воз кечдим,
Кечдим мағрур ўйлар баҳридан
Бундан бу ёқ макрим заҳридан
Йўлдан озиб қийналмас ҳеч ким!
Энди осмон билан келишмоқ,
Севмоқ, сифинмоқни истайман.
Энди әзгуликка әришмоқ,
Унга инонмоқни истайман.
Энди бутун бу оламдаги

Касофати руҳимни қувай
Кўз ёшим-ла пешонамдаги
Кўк оташин изларин ювай.
Кўй, бу дунё тинч ва воқифсиз
Чечаклансан, гулласин менсиз!
О! Ишонгил: шу замонгача
Висолингга етишиб, сени
Англай олган фақат менгина.
Оёғингга — ҳокимлигимни,
Эрку, ишқу то имонгача
Тўкиб солган фақат менгина.
Ишқингни қиз, ҳадядек буқун
Мен кутаман, айла ҳамият:
Бир марҳамат, бир онинг учун
Қурбон сенга бу абадият.
Йўлларингда, эй тоза санам,
Овораман, қалби қуюкман,
Ғараэдаги каби ишқда ҳам
Вафодорман, инон, буюкман.
Фалакларнинг озод ўғлиман,
Сени кўкка олиб кетаман.
Бу жаҳонга хоқон әтаман,
Энг биринчи ёрим бўлурсен.
Уша ердан, эй гўзал пари,
Гўзаллиги умрсиз бўлган,
Жиноятга, ўлимга тўлган,
На севгида ва на нафратда
Бетаҳлика яшолмайдиган
Ўз нафсидан ошолмайдиган,
Майда әҳтирос-ла — ғафлатда
Қолганларнинг макони — ерга,
Разолату, ғам кони — ерга
Қизғанмасдан назар соларсан,
Нафрат билан ўйга тўларсан.

Билмайсанми ҳалига довур
Одамларнинг ишқи нелигин?
Қон мавжидир, билмасанг — билгин,
Лекин, кунлар ўтар, қон совур,
Эй гўзал ёр, жавоб бер менга,
Айрилиқа, кўз ёшларингга,
Янги чирой алдашларингга,
Хаёлларнинг хоҳиш, әркига,
Хорғинликка, хафаликка ким —
Жиндек қарши туралар? — Ҳеч ким!
Йўқ! Сен учун, эй севимли ёр,
Тор доира ичра лолу зор
Кундош дагалликка қул бўлиб,
Қайғу билан ҳасратга тўлиб,
Юраксиз ва совуқ инсонлар,
Муғамбири дўст, ёвуз душманлар.
Самарасиз тилак, қўрқувлар
Бўш ва оғир меҳнат, қайғулар
Орасида гулдай сўлишни,
Бекорларга хароб бўлишни
Тақдир азал ёзмаган асло,
Бундай лаҳад қазмаган асло.
Баланд девор остида ғамгин,
Одамлардан, худодан нари
Ибодат-ла ахтариб таскин,
Беәҳтирос сўнмайсан пари.
Йўқ! Йўқ! Сени ажойиб хилқат,
Бошқа олам, бошқа бир қисмат,
Бошқа азоб, бошқа ҳаяжон —
Кутмақдадир, сен менга иони.
Ташла эски орзуларни сен:
Унут унинг ҳар нарсасини,
Эвазига очиб берай мен
Магрур идрок дарвозасини,

Менга тобе руҳларни бутун,
Оёгингга чўқтирайин тиз,
Сеҳр тўла малаклардан қиз,
Жориялар берай сен учун.
Сенга атаб Шарқ Юлдузидан
Олтин жига узиб берайин,
Шабнам териб гуллар юзидан
У жигага тизиб берайин.
Кун ботишнинг лаъли нуридан
Бўйларингга ленталар ўрай,
Атрофингда ҳаволарни ман
Ҳушбўй нафас билан тўлдирай,
Қулогингни ажиб куй билан
Сира тинмай әркалатай мен,
Фирузадан, каҳраболардан
Кошоналар тайёрлатай мен,
Денгизларнинг тубларин қучай,
Булутлардан баландга учай,
Ер неъматин сенга тутай қиз,
Фармонингга йиглаб чўкай тиэ,
Севгин мени!..

XI

Ва у оҳиста
Утдай ёнган лаблари билан
Қизнинг худди хандони писта
Лабларига ёпишди бирдан.
Қиз ялинди. Елғон сўз билан
Аллади у, ишонтириди у;
Ениб турган кучли кўз билан
Тикка боқди ва ёндириди у.
Ханжар каби қоп-қора тунда

Хеч давосиз чақнади шунда.
Хайҳот! Хайҳот! Ёвуз рұх яна
Яна бир йўл қурди тантана!
Қиз кўксига унинг бўсаси
Хайҳот! Ўлим заҳарин қўйди.
Қизнинг дод деб чинқирган саси
Тун тинчлигин ташвишга қўйди.
У товушда муҳаббат, азоб,
Елворишу гина, изтироб,
Ёш умр-ла алвидолашиш,
Олам билан сўнг жудолашиш —
Ўлим деган хабар бор әди,
Бу анг сўнгги оҳу зор әди.

XII

Шу вақтда тун қоровули
Тақиллатиб шақилдогини,
Ҳар ён тутиб динг қулогини
Одат қиласан ҳар куни йўли —
Тикка девор айланасида
Елғиз кезиб юрар әди тек.
Бирдан чўчиб, шарпа сезгандек
Қиз ойнасин шунда пастида
Ҳайрон бўлиб тўхтади қолди,
Атрофига тинч қулоқ солди.
Боқар әкан у жимжит тунга
Икки лабнинг чўлп-чўлп бўсаси,
Заифона қийқириқ саси
Эшитилгандай туюлди унга,
Чол чўчиди, дили увшуди,
Юрагига кир шубҳа тушди.
Лекин тинди ҳаммаси шу чоқ,
Фақат майнин шабада йироқ

Япроқларнинг зорин бу ёқса
Келтиради узоқ ерлардан.
Тоғ дарёси қора қирғоққа
Сўйлар әди ўтмиш сирлардан.
Ваҳим босди, у чол қўрқарди,
Ичдан алланелар ўқирди.
Ёвуз руҳни, қора арвоҳни
Хаёллардан қувиб ташлай деб,
Ўйларидан ёмон гуноҳни
Дуолар-ла ювиб ташлай деб,
Дир-дир титраб ўнг қўли билан
Чўқиниб у илтижо этди,
Индамасдан, ўз йўли билан
Шошилганча тез юриб кетди.

XIII

Ухлоқ пари каби беозор,
Тобутида ётар әди қиз,
Оппоқ юзи, у гулдай узор,
Кафандан ҳам оқ әди... Эсиз.
Юмулмишди киприги мангуш...
Лекин киприк остидаги у
Мудраб ётган кўзлар уйғоқ деб
Е ўпиш, ё кунга илҳақ деб
Кич ўйламас әди боққанда,
Жигари ёш бўлиб оққанда?
Аммоки, у кўзларга қуёш
Олтин нурин қуярди бекор,
Йиглаб ўпид қавму қариндош,
Дил-дилидан қуярди бекор.
Йўқ! Қаттиқдир ўлимнинг дасти,
Уни ҳеч ким бузолмас асти!

Тамарани хуррам кунлари
 Байрамда ҳам ҳеч қачон бу хил
 Ясан билан кўрмаганди эл.
 Ўсган ерин сарин гуллари
 Эски урф-одат бўйича
 Қиз устинда ҳид сочишарди,
 Үлиқ қўлда қолган кўйича
 Гўё ер-ла хайрлашарди.
 Эҳтиросга тўла юзида
 Улимдан ҳеч асар йўқ әди.
 Унда мармар каби ҳам сезги,
 Ҳам ақлдан, ҳисдан бегона,
 Улим каби сирли ва әзги
 Бир чиройдан борди нишона.
 Лабларида ажаб бир кулги
 Қотиб қолмиш әди беозор,
 Диққат билан боққан кўзга у
 Талай ғамдам беради ахбор:
 У кулгига ҳаётдан жудо
 Бўлаётган дилнинг нафрати,
 Энг сўнгги ўй, сўнгги нияти
 Ҳамда ерга сассиз алвидо,
 Деган каби бир қол бор әди;
 Қайғусига олам тор әди.
 У бурунги ҳаёт кулгиси
 Беҳудага қолдирмишди из,
 Энди уни не қилаарди қиз,
 Ҳоким әкан ўлим уйқуси?
 Бир кулгининг бир ўшари бор.
 Кеч тушганда, қуёш ботганда,
 Денгизда зар әриб ўтганда,
 Казбек узра кумуш каби қор

Бирпас асраб шафақ нурини
Йилтиллайди узоқдан қиё,
Аммо ярим жонли бу зиё
Еритмайди кимса йўлини!..

XV

Кўни-қўшни, қавм-қариндош
Ғамли сафар учун йигилган,
Кўкси қисиб, дами тиқилган
Қари Гудал кўзларидага ёш,
Фарёд қилиб йиглаб зору зор,
Сочларини юлиб, сўнгги бор
Оқ отига минди, қўзғалди —
Барча мозор сари йўл олди.
Йўл олисдир, тинмай бирма-бир
Уч кеча-уч кундуз чўзилар.
Боболарин ёнида улар
Тамарага қазмишлар қабр.
Қишлоқларни ўт қўйиб босган,
Гарибларни талаган, осган
Гудалнинг бир ўтмиш авлоди
Кўкка чиқиб фигони-доди
Касал бўлиб ётиб қолганда,
Гуноҳларга ботиб қолганда
Айбларини ювмоқ қасдида
Фақат бўрон ўйнаган, учган,
Қарчигайлар зирвасин қучган
Қоя узра, булут пастида
Уруғига айлаб нишона
Солмоқ бўлган әди бутхона,
Тезда Казбек қорлари аро
Бир калисо ясалди танҳо

Суяклари унда бўлди жо.
Уша баланд қоя сал ўтмай
Гўристонга айланди базўр,
Кўкка қанча яқин бўлса гўр,
Гўё бир оз иссиқ бўлгандай?
Одамлардан нарида ҳар дам
Гўё сўнгги уйқу бузилмас...
Бекор! Утган севинч, ўтган ғам
Улганларнинг тушига кирмас...

XVI

Бир фаришта мовий самодан
Олтин қанот қоқиб ўтарди,
Ул гуноҳкор жонни дунёдан
Қучогида олиб кетарди.
У юпатиб гуноҳ қизини
Шубҳаларин қуварди ундан.
Гуноҳ билан азоб изини
Кўз ёши-ла юварди ундан:
Жаннат саси олисроқ ердан
Эшитиларкан уларга, бирдан
Уларнинг ҳур йўлларин кесиб,
Худди кучли шамолдек әсиб
Дўзахи руҳ гувиллаб учди,
Қуюн каби самони қучди.
У довулдек кучли әди-ю,
Чақмоқ каби ялтирас әди,
Ғурурланиб тентакларча у
«Қиз меники! Йўқол сен!»— деди.
Тамаранинг гуноҳкор жони,
Ваҳм билан тўлиб ҳар ёни
Фариштага ўзини уорди.

Дуо ўқиб қалтираб турди
Келажакнинг тақдиди шу чоқ
Ҳал бўларди: чунки у тағин
Ғазаб билан солиб қовоғин
Қиз олдида ёймишди қучоқ,
Аммо уни, эй парвардигор,
Шу чоқда ким таний олурди?
Қандай газаб билан у ғаддор
Аччиғланиб назар солурди.
Тўлмиш әди буткул сўнгги йўқ
Душманликнинг ўлим заҳри-ла
Юзларидан гўрга хос совуқ
Еғар әди ёвузлик, ҳийла.
«Кет, шубҳалар қора руҳи, кет!»—
Деди осмон әлчиси унга:
«Кет, эй беор, чекил, эй безбет,
Энди сенинг ҳаддинг йўқ бунга!

Етар шунча тантана қурдинг,
Етар шунча сен йўлдан урдинг,
Энди ҳукм соати етди,
Парвардигор қатъий амр әтди!
Утди унга синов кунлари,
Утди унга азоб тунлари,
Ернинг фоний кийими билан
Шар занжири ечилиди ундан.
Билгил! Уни кўпдан кутардик,
Кўпдан унга биз кўз тутардик,
У шундайин руҳларданники,
Улар учун ҳаёт — бир дамдир.
Бетасалли, бир онли ғамдир.
У шундайин руҳларданники,
Раб уларнинг жонли торини
Яратмишдир сарфлаб борини,
Улар асли дунё учунмас,

Ва дунё ҳам улар учунмас!
Қаттиқ баҳо билан сермеҳнат
Шубҳаларин ювди у бутун.
У қийнали, севди. У учун
Энди ишқа очилди жаннат!»
Евуз руҳга хўмрайиб боқиб,
Ул фаришта кенг нафас олди.
Севинч билан ҳанотин қоқиб,
Кўк денгизи ичра йўқолди.
Мағлуб бўлган Йбелиш шу замон
Тентакона тилакларини,
Орзулару истакларини —
Ҳаммасини қарғаб беомон
Яна мағрур, бир ўзи якка
Бурунгидек беишқ, бепакка
Мулзам бўлиб, қайғуга толди.
Бу жаҳонда тентирағ қолди!
Ҳалигича тоғ ён бағрида
Қойишаур водийси узра
Қуюқ булат, туман бағрида
Узоқлардан кўринниб хира
Ғамгин назар ташлаб тўрт томон
У хароба туради ҳамон.
Уша ҳақда болалар учун,
Ҳикоялар сақламиш кучин...
Рўё каби у тилсиз ҳайкал,
У сеҳрлик кунлар гувоҳи,
Қоп-қорайиб кўринар сал-пал
Дараҳтларнинг ичидан гоҳи,
Пастда овул чечак отади;
Ер ям-яшил гуллаб ётади.
Гувиллаган товушлар пастда
Тоғдан тоққа урилар аста,
Пастда майин шабада елар,

Узоқлардан карвонлар келар.
Кўпикланиб, ярқираб ирмоқ.
Қуий тушмай, сакрайди ҳар ёқ.
Бегам бола каби табиат
Ҳамиша ёш; шўх ҳаёт билан
Қуёш, баҳор наботот билан
Кўнгил очиб ўйнар ҳар соат,
Бир замонлар навбати билан
Ўз даврини кечирган сарой,
Худди дўсту оиласидан
Жудо бўлган, айрилган гадой,
Ранги ўчган, ғамгин боқади,
Кўнгилларни ўтда ёқади.
Унинг янги яшовчилари
Ой чиқишин кутиб туралар;
Бу уларнинг ҳур байрамлари,
Чирқиллашиб ўйнаб юралар.
Янги роҳиб қари ўргимчак
Уя тўқир сайрашиб чик-чик.
Зангори, кўк калтакесаклар
Майдо тошлар ҳамда кесаклар
Орасидан чиқишиб шомда,
Гиз-гизлашиб ўйнашар томда,
Астагина инидан илон
Зинапоя устига чиқар;
Гоҳ кулажак бўлиб бир замон
Калласини пинжига тиқар;
Гоҳ узайиб, ўтган замонда
Катта уруш пайти майдонда
Эсдан чиқиб қолган қиличдек
Қимиirlамай ётиб олар тек...
Бари ваҳшат; ўтган йиллардан
Ҳеч бир ерда из йўқдир беном:
Асрларнинг қўли булардан

Секин-секин ўчиришиш тамом.
Тили йўқдири, сўзлай олмайди,
Ҳеч нарсани әслатолмайди,
На шуҳрати Гудал отидан,
На севимли қизи зотидан.
Аммо улар кўмилган мозор?
Энравадаги бутхона омон.
Оллоҳ паноҳида беозор,
Булут ичра кўринар ҳамон,
Эшигига қоровул бўлиб,
Бошдан-оёқ қорга кўмилиб,
Темир совут ўрнига мангу
Муз кийиниб қотиб турган у
Сақлагувчи гранит тошлар
Атрофига совуқ кўз ташлар...
Кўчай деган кўчкилар мудраб,
Совуқ уриб, музлашиб, титраб
Тўрт атрофда шалолалардек
Осимишиб турадилар тек!
Бўрон соқчи бўлиб юради,
Деворларнинг чангин суради,
Қўшиқ айтиб бақирап гоҳо,
Соқчиларни чақирап гоҳо.
Бир ажойиб калисо бор деб,
Кавказ тогларида турар деб,
Оқ булатлар шарқдан елишар:
Сажда қилмоқ учун келишар.
Аммо кўпдан бу гўрлар узра
Ҳеч ким келиб йигламас сира.
Тунд Казбекнинг баланд қояси
У ўлжани сақлар, кўз узаси
Одамларнинг мангу ноласи
Уларнинг тиңч уйқусин буэмас.

ПАРТИЗАНЛАР ҚУШИГИ

(Сергей Алимов)¹

Тоғлар ошди, йўллар юрди
Ўт дивизия олга!
Душманларнинг таянч юрти
Оқ денгизни олмоққа.

Порлатарди байроқларни
Яралардан оққан қон.
Юрат Амур партизани
Кучли, абжир эскадрон.

У йилларнинг донғи кетган,
Донғи сўнмас ҳеч қачон.
Кўп шаҳарни ишғол этган
Отряд-отряд партизан.

Ҳали әсдан чиқмас бир зум
Нурли машъал сингари.
Спасскдаги бўлган ҳужум,
Волочаев кунлари.

Атаманлар яксон бўлди.
Ҳаммасига босдик ўт.
Шундан сўнгра тамом бўлди
Зўр денгизда бу поход.

¹ Ойбек, Усмон Носир, Ойдан таржимаси.

МУНДАРИЖА

Поэмалар

1870 (Лениннома поэмасининг кириш қисми)	7
Тожихон	9
Норбута	13
Наҳшон	40

Драма

Атлас	93
-------	----

Таржималар

Богchasарой фонтани (А. С. Пушкин)	123
Демон (М. Ю. Лермонтов)	145
Партизанлар қўшиғи (Сергей Алимов)	190

На узбекском языке

**Усман Насыр
ИЗБРАННЫЕ ПРОИЗВЕДЕНИЯ**

Двухтомник

Том второй

Редактор Ж. Насриддинова

Рассом П. Халимов

Расмлар редактори Ю. Павлов

Техн. редактор Т. Смирнова

Корректор М. Абдушукрова

**Босмахонага берилди 18/IV-1968 й. Босишига руҳсат этилди
27/I-1969 й. Формати 20×108/32. Босма л. 6,0. Шартлаш бос-
ма л. 8,4. Нашр л. 7,98. Тиражи 15000. Р—11651. Гафур
Гулом номидаги бадийй адабийт макриёти, Тошкент. Навоий
ъёчаси, 30. Шартнома № 70—67.**

**Узбекистон ССР Министрлар Совети Матбуот Давлат комитетининг полиграфкомбинатида № 1 китобхана босилди. Тошкент.
Навоий ёчаси, 30, 1970 йил, замаз 148. Баҳоси 94 т.**